

歷代各家尺牘

清 代 尺 牘

(下冊)

上海文華書局印行



上海图书馆藏书



A541 212 0014 93388

清代尺牘 下卷

答某孝廉書

孫原湘

比因餘杭之役留西湖十日。歸見案頭手札。知以代作某翁壽言見委。且謬探虛聲。必以韻語。僕自痛遭祖母之喪。不作詩。四閱月矣。禮大功廢業。近人三年之喪。多有飲酒食肉者。非不通達世故。然問之。此心恐未必安。先儒云。勿以過小而爲之期服。作有韻之文。過非小矣。雖違衆甯守此。硜硜之義耳。且僕之不能代人作詩。不自今日始也。足下見僕向亦曾間一作矣。不知向之所爲。皆出於不得已。或尊長之命。朝征暮斂。不復可耐。又萬萬不能辭。乃命六歲兒阿安綴輯成語爲之。間爲點竄一二字而已。今春此子已夭。痛入心骨。大兒年十二。僅能作五七言短句耳。僕自失此捉刀人。遂畏聞乞詩之請。棖觸舊事。益痛慧根不祿。泪涔涔濕衫袖也。或將別乞吾友爲之。藉以塞責。僕且不耐人乞。又安能轉而乞人乎。況足下

徒以鄙人之名耳。他人爲之。無論不工。卽工亦必不當。足下意如掠人之美。以爲己。有是欺。吾友以欺足下。尤僕所不爲也。聞足下所壽某翁。乃富人也。富人必不知詩。足下能自爲之。固佳。不則以半斗麪供其家作湯餅足矣。何必屑屑於此。徒以他人之詩。往是欺某翁也。盍以僕不忍欺足下之義行之。某翁可乎。足下古道照人。昨見僕衣紫繭袍。謂非期服所宜。聞命卽敬易之。直諒之德。佩且弗誼。又何忍以足下故。陷僕於不義哉。

與子和農部書

孫原湘

三接手書。知閣下拳拳於鄙人者。甚深且摯。屬以歲內北行。既可省車價之半。且及閣下未出都時。可謀朝夕。歡甚感甚。旣而思之。閣下之意。豈在是哉。巷有麗者。絜貞自守。顧貧不能舉炊。其左右居。皆齟唇歷齒。靡不漿酒糞肉。歌笑以爲樂。麗者乃稍稍近之。左右居皆引以爲伍。其後頗自給。巷之人皆笑之。謂其所得者小而所失者大也。閣下殆懼某之爲麗者也。某聞報日。卽有以漕規之說進者。某未

及答。老母厲聲曰。以甘言誘吾子者。老婦必唾其面。其人慚沮退。某乃與同志約。有以足跡踏倉場及用名刺投縣官者。擿勿與齒。與其仰面看吏胥。甯弗計偕耳。曰唯者。惟子侃匏風耳。匏風家頗溫飽。固無藉此堅守此志者。惟某與子侃。然兩家典質一空。逋負俱纍纍。公車之貲無所措。徧告諸戚友。舉行會事。得錢才十二萬。未及具費之半。行將更貸諸疏屬遠戚。顧濟與否。未可知也。閣下望我甚切。萬一糗糧不具。竟弗克行。大懼負良友意。既又思之。閣下望我之意。豈在是哉。士君子得行其道。與否要與氣數相關。不可強而求也。今日之進身。卽將來之行己。如急科名趨勢。利宛轉求貸。以期必得。亦與漕規何異。枉尺直尋。古人所不爲也。況試於禮部。未必成進士乎。況成進士後。未必得行其道乎。今之勸駕者。必曰。不成進士。不足以愜親意。某獨以爲不然。夫勢位富厚。豈有窮盡。幸而登館閣。歷清要。洊至尙書侍郎。必又曰。不入閣。人子之孝。思猶未致。其極也。此直以貪鄙勢利之心。測度其父母。稍知義理者。忍爲此乎。天下惟仁義之所在。一毫不可讓人。有進

着無退。着其餘。則量力而進。知難而退。任乎自然。而不強爲其所不必然。雖終身由之可也。故能行則行。不能行則不行。可取則取。不可取則不取。其行與否。則憑之天也。其取與否。則衷諸義也。聞閣下歸養之志甚堅。將於明歲春融回籍。此時賢所依。忍不能決者。閣下毅然行之。且諱言終養。而託名於暫假。簡齋先生所謂終之一字。人子所不忍言。尤足見閣下愛親之心。永永無已。此意閣下未嘗宣之於人。某以私意測度。固知閣下必出於此無疑也。已爲布之戚友。道揚仁孝。閣下能不許爲知己乎。

與張子和書

孫原湘

頃所商。始亦以爲無悖於理。既思之。則有決然大不可者。請爲足下言之。夫彼不有疾痛死喪之慘。何至狂悖迷惑。自陷於盜賊。是尊隴旗竿。斷爲某所鋸毀無疑。足下爲保護祖塋計。欲鳴之官。誠仁人孝子所不能自己者。竊以爲祖塋宜保。而人死尤可念也。盈天地間。理氣形三者而已。君子持理。理足則氣充。氣充則陰陽

不得而奪。小人蠢蠢。恃有形耳。一入形家之說。而其氣愈餒。氣餒則中無所恃。而形有時而勝。今某以疊見死亡。謬然計出於此。尤小人之至愚者。其爲陽陰所顛倒也。宜哉。顧其所遭。則可憫矣。當此而猶執君子之說。律之不已。過乎。墓有封有樹。此外皆無益之壯觀也。墓之有旗竿。視華表翁仲。尤無謂矣。祖塋之藉。以保護者。豈在是。足下之光顯。先人者。又豈在是。夫有益於己。而害於人。君子猶不爲。況無益者乎。一經官府。勢必懲之以法。鄉愚無知。直以爲必欲盡死其家。是足下重蒙惡。而某重受禍也。頃足下言鄉人聞此事者。咸以爲且得死罪。是足下之威。既足以懾服鄉人矣。必欲恃勢立威。罔顧怨懟。焉知此輩無識之徒。不反以怨懟之。至陰肆其侵損之術。甚非所以保護祖塋之計也。僕則謂爲先人示威。不若爲先人示德。今若因而去之。雖愚民亦當感且媿。而不復肆暴於邱隴矣。必若不悛。然後治以有司之法。乃其自取刑鑿。而非於我心有歉也。願足下更察之。

與朱武曹書

清代尺牘 下卷

汪中

曾子有言。往而不返者年也。中往與成裕足下相見。序其歲。相次以九年。惟足下無家室。人事之累。年壯而身逸。則其爲學也易矣。有遠見之識。有瀟篤之性。有力學之志。有父兄朋友之益。是天以儒者之業。責武曹也。不可以不勉。傳曰。民生在勤。勤則不匱。荀卿子曰。鏗而舍之。朽木不折。鏗而不舍。金石可鏤。盛年不再。日力可惜。願足下之循序而持久。爾中嘗有志於用世。而恥爲無用之學。故於古今制度。沿革。民生。利病之事。皆博問而切究之。以待一日之遇。下至百工小道。學一術。以自託。平日則自食其力。而可以養其廉恥。卽有饑饉流散之患。亦足以衛其生。何苦耗心勞力。飾虛詞以求悅世人哉。此吾藐然常有獨學之憂。而願與足下勉焉者也。

與劍潭書

汪中

足下以孤子爲母氏所成就。克有聞於世。凡其相習者與之言。則必及其母。凡其有文者。則必求爲之述其母。記曰。君子之所謂孝也者。國人稱願然曰。幸哉有子。

如此可謂孝也已。其子之謂歟。雖然。子之所望於人者。不過狀。嫠室之艱。貞。紘生。我之勞。瘁。當世號爲女宗。國史懷其舊俗。如是而止矣。竊以爲虛文。無濟。未足以充子之志也。以中所見。大抵爲寡婦者。必壽其子。苟成也。則家必昌。雖貧也。必孝。此天道之可知者。然當始孤之日。蒙釋。無知其親血氣。堅壯。疾疢不作。而飢寒。愁痛。斲削。萬端。使不得一日。遂其性。洎其子成人。授室。門戶再造之日。方思從容。頤養。以娛暮年。而精力奄亡。茶然槁木。葶苈梁肉。無補於旣敝之身。是憂患之日。則其親旣當之。而以傷其生。安樂之日。則妻子僕妾。皆得與享之。而親轉不能堅。其命豈非人生之至痛哉。是雖日用三牲之養。曾不若及其壯而日一再食之爲美也。孟子曰。鰥寡孤獨。天下之窮民而無告者。文王發政施仁。必先此四者。然吾觀先王之世。耆老孤子。則司門遺人。得以委積財物。養之。惟寡婦無聞。故大田多稼。至於遺秉滯穗。始得取之。以爲利。而夫死妻穉。子幼。無大功之親。於是有同居不同居。繼父之服。豈非人道之窮。雖聖人亦不能事爲之。制歟。議曰。凡州縣察其寡。

婦之無依者。造屋一區爲百間。間各戶。使居之。命之曰貞苦堂。外爲門。有守門者。門左爲塾。凡其兄弟親戚之男子來省者。待於其所。以其名族召之。則出見之。非是不得入。婦有姑若子女三人者。月給米一石。錢二百。終歲綿六斤。布五匹。其多少以是爲差。任以女工絲枲之事。而酬其直。門右爲庫。有主藏者。非六十以上不得充。主門者亦如之。擇鄉大夫之敦篤有智者。總其事。出入贏縮之節。官吏不得問焉。門外爲社。有師一人。凡孤子五歲至十歲者。學焉。命之曰孤兒社。三年視其材分志趣。而分授以四民之業。然而必通孝經。解字體。至十六。度能自食其力。以次減其廩。至二十。則舉而遷之於外。其賢者能者。既老。則使掌其堂之事。各修其業。以教社之子弟。其富且貴者。十分其貲。而三入之堂。訖於其身。凡民雜犯。自杖以下。視其輕重而要之。使入其財於堂。遠鄉若有屋。不入堂者。聽之。廩之如在堂者。此其大略也。其它損益之。惟其人。是故哀苦蕉萃之狀。日聚而相習。則夜哭之感。不生而從一以終者衆矣。少蓄其力。則老而不衰。而孝子得以終其養矣。幼有

所長而督之以恒業則夫人思自奮而材智出矣。國家法紀明備，百度具舉，若養濟院育嬰堂漏澤園，蓋皆養生送死，恤老慈幼，以周萬民艱阨也。惟茲堂之設，而風化以厲，人材以起，又非徒哀其煢獨而已。往乾隆丙子，桂林陳公巡撫江蘇，屬年飢，命節婦之貧者，親族共周恤之，以全其操。誠大臣之言矣。然是時，吾母子方流離乞食，而三族之富人無問者，無亦文告之感人者淺歟。吾子志之，他日得志，或行之一府一縣，使四方以爲法，或告於上而頒之天下，以爲令典，使經世大法詩書所不載，三代聖王之所不及者，而今日行之。後世考其良法善政，而曰自汪某之爲其母始，惟其母之賢，以至於是，則所以貽之令名者，豈有既哉。詩曰：孝子不匱，永錫爾類。記曰：博施備物，可謂不匱矣。夫是之謂大孝，是謂得人之歡心，以事其親，吾子勉之中懷，斯痛劇於常人，自以放廢之身，有母且不能養，天地一罪人耳。鬱鬱之心，敢以望之足下。凡孤子之得行其志者，並以告焉，使當世不獨有能爲是言者，則幸矣。

與彭甘亭書

吳慈鶴

甘亭足下。明月照膽。春風吹懷。二人同心。千里如面。去秋之仲。接展芳訊。輒欲裁
答。忽覩家難。家君既南冠。北行賤子亦辭齊。入薊溫清。請室魄再生。死每至朔宇。
奏厲芳躔。貢衰鳥獸。多不平之鳴。風雲有可憐之色。周勃至此。方知獄吏之尊。緹
縈訟父。思伏金商之下。人生已矣。此情何堪。及邀覆盆之炤。復侍荷戈之行。冬日
烈烈。飄風發發。東門帳飲。龍游之馬不多。南紀星郵。雞栖之車大去。從此坐臥蒿
藜。舖啜塵土。蒼狼白狐。跳盪左右。驚砂走蓬。委藉耳目。空倉窮鳥。求食而見。羅軼
羣孤。獸遭獵而登俎。昔之殄蕩。挈鄂馳芳。鰲藻今且啜泣。霜露淒其。雨雪則有高
岡貞松。孤青表其色。性危霄鷲。隼獨運厲。其精神撫時感序。輒起於邑。二旬之久。
始達淮上。料理檣軸。滂江而行。風顛楚尾。浪惡吳頭。鼉鼉跋浪。將腥大食之。刀蛟
龍繞船。似劫澹臺之寶。素旄絳繚。而電掣銀山。峒喝而鼓駭。此懦夫之所雀息。常
人之所色變。而意氣自若。杯酒無恙。自謂豪健不減。祖生矣。及來南中。遂事戎幕。

烏禽白葉苦竹秋香天未曉而笳吟營初春而柳細將軍樹下竟容長揖之人
都尉軍中途有悲歌之客若夫橫簫直笛能發揮猛厲長戈大劍能馳驟風雨金堤
試馬玉帳傳杯青驄而去驚爲霹靂之聲白衣而來坐於囊韉之右二肆之鐘既
陳一石之飲不醉此閩外之行樂儒者之奇遇也至於區脫莫警刁斗夜鳴月纖
纖而兩頭風蕭蕭而四起東不見滄海北不見燕趙始信卷旄實引愁之草美酒
無銷憂之用長安之遠遠於日邊刀鐙之思思在今夕矣能不膺結神悴踟躕愉
悅哉昨還惠陽復荷手教循繹數四彌感繾綣惟我與子跡雖鶻鼠心則叩駟離
多會少我勞如何秋風戒程將赴京國取道吳下冀接音彩鳴榔采香之浦載酒
舞鶴之市與足下痛飲三日賦詩百篇曜靈匿景繼以華鐙冶鬢命歌酌之金盞
豈不快哉豈不快哉知足下惓惓於僕用覩縷近狀爲報新詩不多並附采覽江
南梅熟風雨錯迕惟匡居善保不宣

致當事書

汪喜孫

前具寸緘。當已遞到。比維侍奉萬安。起居百福。江南禮教之興。始自秦伯。終於子游。今子游配食聖廟。而秦伯僅祀於常熟。非常之舉。必於非常之人。不於名臣。其誰望之。制府卽當履任。方伯巍然才吏。倘先於常熟。新其祠宇。待有入奏者。以俟聖人論定。風化之責。莫重於茲。執事其許之。先儒林有秦伯祠碑文。有關名教。甚鉅。載在述學人爭誦之。執事倘能壽諸貞石。斯文幸甚。喜孫不敢請耳。惟鑒察不宣。

與林香海翰林書

龔景瀚

都中人來。皆云足下甚苦貧。如吾曹者。安得不貧。此固僕意中事也。又云足下之貧。爲人所累。故此自足下忠厚之過。然君子絕交。不出惡聲。足下善其始矣。當善其終。以報復之言。相激者。非愛足下者也。前於陳有美坐次。言足下大有歸志。舉坐皆以爲非。僕獨明其不然。當時皆謂僕好爲異論者。此固未易爲外人道也。今之仕者。大抵爲貧耳。等貧也。不如貧於故鄉。之猶有家庭骨肉之樂也。僕非以高

尙望足下也。且僕於足下別已數年。每良朋文讌酒間語次引領北望。輒復悵悵不歡。若足下歸復得晨夕風雨。追十年前文酒過從之樂。又僕之自爲私計者也。今尊眷北行。足下之志當不果。長安居大不易。足下之貧當益甚。恐過此以往。其去住足下亦不能自主矣。未知握手復在何日。念之悵然。如都門外初別足下時也。

答魯賓之書

姚鼐

易曰。吉人之詞寡。夫內充而後發者。其言理得而情當。千萬言不可厭。猶之其寡矣。氣充而靜者。其聲闕而不蕩。志章以檢者。其色耀而不浮。邃以通者。義理也。雜以辨者。典章名物。凡天地之所有也。闕闕乎聚之於錙銖。夷懌以善虛志。若嬰兒之柔。若雞伏卵。其氣專以一內候。其節而時發焉。夫天地之間。莫非文也。故文之至者。通於造化之自然。然而驟以幾乎合之。則愈離。今足下爲學之要在於涵養而已。聲華榮利之事。曾不得以奸乎其中。而寬以期乎歲月之久。其必有以異乎。

今而達乎古也。

與番舶求日本佚書書

龔自珍

昔在乾隆之年。皇侃論語疏至。邇者佚存叢書至。所箸七經孟子考文亦至。海東禮樂之邦。文獻彬蔚。天朝上自文淵著錄。下逮魁儒碩生。無不歡喜翹首東望。見雲物之鮮新。側聞海東禁令。以唐以後書入境者罪之。中朝一士願因貿易之便。附宣鄙陋。蛟龍有靈。不攬吾言。吾賤士也。祿位無籍。名聲不表於當時。班固云。攄懷舊之畜念。發思古之幽情。我則居之。竊謂唐以後之學。造物者開之。開則變。師變則書奪。奪則亡。東國力守舊而遏新。雖異乎大易窮則變。變則通之義。抑所以慰巷士之思慕者。情甚幽。義甚高。力甚鉅。不敢以汎及。不敢以遠徵。謹願求先儒詰經之遺文及文章家漢魏間作者。附上隋唐兩朝史家簿錄之言。計兩册。苟跡介存亡之間。而可以求之萬一者。各加一紅規於其上。凡七十規。又別紙疏其亡佚之年。希覆加考核。如有存者。願以家藏三代鐘彝吉金之打本。易亦約七

十事往來之郵質劑之平有長年在如曰大夫無域外之交則魯仲尼何爲問官於剡子乎吾知貴國通儒大夫若山君井鼎籐君信篤其人者流必有以教之削札扁函齎此拳拳夢魂有靈以爲先驅

與莊葆琛書

楊夢符

葆琛足下。自君旋轅。僕亦卽次。稍遠城市。遂如幽棲。斗室之外。旁構一園。枯篁號夜。但聞冷聲。落葉滿地。不見履跡。生徒二人。日與接膝。思發於理。殊不入神。呻嘔而答。至忘土音。昨者韞山筠谷。相繼南去。稚存西河。同聲異處。知旣益希。動不相應。間有造作。莫析疑義。思傷於內。癯勝於昔。不知帶緩。嗔怪僮僕。每至宵柝。四應晨雞。三鳴。寢不成寐。起而逡巡。始自覺獨客之難。爲繁憂之易入也。顧念足下。行已及里。拜母於室。啞啞而笑。病婦下牀。弗藥而喜。復於暇日。讀書爲樂。從此十年。或出而仕。知則周矣。識則卓矣。行己之義。不負所學。進可以砥廉。呈能厲風。迹以正逸。德退亦可晦心。折節窮日力。以勗令聞。旣有一世。遂復千古。以此言樂。樂亦

足矣。鬱鬱以處。豈曰能達。至若夢符。年既差長。學又不逮。內無堅計。身無定名。已踰謝裕著作之時。復遲毛義捧檄之喜。眷戀桑梓。不忘晨昏。用是忍忍以待日月。冀得尺寸上報二人。然而良馬之迹。不獨騏驥利劍之鏗。不惟干將浮鴻於海。忽沒飛波。採玉於山。乃見白石。況茲童木。瞻惟枯城。獨知守根不殖。將落事又何可必乎哉。足下知我。故以爲言。仰惟清風。勉旃自愛。

與漳州諸同人書

陳壽祺

螺江驛口。訪戴何人。虎渡橋頭。依劉如昨。回憶刺桐。坼綠扶荔。燒丹晨登。嚴武之牀。暮入邳超之帳。三君八僑。客來金馬之門。一笑千年。人認銅駝之陌。南皮雅醺。仲宣則猶介韶。年西邸朋遊。令楷則初參末席。一時吳趨妙曲。越絕妍詞。靡不霧集。詩城星馳。墨海矣。候蟲掩夕。歸燕辭秋。風起葡萄。人攀楊柳。正復躑躅松關之路。徬徨榕水之瀕。悵望停雲。淒迷舊雨。何知岐海。忽化漏天。逢猿亡楚國之災。在燕舞零陵之日。鮫宮噴沫。江似壅囊。鯤壑翻波。戶真沈竈。而況齊雲亭畔。話雨樓。

邊鴻濛水氣之餘。礪塊泥沙之上。諸君子雖無子贛填隄之分。僅免微生抱柱之危。杜子美之寒衾無牀不漏。高文通之挾筴與麥俱漂。能無神意蒼茫。旅情刺促哉。壽祺彈鋏歸來。采藍不見。風嫋嫋而減芳心。樹冥冥而搖別思。染張衡之翰。詎止四愁。觀枚叔之濤。尤驚八月。嗟哉。飄飄身世。天地沙鷗。渺渺余懷。江湖秋雁。醉憐東野。願如蛩蠹之相從。泣下少陵。毋使蛟龍之易得。

答任幼直先生書

吳定

丁酉之冬。識先生於廣陵。邂逅之交。情逾故舊。矜我窮屈。吁嘆再三。昨復辱書。過蒙寵念。謂今歲將還朝供職。願定出其文章。先生攜而獻之。卿大夫好士者之前。必有賞歎。逾常拔而出之深淵者。此由先生孜孜進賢。故不量定之庸。驚而惠恤之。執書感晞。敢違嘉命。雖然。竊有說。定以頑懦之資。二十年來。疊嘗骨肉憂患。六經百氏。攻討未遑。所爲文章。空疏舛鄙。不足邀巨公盼睠。明矣。且夫三尺童子。皆言富貴有命。而天下之大。無數人知命者。知之而仍不避水火以求之。必其中猶

有。傍。徨。莫。之。能。信。者。在。也。昔。黃。允。以。雋。才。知。名。或。謂。之。曰。子。有。過。人。之。才。恐。守。道。不。篤。耳。後。司。徒。袁。隗。爲。從。女。求。姻。見。允。歎。曰。得。壻。如。君。足。矣。允。聞。遂。黜。遣。其。妻。其。妻。大。召。親。屬。歷。數。允。隱。惡。而。去。允。以。此。廢。於。時。嗚。呼。毀。行。求。榮。不。用。反。廢。知。命。者。固。如。是。哉。大。抵。衆。人。之。知。命。也。亨。屯。既。定。衆。知。之。甚。且。衆。悔。之。君。子。獨。知。命。於。亨。屯。未。定。之。先。故。可。貴。也。君。子。因。禮。以。知。樂。因。古。以。知。今。因。時。以。知。命。觀。國。家。之。勢。通。鬼。神。之。情。黃。直。卿。筮。易。遇。困。之。兌。去。職。隱。於。幽。谷。者。三。年。誠。知。命。之。君。子。也。定。近。亦。筮。得。遯。之。卦。時。命。之。窮。灼。然。可。信。矣。先。生。雖。委。曲。爲。鄙。人。謀。豈。能。回。定。當。遯。之。命。哉。且。夫。儲。石。成。城。而。後。能。嚴。出。入。儲。貨。成。市。而。後。能。通。往。來。儲。禮。義。成。君。子。而。後。能。治。天。下。之。人。之。衆。羣。生。以。洽。萬。物。以。昌。楊。素。使。謂。文。中。子。曰。盍。仕。乎。曰。汾。水。之。南。有。先。人。之。敝。廬。在。可。以。避。風。雨。有。田。可。以。具。饘。鬻。彈。琴。著。書。不。願。仕。也。今。定。生。逢。有。道。非。不。願。仕。者。顧。自。以。齒。踰。三。十。學。行。僅。比。於。中。人。中。夜。悲。思。誠。有。不。知。所。以。進。者。而。易。乃。幸。告。定。以。一。言。曰。遯。定。將。考。道。窮。山。順。天。地。之。心。分。先。賢。之。

責。以。自。奮。也。夫。六。藝。富。於。江。河。而。乃。欲。積。水。潦。以。成。其。大。道。德。崇。於。山。嶽。而。乃。欲。積。土。石。以。成。其。高。日。月。疾。如。馳。亦。未。知。駐。足。何。如。矣。豈。敢。復。逆。命。爭。名。忘。其。踰。分。哉。夫。薦。士。盛。節。也。定。不。敢。援。上。而。先。生。願。爲。之。誇。耀。其。文。於。定。亦。非。有。污。行。也。所。以。吝。於。獻。者。則。通。塞。有。命。之。說。耳。且。淮。南。子。不。云。乎。劍。工。惑。劍。之。似。莫。邪。者。惟。歐。冶。能。名。其。種。玉。工。惑。玉。之。似。碧。盧。者。惟。猗。頓。不。失。其。情。定。之。文。恥。不。若。莫。邪。碧。盧。也。苟。莫。邪。碧。盧。矣。百。世。之。後。豈。無。歐。冶。猗。頓。其。人。者。何。且。暮。之。名。爲。辱。先。生。寵。眷。而。不。獲。奉。教。感。偕。愧。集。無。任。惶。恐。不。宣。

與方植之書

李兆洛

兆洛匿影江干。不與當代賢士君子相聞知久矣。讀大著私心惕然。知負荷世教。自有入也。曩時讀書甚不喜康成。然於朱子亦時時腹誹。讀先生書。敬當力改其失。其爲賜豈有量哉。竊嘗謂漢宋紛紜。亦事勢相激使然。明代以八股取士。學士低首束縛於集注之日久。久則厭而思遁。一二才智之士。鑿空造奇一遁而之子。

再遁而之史。然皆不能越集注範圍。漢學興於是乎。以注攻注。以爲得計。其實非爲解經爲入股耳。一二君子倡之於前。無識者乃藉以取名。或甚以此希取富貴。破流至今日而極。而掇拾愈細。其味愈薄。亦稍稍有厭之者矣。得先生昌言之。拔本塞源。廓清翳障。程朱復明。此亦功不在禹下者也。非博學慎思。安得此明辨哉。

乞食啟

彭績

某百齡有盡。一口無涯。長病在陳。輒周乎謝。懷結草於今日。報銜環於異時。仰負秋蟬。俯慚春蚓。嗟乎。熟不因人志勵。伯鸞之竈。飢來驅我情生。元亮之詩。啟鑑鳩形。臨池菜色。況當尺燼重桂。門乏屣屨。斗粟如珠。野無藜莧。雖骨填溝壑。肉臥烏鳶。自處飴甘。不言槩苦。但以白髮慈親。鑄底未留焦飯。青年拙婦。室中徒望。舖糜陸橐。誰遺疏田。莫給古者。蘆中相國。淮水王孫。以彼英雄。受憐女子。豈可削除聞見。安坐弦歌。猶惜齒牙。獨矜風節。伏惟哲兄。仁侔分宅。義篤指囷。閔子孫之困窮。嘉父祖之廉潔。斷不以一呼庚癸。浩闊參商。冀因缶鳴。錫以金諾。滿腹分鵝。驚之。

餘卽同飲。鼠飽腸向雲霄而去。寧類飢鷹。心非漏卮。顏是重甲。謹啟。

答王癡山先生書

樂鈞

桑乾水縮。碣石天漭。鷺尙翥而鵠飛。鴻不來而燕去。一蠶絮草。秋士獨聞。幾葉辭柯。羈人能數耳目。所寓心骨悲矣。故山幽桂已丹。懸蘿自綠。驅炎迓爽。君子惟宜。伏想履候康娛。恭承慈懿。故多勝也。夏初獲奉尺一。循誦再四。訓詞周備。仁義藹如。語綴函中。意騰墨表。譽鶴解舞。已見蕤氈。愛馬不鞭。反誇驪褭。彥輔稱長。平陽掩過。古賢宏恕。亦何加焉。然或盛言儵樂。乃愧暴腮之魚。深歎鳩慈。實感辭巢之鳥。豈不以速其歸軫。則阻以壯遊。勉以榮途。則慮其浪跡。是故含辭婉約。托旨淵曠。俾之因機有觸。擇義自居。長者用情。抑何深遠。譬諸葳苓藥。我口不苦而疾瘳。醕酌飲人。顏已酡而心覺。某雖木石。能無慙悟者哉。雖然。西笑一誤。南欲彌勞。此之羈挂。實爲紆鬱。恐違盍各之義。不避率爾之誚。千里恣恣。惟先生察焉。自履都門。倏淹歲暑。栖琴拭劍。舍蟻邱之漿。典硯鬻書。炊楚國之玉。公車待詔。履印雪穿。

太學觀經衣鉤石破迫於寒餓不免就人於是借枝鷓鷯分粒鴈鶩舌耕則菑畚少穫心織則杼柚其空幾於勞等賃畚困儕備冶所謂窮援投林豈暇擇木餓麟不噉誰爲落毛胡有戀三升之良醞不憶尊鱸愛十丈之飛塵反欺雲壑者乎此無所爲一也少耳時榮嘗爲興念及今矢志輒已淡懷特以湛露滲灑不遺於小草箭輪轆轤敢息於勞薪在三有二無所逃義故隨行逐隊以應秋賦耳然而鴛鴦之錦學製未工鷓鷯之膏塗鋒不瑩又旼捷徑爲歧途比要津於寒谷子敬之詣謝傳惟及寒暄徐勉之待虞生止談風月槐柳齊列桃李成蹊非所能矣是以寸朽被捐片長靡錄咎由自取怨復誰歸所謂濡體爭魚原非所樂投策分馬已塞其望胡有棄黃芽之訣欲攫化宮絕丹梯之杳思躋傑閣者乎無所爲又一也素懲烏集之交特慕鴻軒之侶雲霞既合則送抱推襟屠釣可親亦開胸寫臆苟非其人特存矜愼漫刺寡詣連牆弗謁伊昔然矣輦轂之下流品紛紜或旅店而逢貴使或客座而覲時髦莫不棣棣其儀疏疏其服膏脣調吻詡勢矜才堙曖之

士。蝨。乎。其。閒。蘿。袞。相。耀。丹。素。懸。絕。避。地。未。能。避。人。奚。可。未。嘗。不。徵。信。叩。籍。說。有。談。
空。暫。對。庶。亦。無。乖。久。恩。乃。以。弗。任。往。往。舉。扇。障。塵。拄。頰。看。山。魯。國。男。子。拂。衣。而。去。
所。謂。蘭。蕙。殊。臭。勢。不。可。並。冰。炭。同。器。理。無。久。合。者。與。隨。則。喪。已。遁。則。忤。物。屏。風。屈。
曲。坂。丸。圜。轉。難。矣。哉。無。所。爲。又。一。也。況。乎。仲。宣。體。弱。叔。寶。形。羸。儻。竹。則。影。寒。哦。松。
則。響。啞。比。達。鄉。縣。益。疏。調。衛。風。強。靡。骨。近。日。馭。以。無。溫。土。燥。裂。脣。飲。天。河。而。不。潤。
若。夫。元。子。幕。中。伯。通。廡。下。昏。燈。校。字。目。眇。猶。披。凍。筆。寫。書。手。皸。難。輟。春。晨。宜。寐。而。
車。聲。在。門。秋。午。欲。餐。而。客。屢。踐。席。凡。茲。膠。擾。並。損。天。和。退。之。每。以。噤。瘁。茂。宏。因。而。
疲。眊。切。脈。望。色。徒。恃。於。衆。譬。稱。藥。量。水。或。煩。於。良。友。所。謂。蒲。柳。之。質。望。秋。先。零。橘。
柚。之。性。踰。淮。而。病。孰。與。休。神。家。術。葆。素。邱。樊。之。適。乎。無。所。爲。又。一。也。往。在。州。閭。頗。
耽。徵。逐。壺。榼。之。會。裙。屐。之。遊。曹。偶。相。攜。昕。夕。靡。倦。今。城。野。殊。區。軒。航。異。便。雷。轟。竟。
日。仍。在。通。闌。波。沸。四。時。不。出。人。海。屋。無。見。山。之。閣。眼。與。碧。疏。圃。少。蒔。花。之。臺。意。將。
紅。斷。於。是。經。傅。昭。之。戶。闔。其。無。人。隱。子。綦。之。几。嗒。焉。喪。耦。至。於。銅。街。金。谷。綺。陌。繡。

郊賭酒催歌。搖鞭挾彈。道周側帽。觀羽獵之牙旗。塵後揜裳。趁迎神之腰鼓。則五陵年少。四姓小侯。擅縱橫於九衢。逞豪華於百戲。羈旅之臣。謝不敏矣。野逸之興。減抑盡矣。所謂畜魚於樹。棲鳥於泉。欲其鼓鬣游泳。振翮迴翔。奚能復爾哉。無所爲又一也。總此五故。實萃百憂。固當舍短用長。全真取適。夫瓌珠珞珞。哲人之諫戒。纂纂烏烏。處士之遺響。誠欲鏟迹浩穰。逃形密林。依層青。鑑活碧。闢軒牖。樹花藥。馨膳潔羞。奉堂上之養。鼓瑟吹笛。罄門內之樂。臘羊社酒。敦戚里之好。園栗畦蔬。供賓朋之餽。飫精華於縑素。乞靈輝於牋豪。上結古歡。下交來哲。則第五之名。何減驃騎。孰謂朱紫爲炫。韋布非華。鐘鼎斯腴。簞瓢乃瘠。乎歸哉。歸哉。畢世而已。惟是舍鈔十尺。田無二頃。荆牀息偃。蕭券來呼。朱戶趨。魯困罔指。綵衣博笑。詎懸鶉之能欺。脫粟僅甘。矧餐紙之可代。此季路所以感喟。仲孺所以慙忤者也。加以燕吳遼絕。川陸阻長。秣馬無百日之芻。乘流鮮一舸之費。棄繻難返。終軍已慙。贈策壯行。繞朝孰是。若其畚糧不宿。重繭遐征。恐中途困阻。無傾褚之逢。逆旅見。

疑有奪鬲之患。此嗣宗所以慟哭。季子所以枯槁者也。嗚呼！留滯之義，本異周南。悲咽之情，無殊隴首。而身爲債帥，命應客星。交無許史之援，戚少崔盧之託。進不能荷戈執畚，效用當世。退不能懷鉛握槧，修明絕業。跋烏顧兔，一何迅疾。素衣塵化，元髮鏡彫。徒使老親倚閭，病婦歎室。雖復幸符鵠占，暫紓鶴望。而求食之蟹，離殼不常。轉風之蓬，隨波不遠。已焉哉！天實爲之，謂之何哉！往歲奉和二詩，曾塵几席。里同巴曲，哀逾越吟。蓋平子愁賦，早有遐心。伯鸞噫歌，感爲同調。猥蒙褒飾，其辭但以悲激爲過。小人懷土，遂爾戚戚。彼時褊狹，良足悔赧。竊意祀牘，目盲得駿。髀折祥咎，靡朕枯菀。有期誠宜，蓬累而行。推移於世，希大穰於畏壘。效傭隱於巖。輪。一。旦。壘。祖。息。交。黔。婁。改。運。則。題。橋。之。言。可。委。流。水。衣。繡。之。喻。無。慙。故。鄉。烏。在。躡。市。鬻。餅。入。山。采。芝。以。爲。高。韻。乎。爰。乃。委。心。任。化。抗。志。卑。躬。將。求。薺。甘。於。荼。苦。等。握。冰。於。執。熱。亦。謂。貧。窮。曷。旣。聊。試。太。行。之。獲。漂。泊。伊。初。敢。羨。紇。干。之。雀。特。罄。委。瑣。以。洗。前。言。先。生。覩。之。其。以。爲。賜。也。日。損。乎。抑。商。也。日。益。乎。幸。因。郵。傳。益。增。教。條。崇。護。

維時。多不宣悉。

與黃生論妻黨書

鄧瑤

足下頃言某氏子家饒於財。頗知讀書。而家事悉付妻黨經紀。致骨肉失和。家道凌替。足下以與交好。太息痛恨於其人。僕以爲過。矚妻黨古今通病。如漢世后族寵盛。權傾中外。忠正黜退。奸邪諂附。罪盈惡積。卒至身戮族誅者。代不乏人。至莽賊窺竊神器。幾移漢祚。而其禍益烈。此皆牝雞司晨。以至於此。履霜。堅冰。不可不防。其漸也。是故聖人之制禮也。姑姊妹之夫死。而夫黨無兄弟。使夫之族人主喪。妻之黨雖親弗主。夫若無族。則前後家東西家。無有則里尹主之。聖人之意。寧使至疏之里尹爲主。必不可使至親之妻黨爲主。非故薄於妻黨。蓋一過厚。其禍將有不可勝言者矣。帝王寵任外戚。禍旣立。至至公卿大夫士庶人之族。不顧大義。私昵婦家。識者亦目爲不祥。夫世之但知有夫婦之倫者多矣。今試觀宦游之在外者。入其官舍。大抵主人所最信任。而使掌其泉刀布帛。考察出入者。類皆妻之

兄弟。妻之兄弟之子。妻之姑姊妹之子。而父之黨無聞也。富豪之居鄉者。入其家門。大抵主人所最親暱。而使掌其田園貨物鈎稽簿記者。亦類皆妻之兄弟。妻之兄弟之子。妻之姑姊妹之子。而父之黨罕與也。余嘗謂妻黨不宜過暱。凡但知暱其妻之黨者。必不能厚於父之黨。且因此疏間骨肉。使有鬩牆之釁。且成鼠牙雀角之端者。所在而有。豈第某氏之子爲然哉。夫謂妻黨不宜過暱。非謂遂不宜一加存恤也。昔晏子有曰。自臣之貴。父之族無不乘車者。母之族無不足於衣食者。妻之族無凍餒者。論者謂晏子先父母而後妻族。服其仁有等級而言有次第也。謂妻族不宜薄固也。而世人顧專厚之。其不至於骨肉失和。家庭凌替者。幾何哉。僕因足下言。有觸於中。故迅筆書此相質。足下覽之。得毋訾其言之近激乎。

致潘芸閣河帥書

林則徐

昨接關內書。知江左內僚有欲爲弟贖鍰之議。閣下慨然以名世爲倡。左驂解脫。義重齊嬰。特媿弟未能爲越石父。聞有斯舉。不禁銘心胸而汗項背矣。弟受恩深。

重獲咎異常。卽竄逐終身。亦罪所應得。贖之一字。不敢言。亦不忍言。且馬角鳥頭。皆關定數。唐太宗詩云。待予心肯日。是汝運通時。況聖心卽是天心。放臣依戀之忱。固未嘗一日釋。亦惟靜冀天心之轉。敢遽求生入玉門關耶。此事定須中止。不可瀆呈。弟已分致諸同人。瀝忱辭謝。聞閣下與江翊雲書。囑其妥爲斟酌。倍仰識周。見到。先得我心。翊雲深悉鄙懷。亦不肯輕舉。至同人所集之費。弟尙未能一一知之。已託其代爲詢明。分別歸趙。閣下十五年前分賠之款。尙未就清。正弟所代爲蹙額。乃猶於涸轍中。相濡以沫。使弟何以自安。亦惟諄囑翊雲。寄繳台端。感同拜受。友朋通財之義。亦視其時。俟閣下得有從容。解推未晚。弟非敢於至愛。前稍有客氣也。

與盛雲泉論金石書

黃金臺

足下以道義爲彝。以忠信爲鼎。以禮教爲法鑑。以才藝爲文瑜。古之人與古之人也。而且帙擁癸辛。籤懸甲乙。致班固之瓠史。探杜林之漆書。暇則雜仙心於論詩。

參禪理以讀畫瓶一花而自韻。案片石而皆奇。凡關內之印。宣和之鑪。蜀師之甄。海嶽之硯。所收金石約百十種。雲霞粲麗。雖未極北苑之藏。湖海英靈亦足備東觀之論矣。乃或者謂寂寞荒宮。狐鳴夜月。蕭條古墓。牛礪斜陽。拾墜器於齊梁。調羹不足。抱遺甄於漢魏。易餅未能。此庸陋之子。所以不欲取古物也。或又謂年代牢落。見聞差池。未免遊赤水而失玄珠。登泰山而迷白馬。妄珍燕石。致見斥於解人。誤寶康瓠。亦被嗤於哲匠。此訾窳之人。所以不肯信古物也。或又謂龜蚌螭首。頻隕深淵。鼉紐獸環。屢遭烈焰。千秋秘玩。每爲造物所私。三代尊彝。偏屬彼蒼所忌。此迂誕之士。所以不願備古物也。或又謂賈師憲威權獨攬。妙蹟充箱。嚴惟中谿壑難盈。奇珍滿室。未幾籍歸天府。散落人間。銅虎玉鸚。略似煙雲。儵過銀蟬。鐵鳳。安能日日常新。此曲謹之儒。所以不敢貯古物也。然而前賢版碣。史書之得失。堪稽。往代敦匱。掌故之存亡。可按。觀於陸澄驗服匿之形。劉杳誌犧尊之象。何承天識新莽之斗。賈希鏡辨苟晞之銘。他若釋安釐冢之古文。緝顯節陵之遺簡。觀

蜀鏡而立證。誦秦碑而如流。博物君子類如此矣。以故閣名天籟。款識駢羅。亭號金風。圖書充牣。近則述庵侍郎。芸臺相國。蒐羅宏富。鑒別精勤。墨氣融青。金精綻紫。瑤林璣璧。暈采回旋。鐵網珊瑚。枝柯交錯。礎銘碣贊。豈殊允伯之居。跋尾標題。不讓歐公之集。精力所萃。鬼神可通。猗與盛哉。足下眼冷浮雲。胸藏古月。史參己亥。銘解庚寅。每當春簾雨。深秋鐙風。定字青石。赤親自疏。箋土繡苔。班細加考。索燕游十友。素善搜奇。明珠一船。尤能得義。昨者長鯨躍岸。短蜮含沙。烽火連山。戈矛載道。瑤觴繡盞。盡如羽化之銀杯。寶鼎華鐘。半作齧殘之追蠹。而君獨琅函無恙。玳匣猶存。固知淵雅之宗。宜獲神明之庇。僕也未到瑯嬛。莫知戈礫。硯思玉帶。曾著蕪詞。爵考金陀。偶標俚句。伏願足下廣搜樂石。遍訪吉金。以成武庫之編。以解文園之疾。若云玩物喪志。則彼情縈狗馬。手弄鷓鷹。沈溺於花柳之場。耽迷於擣蒲之藪。數者反勝於此耶。足下其勿疑焉。

寄蔡樹百光祿書

譚 瑩

五年契闊。萬里音書。擬垂郵憚之竿。永棄陳遵之札。比維壯懷。翻日浩氣。橫雲通
縞。紆於東南。捧敦槃於輦轂。擲金龜以延客。置驛騎以留賓。偶乞假而返舊鄉。辱
論交而呼小友。飲原文字。會有簪裾。拓金戟於樽前。謔洞簫於座裏。旣而餞離祖。
別道阻。且長見芳草。而憶王孫。折秋蘭。而思公子。亦謂士衡入洛。當詣茂先。將軍
罷朝。輒過樓護。丹陽品藻。傳教以覓張憑。伯喈風裁。倒屣以迎王粲。而乃北征有
賦。西笑無緣。技原諂乎屠龍。夢難期乎得鹿。句止水田。夏木好事。仍傳篇無野火。
春風長安。敢住楊子。幼有言長爲農夫。以沒世人生行樂耳。須富貴。何時僕之謂
矣。然而買田陽羨。志願空賒。卜宅江陵。揶揄可想。猶幸高歌市上。原有酒徒對飲。
車前未煩騶卒。忍令衆人皆醉。欣然半道相要。何曾五日不醒。業謂此生足了。龜
腸蟬腹。夫復何言。倘忽飛來。諛雲間之一鶴。慣遲作答。盼天上之雙魚。良時在茲。
榮問休暢。風雨如晦。關河欲霜。持壺盍餉。元忠致書。忽干仲寶。全藉昭晰。不知所
云。

後答胡桂山大令書

鄭獻甫

桂山胡君靈右。前陽月朔日。君自溺於池。其日既夕。君受殯於館。獻甫左右其間。竊疑相見八月。共食一堂。子通欲終。妻孥不夢。文翁將化。宴飲如常。此實忍人。奈何忘我。次日料理遺物。得君手評予文兩卷。又得君手緘予書一通。自言債重若山。追急如火。不能更生。署中書物。身後哀矜。屬爲相照。鴻毛已擲。鷺羽空留。嗚呼惜哉。獻甫書欲作答。言不成聲。以爲荀郎後事。甘託故人。巨卿前生。豈無死友。亦第蝦蟆張目。駱駝奮耳。幸君之長吏中丞伍公。加意矜恤。君之鄉人大令熊子。盡力營護。使君柩於十月十七日登舟。於其月二十八日抵里。孺子之墓。可寄西州。彥升之孤。無憂北叟。是皆楚大夫。飲助之力。家宗人敦篤之風也。獻甫嘗讀晉史。見庾元規有後答孔坦書。讀文選。見劉孝標有重答秣陵書。據我意中。報君泉下。難呼癡夢。且析疑團。君以西江才子。爲楚國縣公。以南國棘人。爲留侯門客。家雖四壁。宦已三年。此不宜死者也。又陶公老母未卜。青山枚叔小妻。只留赤子。前緣

未。了。來。日。大。難。此。不。可。死。者。也。即。曰。家。少。錢。神。身。爲。債。帥。易。沈。弱。水。難。上。強。臺。則。劉。毅。酬。恩。本。云。貴。後。陶。潛。報。德。尙。有。冥。中。亦。誰。敢。挾。荆。州。之。書。索。秦。城。之。璧。又。況。宣。皇。負。贖。依。然。爲。帝。李。恭。多。責。不。過。免。官。而。乃。券。留。下。手。火。入。中。心。此。何。爲。者。也。嗟。乎。泛。泛。蓮。水。豈。避。債。之。臺。湛。湛。楓。江。竟。招。魂。之。所。猶。憶。生。平。宛。懷。夙。昔。有。揚。子。逐。貧。之。賦。無。思。王。釋。愁。之。文。或。擊。缶。以。鳴。鳴。每。書。空。而。咄。咄。予。竊。怪。焉。亦。謂。元。父。處。於。窮。地。鴉。兒。迫。上。愁。臺。是。固。有。不。得。已。耳。豈。期。井。泥。三。尺。轍。涸。數。升。荷。下。客。潛。望。之。見。鼻。蘆。中。人。在。呼。之。禁。聲。別。我。無。言。溺。人。必。笑。能。不。悲。哉。能。不。哀。哉。今。者。徐。孝。穆。之。詩。句。幸。寄。集。中。許。子。將。之。評。言。尙。留。紙。尾。獻。甫。修。鸚。鵡。洲。邊。之。札。寄。芙。蓉。城。裏。之。人。冀。詞。客。之。有。靈。庶。陳。人。之。入。夢。願。言。思。子。是。望。起。予。謹。啟。

上程問源中丞啟

梅曾亮

前在京邸。下賁高軒。猥辱溫言。代規私計。謂王陽親老。非當叱馭之時。謂蔣琬才疏。宜作免官之計。並欲後車命載。以代馳驅。東閣留觀。代謀甘旨。時某急謀歸省。

未得趨承。每念盛心。常縈鄙內。伏維明公。以弼亮之資。膺保釐之任。八騶擁望。峻比崧高。百郡承流。溫同河潤。數薛侯之故事。莫便陳留。歌召伯之循行。非徒汝水。猶復古心。念舊甘肉。憐才歎柳下之卑官。惜揚雄之落拓。昔裴晉公。身都將相。而拳拳於皇甫之疏狂。李太尉。勳在巖廊。而款款於封敖之文筆。蓋有過人之德。位必兼邁俗之性情。以古方今。其致一也。惟是某少無學術。長更迂疏。略涉八儒。白馬先生之論。粗窺百氏。黃車使者之書。欺或受於古人。用不堪於當世。而龍門初試。鶴版先催。黔山萬重。黑水兩戒。喜未形於奉檄。情已結於牽衣。因以內省微躬。仰循尊旨。守君魚之戒。豈慕脂膏。維子馬之言。實慚官次。前所領照。輒已繳呈。范中郎。落溷之花。恥爭高下。列禦寇。隨風之葉。且任東西。若使晨羞夕膳。不缺於供。右詩左書。暫得於己。撫徐君之中論。述仲長之昌言。略使簡篇。與有名字。卽如甘寢。無復他懷。然而著襦無復。每慮兒嘸。轆釜有聲。常遭僕慍。非授經之有地。實負米之無從。且逆浪之魚。纖鱗莫助。退風之鳥。鑿羽誰憐。計維明公。負常楊之重望。

推孔李之深情。玉燭流暉。則溫回黍谷。金輿聳轡。則景曜萊城。朝發一言。夕濟千里。始可使襪襪入座。免笑寒人。襜襜臨門。不嘲熱客。然伸紙自慚。上書復止者。緣以家弟某恭承宇下。深慶時來。抱關擊柝。尙未附於官箴。適館授餐。竟登名於客籍。李元禮龍門之地。自古爲榮。衛長平馬廐之奴。從茲可免。恩施過分。報稱逾難。倘能體愛屋及烏之意。受寵若驚。知呼曹作馬之非。以勤爲慎。則一尉之榮。皆從特眷。九人之祿。兼給全家。豈敢更有私求。上煩清聽。此某所以默默未呈。而區區難已者也。

答朱丹木書

梅曾亮

惟竊以爲文章之事。莫大乎因時立言。言於此。雖其事之至微。物之甚小。而一朝野之風俗。尙皆可因吾言而見之。使爲文於唐貞元元和時。讀者不知爲貞元元和人不可也。爲文於宋嘉祐元祐時。讀者不知爲嘉祐元祐人不可也。韓子曰。惟陳言之務去。豈獨其詞之不可襲哉。夫古今之理勢。固有不同者矣。其爲連

會。所。移。人。事。所。推。演。而。變。異。日。新。者。不。可。窮。極。也。執。古。今。之。同。而。概。其。異。雖。於。詞。無。所。假。者。其。言。亦。已。陳。矣。閣。下。前。任。劇。邑。治。悍。民。不。尙。黃。老。今。官。督。糧。道。乃。尙。黃。老。此。持。權。合。變。者。也。文。之。隨。時。而。變。者。亦。如。是。耳。

與董小雲書

傅 桐

比。聞。初。吉。試。藝。維。揚。煙。月。佳。麗。文。章。勝。流。相。與。履。綦。螢。苑。觴。咏。蜀。岡。花。初。葉。始。寫。其。端。憂。握。牘。持。筆。驚。其。成。誦。固。宜。蒙。莊。環。外。之。趣。獨。有。知。音。謝。朓。齒。牙。之。論。不。惜。談。獎。而。老。成。徂。謝。風。流。衰。歇。新。城。德。州。久。已。作。古。撫。絃。識。曲。不。傳。廣。陵。卽。身。而。思。誰。爲。惠。子。足。下。少。時。媚。學。壯。更。溺。苦。蹉。跎。一。衿。蹭。蹬。強。仕。并。州。樂。府。徧。唱。旗。亭。羅。隱。科。名。未。登。仙。籍。乃。豪。宕。不。減。瞻。矚。非。常。研。精。蓄。神。希。乎。一。得。發。篋。檢。素。後。有。萬。年。可。以。謂。之。窮。矣。可。以。謂。之。工。矣。昔。與。雅。游。每。憶。白。下。瓦。官。雨。冷。元。武。波。涼。躡。屐。尋。幽。薜。蘿。在。眼。足。下。登。陟。腰。脚。尤。健。青。溪。歸。路。新。月。哉。生。艇。小。盈。丈。人。受。兩。三。徑。溪。而。西。臺。榭。金。碧。遠。步。笛。聲。閒。以。妍。唱。中。流。拍。浮。不。覺。興。發。足。下。狂。歌。忽。焉。上。口。

浮白可醉。言尋乎酒樓。剪燭忘倦。已暄其街。柝中夜散歸。短童鼾睡。應門無人。復就露宿。白謂此樂已極。一時亡何。西風落葉。屢墮其淚。東籬黃花。難逢乎笑。口曾幾何時。愉戚異致。僕更瓊樹吹折。花乳遽殤。蒼天不言。厚土埋痛。此則白傅歎於鳩拙。東野呼夫人靈窮途劇碎心之悲。永夜抱破懷之恨者也。

與陳頌南書

張穆

先生以直諫聞天下。天下仰望風采。以一瞻顏色爲幸。卽如敝鄉人士。素木強。不工應酬。今日籲爲先容。通刺相謁。盛名難副。詎可不力自振。刷慰天下仰望之心乎。竊見先生年來日以招呼名士爲事。苟有聞於世。必宛轉引爲同類。從無閉戶自精讀書味道之時。穆蒙不棄。不四五日輒見過。乃不聞以新知相貺。所談者皆泛泛不關痛癢之言。何以自了。深爲先生懼之。當今天下多故。農桑鹽鐵。河工海防。民風士習。何一事不當講求。先生富有藏書。經學旣日荒廢。治術又不練習。一旦畀以斧柯。亦不過如俗吏之爲而已。古今必無徼倖之名。臣循吏也。願稍斂徵。

逐之迹發架上書擇其切於實用者一二端窮原竟委殫心研貫一事畢更治一事然後於朋友中明白事理如印林伯厚比者相與討論之如此則取友自然不濫他日出而宰世亦不至貿貿而行令人有言行不相顧之疑也度今天下更無以直言貢執事者過承厚愛故敢竭其狂瞽惟亮察千萬

與人論祝壽書

陳 澧

澧昨與閣下論祝壽之禮其時座中有客未得暢其云也今請言之朱子跋蔡端明獻壽儀云蔡忠惠公此帖今始得見於其來孫誼之家乃知昔之君子所以事其親者如此其愛且敬也孤露餘生無所爲孝捧玩嗚咽不能仰視遂請摹而刻之以視世之爲人子者庶以廣蔡公永錫爾類之志澧亦少孤每讀朱子語同此嗚咽每爲人說有老親者不可不行此禮此朱子之教也今日不行將來徒嗚咽而已矣可不念哉夫禮者本乎人情者也論語以父母之年爲喜此人子之至情也爲之酒食以燕樂之所以飾喜也豳風當周之初已有春酒介壽之文豳風卽

禮也。不必見於三禮。而後爲禮也。昨所論亭林辭祝書。此亭林亡國之恨。其爲吳同初行狀云。五月之朔。歸生吳生持觥至余舍。爲母壽。飲至半夜。然則亭林固不以祝壽爲非禮也。若唐文皇引生我劬勞之詩。則澧又有說。自唐以來。以生日祝壽。澧嘗推其故。當由爾時人之紀年。以生日爲增一歲。故於是日行此禮。今人既不。以生日增一歲。則此禮不必於生日行之。今京官多擇日爲親壽者。不知起自何時。近者平定張穆爲亭林年譜考。亭林之母六月二十六日生日。而稱觴乃在五月朔。蓋卽生日不受賀之義。然則亭林固已擇日爲母壽矣。惜蔡忠惠帖不傳。如依亭林擇日之禮。行忠惠獻壽之儀。眞儒門事親法矣。如非有故。不必禁止。至於世俗冠昏喪祭。事事靡侈。不獨祝壽爲然。在乎節之。使不失儒者行禮之道而已。長者以爲何如。

與朱薌孫書

顧壽楨

薌孫足下。驪駒在路。忽忽送君。縈我夢思。窮彼指喻。繼此旬日。僕亦戒途。侵晨未

興窗撼聒耳。曳衣起坐。雪光到門。行李旣命。不可阻遏。遂乃奉母。浩然東征。街市寂寂。泥淖窘步。甫出郊外。寒風伺人。雲影慘淡。天際若織。飛翼狂墮。愁舞不休。盤旋著衣。玲瓏簇素。細響瑟瑟。須臾滿懷。重裘若褫。時自驚顧。噓氣於口。偪不得出。兩夫曳轎。破風狂奔。力竭而喘。鷄退逾咫。野亭招客。乃登灑橋。凭闌縱觀。奇趣橫發。枯荷半僵。與水相拗。新柳怒茁。闕寒不青。遠山黯黯。而失華流。澌澌而帶澀。策驢斷岸之上。尋詩孤館之外。昔有其事。今無其才。暮抵新豐。若歸於家。鑪光送紅。遙見色喜。引體相就。乃更戰栗。土牀一盤。擁被蟄臥。酣夢驚覺。憂懷轉滋。遠念足下。危閣替路。垂巖進蹤。迢迢諭母。子子孤往。千里之隔。陰霽偷同。此日之威。慘愴奚禦。雲氣撲棧。平旋作花。陰崖掛凌。紛滴若雷。峯峭阻客。澗迴失途。嗟乎嗟乎。王陽補孝。迺車絕險。今圖返櫬。揮手竟過。當此之時。能無痛心。諒容槁於凍霧。淚灑於積雪者矣。僕已於二十六日。稅駕潼關。家君無恙。轉見慰問。小齋如艇。尙可度書。未審足下。今復安屆。計劍峯已度。瀘水非遙。輒用寄書。上承動靜。所冀揮憂。

奉餽卜日治裝春鯉方東有以遺我。

復朱蘭坡師書

馮桂芬

文選頭陀寺碑文。李善注。引顧微吳地記曰。魯莊七年夜明。佛生之日也。瑞應經曰。到四月八日夜。明星出。時佛從右脅墮地。卽行七步。說者謂依麻法推算。或得四月五日。六日。皆不合八日之說。夫子命桂芬以算術推之。桂芬退卽演以今時憲及三統授時三術。皆不得八日。因考佛入中國。在東漢明帝永平八年。據續漢志。以三統後天待詔。張盛等議行四分術。正當其時。竊意彼中別有紀年之法。如後世回回太陰年之類。非中國人所知其始。入中國必以臺官見行之術推算得。何日。遂相沿稱之。於理爲近。爰按四分術求之。果得四月八日。似可無疑。義演草各數。繕呈鈞誨。

致曾滌生書

倭仁

聞沈幼丹中丞與閣下不協。欲行引退。九重深以爲憂。竊意國家多故。正諸賢同

心共濟之時。閣下愛才如命。卽一能一藝。無不雅意。搜羅豈賢如幼丹而不引爲同志者。道塗之口原不敢以疑大賢。卽意見少有差池。責己返躬。自能使猜嫌悉化。若蘭相如之於廉頗。郭汾陽之於臨淮。前賢盛事。大賢自優。爲之無俟弟之曉曉也。賢才難得。國事爲重。惟閣下鑒察焉。

答莊芝階書

金應麟

相違二載。數逾億秋。牽於黃塵。徒煩素紙。寸心未達。良用歉然。一昨津門返櫂。頗有煩憂。草木閔其將凋。風霜凜其易節。感李白之過客。悲楊朱之歧途。中心惶惶。不能自已。仰天大呼。臨楮三歎。今夫鏗瑤鐘。摻玉節。鱗口鼇足。魚章蟬冠。以園宰臨之一。螻蟻也。貢靈桃。雪碧藕。梨膚霜髭。長生未央。以松喬比之一。殤子也。鑄珊瑚。凝虛鬢。泥人巴歌。折步楚袖。以鬼伯窺之一。鬪髀也。突燕犀。澀鸞隼。紅沈芙蓉。碧削竿竹。以豐隆視之一。鳴蛙也。壯士之怒穿蛻。侵陽孤臣之悲互漢。沖斗放歌。所在雲霞鼓其氣。餘憤之觸河岳。壯其勢。叔豹不朽。斯言是矣。亦有勞人孤館。遷

客古戍。斜陽染流。明月娟。樹眷懷。彼美託微波。以通詞。自訴飄零。指白雲。以爲證。好之者。哀其遇。效之者。珍其什。零縑斷幅。膾口不置。吟者無心。遂貴洛紙。豈知豸衣。走肉龜紋。游魂啜醢。翠羹之談。媚尸叩冢。之作精氣。早失陳柏。孔多人自爲書。家專一集。墨八瀛。以爲沼。寫篇勿終。拄四岳。以作架。貯章無盡。棄地而脈。望喜覆酷。而廚孃。嗤朽彼古。肆歸自藩。廁何其繆。與夫藻古之徒。感柳傷梅。葩章之彥。鏤心刻肺。或厄其恒。幹或飾以金。火或文已軼。而目在。或名未傳。而句留有遲。千年而雞林。是珍有閱。百世而牲石。乃出豈顯晦。之有日。抑運命之攸關。天下大矣。人物衆矣。揚芳最少。埋光日多。間有流傳。詎皆絕唱。蛾眉豔世。半處寒閨。嫫母自矜。耀彼翟第。名爲物忌。美有不足。覽時度理。先後同揆。然而修名不立。達士用懼。沒世勿揚。君子是疾。榆暝豆重。晒養生之誣。吞丸乞露。嘆神仙之誤。理於自勉。爲宜稱或聽。之造物。矻矻窮年。如斯而已。吁嗟芝階。昔年燕山。與子共載。昨歲鳳麓。偕子同行。東里懷人。西窗翦燭。酒酣耳熱。挾卷含杯。拋紅豆。而春風聽綠楊。而夜雨。

步遲遲之竺嶺權泛泛之明湖言念同游忽爲異物間有存者亦如晨星陳根雞酒痛宗系之杳故居龍燭傷遺籍之亡夢回思之詎惡十日後者哀前今猶夫昔凡有人心能不悲乎孔公有云五十始滿蒙欠二歲子過一終衰白漸形昏黃將屆料理稿本兼攝心血珍重故人努力自愛

揚州寄湯海秋郎中書

姚燮

自與足下別河行五十餘日抵清河已夏末秋始矣昔斯行往沙草未蘇冰漸橫蕩老木柴立飢鴉集語荒率之象春機俟回茲行復經晚荷花明亂柳委地軹徑皆綠村店盡開趺行而過莫不弛囊息擔袒臥土鏗之旁踞坐葦簾之下搖大扇注巨瓢歡笑于于酣歌交錯僕與二三同侶亦來停車挈錢假憩其地而以心目所注一似蕭瑟寥落之况什倍於去時所歷者何也夫由昔而論離家日遠由今而論去家日近昔之象凋悴今之象專榮宜乎和蕩之情多於惻愷之思而不知滿意而往者其氣盛雖狎冽風愁雪之海而不奪其心失意而返者其氣隕雖涉

佳山麗樹之鄉而莫娛其志。境以遇移之理。微足下疇能喻之。逮訪孔司馬宥。函於河上之邸。孔君喜僕至。遣走馳簡。往招魯君通甫。吳君稼軒。越宿二君乘薄笨。至娓娓談別後事。日盡繼以燭。燭盡日出。然後各假寐。日未午起復談。益以新知三五駱驛傳。謙拂我塵襪。飲之醇醪。蘸墨寫詩。掃夙竹影於牆。笑響徹衢。驚驅車者之耳。既班彪之喜遇尹敏。復山濤之幸逢阮籍。彼徵傾蓋之樂。此申投轄之詣。相留五日。何有飢渴亦忘疲勞。抑遏以抒風雨。皆適則又一境矣。時孔君以燕山話別圖示僕。蓋孔君於戊戌官刑部時。魯君吳君與潘君彥輔同寓其宅。於別時浼溫君翰初所作。若張君亨甫。梅君蘊之。皆有題什。是時僕與足下亦數數於彼。過從朝看珠市之花。暮沽天橋之酒。狂不受中貴絡。醉不避巡尉呵。雖身世罷羸。而友朋之樂亦至矣。此直六七年事耳。至於今潘君逝焉。而若翰初亨甫蘊之諸君亦皆身無成名。墓有宿草。披圖感喟。又曷禁與宥函諸君遙憶足下之遠隔二千里而不與共今聚也。僕因爲淮南感逝圖於後。葉落復生。已非故葉。萍散而聚。

不盡舊萍。聞諸足下。其亦當黯然而悲潛焉。而下涕者乎。抑迴思此行入都窮巷。羈栖賓侶寥落。其屈於幕府謀旅食者。煩操刀於牘笥。不能頻來。其有官守職者。劬資應於公庭。並不能恒見。益以朱門投刺。東趨陽阿之筵。黃金東車。西踐臬籜之局。且不暇已。何暇乎。向暗光黜澤之士。對塵案而索苦茗乎。而惟足下與魏君默深。不以筵脮者視僕。一日不相見。非簡招卽乘至。食必與。食聞必與。聞時無旦暮。不問形影。恍有鬼神。旁役啼笑。陶陶其趣乎。洩洩其文乎。所云言鬱郁於蘭茝。志婉變於堦筵者。有如是也。夫擊轂競轡之地。大半勢交鄰床比店之侶。盡以形合。或懸錙認俠。附者蟻來。或有意干求。寒暄周綴。然而勢盡則絕。形離則息。鏹竭則散。意滿則去。甚至中路相逢。視若未識。小怨偶結。戈矛向之。此僕之在都。所以閉楹跼守。不多詣人。宴會之間。循循盡禮。而如足下。惠莊之無忝。楊惠之恃知。固未可尋常綴飾求也。及聞僕將南下。而足下與魏君置酒城東之樓。爲僕飲餞。維時溽暑未甚。小雨灑塵。西山挂乎陰。欄柳枝拂乎陽。牖缶酒之氣。蒸浩落之肺腸。

狂嘯之聲。雜鄰園之簫鼓。振子竊語於別座。庸保指笑於墟側。殆以爾我之形跡。其爲龍爲蟲。有不可遽測乎。任萬事之勞難。竟於億萬載似天地之大。僅容我兩三人。此亦眨螻蟻於睫。而以井甃自尊。喧鷗雀於堂。不知大鵬在上者矣。逮乎欲別。且復握手徘徊。深辭要約。去卽千里。重爲半晌之留。擊語無多。可下千斛之淚。足下與魏君其所周章乎。僕者若是自今。追想心骨俱鐫。時不再易。恍如隔世。卽由足下思之。將謂離合之常耶。抑以爲人生之不可多得耶。今且別。宥函諸君。自淮而之江矣。後時面背同此懸。懸始知古人敦篤道誼。及見而砥勉。良會娛悅。無使其失時。信有自也。僕行此歸。分當潛制侘傺。屏念榮悴。尋仲連於海上。抱瓠巴之遺琴。汪洋恣肆。與鷗鷺長逝。否則師赤松子。友梅子真。空山躑躅。偕麋鹿以遨遊。未爲不可。然而未能也。上有白頭垂老之親。下有黃口未成之子。賃屋而住。歲或三遷。宅蠹殘書。煮難救餒。雖不辱王孫於末路。何由肅仲蔚之門徑。作字乞米。懸標鬻文。輾轉隨人。以延歲月。殆仍未免焉。草雖芳而淒之以斜日。松雖勁而摧

之以厲飈。縱匿孤心。難爲持制。矧僕又卷施其中。蒲柳其外。書盈尺而祇堪覆額。年四十而名未籍通。求其安年。適月作達人之觀。懷槩握冰。爲志士之介。又烏見其能之也。夫入而媿家室者。如此出而負友朋者。復如彼。百憂春杵。曠誰與言。北望長雲。渺焉無涖。美人金錯。遇君子而始投。湘靈佩蘭。惟大夫能辨。臭知我如足。下故敢贅累其辭。往熒清聽。魏君以外幸。勿謬以示人不爲賤子。藏拙也。時繫纜維揚。殘月橫柁。疏星漏篷。莎岸繁蛩。來助悲語。單衣竦涼。若有露霏。倚燭俄延。耿不成寐。巷柝隱隱。警羣睡而不醒。飛鴻勞影。孤影於天。末此情此景。儻亦在足。下夢寐之中。遙遙相感者。贈茵在袖。流芬彌衿。冬夏有期。寧忘故轍。善自樹立。以保令名。伏聽於草茅。與有其光寵也。金風代運。珍重萬千。眷我魏君。共斯懇懇。

與陳芝楣書

湯鵬

與子相識。雖復頻年。倚賴楮墨。吐殷勤。致往復已耳。頃以旌麾展覲於都。握鵬手。道契闊。望見虎頭燕頤之奇。芙蓉杜若之美。論事忼慨。如九河之懸波瀾。與人露

崖窾如光風霽月之皎然而不可掩。然後果得芝楣之真也。凡愛鵬者。徒曰讀書談道之人已耳。直言骨鯁之人已耳。芝楣獨疊疊相告戒曰。欲蓄德。不如劇客氣。欲止謗。莫如匿才辨。欲救時濟事。莫如且循分塞職。然後果嘆芝楣之不外彼於鵬也。天涯聚散。不可以常。與子綢繆。忽忽又別。懷哉懷哉。江西襟江而帶湖。控荆淮而蔽閩廣。奧區也。重任也。想聞芝楣始到。奔走伺候之吏。張檠戟。擊鼓鐘。咨嗟震怖。不敢仰視。而芝楣藹乎其言。悅乎其容。下馬拱揖。珮何璦璦。又見戴白之叟。垂髻之童。駢肩躡足。譁然來從。而芝楣具述天子惠愛遠方元元之意。與己之所。以鼓雷霆而潤風雨之權。其敕而子弟。告而鄉井。農則勸。匪則懲。率則同。不率則以聞。大丈夫官至開府。宣德威於人。指揮則匡廬爲之動搖。談笑則九江彭蠡爲之澄清。不其偉哉。與子別後。書告誡之詞於紳。慎言語。寡交游。然而至於鵬之門者。紛紛然求一言以覲芝楣之援繫。其黠者乃曰。汝姻好也。一言重於彘鼎。鵬作色而告曰。子知乎山乎。直嶺曲嶺。孰勝。子知乎水乎。清流濁流。孰勝。子知乎姻好。

乎。以門第氣燄。以文章風義。孰勝今。芝楣則巍然時棟矣。然固以吾之文章風義。爲古之人。信道篤。而處心夷。且伐國不問仁人子休矣。吾安能爲子求援。繫以溷吾真悠悠頽俗。良可羞耳。惟禮闈摧挫四寒儒。一建寧張亨輔。一婺源吳廷森。一永豐郭羽可。一瀘溪林以成。願得山中講席。以棲厥身。寒儒可念也。講席可分也。區區薦士之心。於道又無損也。儻賜之輝光。而噓植之乎。四子幸矣。否則其困也甚矣。伏維矜察不宣。

與王璞山書

曾國藩

近世之兵。戾怯極矣。而偏善妒功。忌能懦於禦賊。而勇於擾民。仁心以媚殺己之逆賊。而很心以仇勝己之兵勇。其仇勇也。有更勝於仇兵。曩者己酉新寧李沅發之變。鄉勇一躍登城。將攻破矣。諸兵以鳥鎗擊勇墜死。遂不能入。近者兵丁殺害壯勇之案。尤層見疊出。且無論其公相仇殺。卽各勇與賊事殷之際。而各兵一不相救。此區區之勇。欲求成功。其可得邪。不特勇也。卽兵與兵相遇。豈聞有此營已。

敗而彼營。險往救者乎。豈聞有此軍。餓死而彼軍。肯分一粒。往哺者乎。僕之愚見。以爲今日。將欲滅賊。必先諸將。一心萬衆。一氣而後。可以言戰。而以今日。營伍之習氣。與今日。調遣之成法。雖聖者。不能使之一心。一氣。自非別樹一幟。改絃更張。斷不能辦此賊也。鄙意欲練鄉勇。萬人。概求吾黨。質直而曉軍事之君子。將之以忠義之氣。爲主。而輔之以訓練之勤。相激相勵。以庶幾於所謂諸將。一心萬衆。一氣者。或可馳驅中原。漸望澄清也。

復彭麗生書

曾國藩

前承惠書。存唁不孝。頃又蒙手書。所以期勗故人。甚篤且勤。國藩積愆叢慝。無實行而盜虛聲。爲神明所不容。乃不隕滅我躬。而延禍於吾母。椎心悔憾。蓋不得自比於人數。其又何經濟之足言。顧如足下所稱。今日不可救藥之端。惟在人心。陷溺絕無廉恥。云云。則國藩之私見。實與賢者相脗合。竊嘗以爲無兵不足深憂。無餉不足痛哭。獨舉目斯世。求一攘利不先。赴義恐後。忠憤耿耿者。不可亟得。或僅

得之而又屈居卑下。往往抑鬱不伸。以挫以去。以死而貪饕退縮者。果驥首而上騰。而富貴而名譽。而老健不死。此其可爲浩歎者也。足下與某公書言之。至爲深痛。積年痒疥。爲君一搔。憂患餘生。得少快慰。國藩來此。蓋以鄂中失守。恐其回竄。不得不出。以自別於畏死者之徒。至於求有補濟。則骯髒之性。將以方柄周旋於圓鑿之中。亦知其鉏鋸而鮮當矣。刻下所志。惟在練兵除暴二事。練兵則猶七年之病。求三年之艾。除暴則借一方之良。鋤一方之莠。故急訪各州縣公正紳耆。佐我不逮。先與以一書。然後剴切示諭之。年來飽更世故。又經憂患。齒髮稍侵。精神頹敗。幸故人一來。顧我相對。敍論收召散亡之魂魄。祓濯如山之塵垢。庶生新機。而還舊識。卽拯時艱於萬一。亦未可知。郭筠仙劉霞仙羅羅山及平日交舊。都來此間。尙望足下惠然命駕。無任佇企。

復曾爵相書

羅汝懷

雜誦惠書。所以愍惜亡兒者甚。至所以垂念下走者。尤爲語簡意長。存沒皆當感。

刺。心。骨。不。知。愚。父。子。之。何。以。得。此。懃。拳。於。大。賢。也。伏。念。亡。兒。自。得。辱。廁。門。牆。過。蒙。教。誨。稍。能。不。染。時。趨。捐。利。祿。之。見。蠲。詭。隨。之。習。生。無。儔。類。之。訾。沒。有。族。鄉。之。稱。可。謂。至。幸。而。皆。出。自。大。賢。之。賜。卽。其。生。平。瓣。香。惟。在。南。豐。他。無。所。嚮。今。雖。淪。沒。蠻。方。知。其。魂。魄。猶。戀。鈞。座。故。賻。幣。本。所。不。領。而。大。惠。竟。不。敢。璧。還。者。體。亡。兒。意。也。下。走。素。不。以。詔。教。兒。亦。知。兒。性。骯。髒。仕。路。非。宜。從。不。爲。升。斗。之。望。而。老。失。長。丁。門。戶。焉。託。書。林。蒐。討。更。乏。臂。助。往。所。綴。緝。多。未。成。編。未。甘。竟。付。一。擲。而。又。力。小。任。重。忠。錄。之。後。繼。緝。文。徵。編。校。之。煩。責。無。旁。貸。此。其。費。出。醴。金。不。能。不。力。疾。圖。成。以。塞。衆。望。當。初。聞。黔。變。時。或。謂。書。當。輟。矣。而。下。走。回。鄉。數。月。摒。擋。家。事。亦。復。書。局。自。隨。藉。勤。遣。悲。亦。恐。以。悲。廢。事。愈。傷。亡。兒。意。也。近。語。筠。仙。中。丞。人。處。逆。境。尤。當。自。勵。若。心。意。低。垂。直。場。則。厲。氣。愈。見。侵。陵。雖。於。無。奈。之。中。互。相。勸。勉。亦。所。以。藉。慰。厪。念。者。矣。近。史。館。遂。取。戰。功。事。蹟。而。亡。兒。曾。未。自。領。一。軍。安。有。獨。著。之。績。卽。前。歲。征。苗。振。旅。直。前。以。輓。運。多。艱。增。設。水。師。添。募。鄉。導。遂。得。規。復。三。城。於。淪。陷。十。六。年。之。後。亡。兒。實。

能與黃帥潤昌同心一力。而史館立傳。必黃爲主。而黃附見焉。寥寥數語而已。至其硜硜自守。未嘗經營進取。在軍五月。因見饜紉。遂不支取一錢。一諾友朋。遂與犯難同死。而不圖苟全。是其無虧節義之處。而史例只據實事書之。若原心推闡之辭。非所及也。曾以碑誌誄傳之屬。託之湘陰巴陵兩文家。而郭感吳衰。未可必得。亦猶不及閣下知葺之審儻。得廁名一品集中。一經品題。百世傳信。是生死肉骨之大德也。

復曾滌生論文書

戴熙

滌生足下。領到評李君墓表。并論文書一紙。足下評詞甚是。感激無地。評文細事。直友難得。某所心感激者。在此不在彼也。論文書謂某無意見。故不存世俗周旋故態。然則足下之直言。亦某之虛衷。有以致。某於足下。不可謂非知己。而末乃云某之妄。愈以彰公之賢。既不周旋矣。而復作周旋。何失言。言固宜爾。然不足爲某道也。昌黎云。不知非笑之爲非笑也。又云譽之則以爲憂。毀之則以爲喜。其造詣

與其所遇之人皆與我輩異始有此語然某猶謂昌黎於文至矣至其所以待其文者猶未至大塊文章還之大塊特假我輩之手而發之筆其是削其非是非筆削而豈有欣戚於其間哉某不知昌黎所喜所憂何爲也李君表先生既摘其疵矣今一遵先生竄易之其力所不及者猶仍之敢求先生直筆改削完善非敢瀆也此文與他雜文可存棄者異務求其不能焉必求完善付諸其人而後已故不能無將伯之呼耳自分年將半百求道已晚若不誠誠懇懇求一知道者而問焉則斯道將終不聞矣可不懼哉區區之心所以陳於直友要與李君無與也

答門人岑琿轅論駢體文書

譚宗浚

承論駢文徵及鄙見僕於斯道頗嘗究心儋海知源登峯絕險受顏延之家訓承孟喜之師傳請臚述一二以爲教學相長之助乎夫文章之由散體而變爲駢儷此自然之勢也譬之織絲以爲衣裳而衣裳或加繪繡釀麴以爲酒醴而酒醴更益醕醲踵事增華如斯而已自韓柳振聲歐蘇嗣響衷所自製名曰古文偶體一

途。遂遭掎擊。目梁陳爲蟬噪。詆邢魏以驢鳴。蓋嘗論之。屬文者果能樹骨風騷。探源訓誥。屏除佻冶。剗削膚浮。則雖字必貫。魚詞皆曠。鳳究無害。爲簡質清剛之作。岩嶢環瑋之觀。若乃虎賁襲形。壽陵學步。空疏以爲古澹。囂張以爲怪奇。此卽使馳騁縱橫。或近坡老。雍容揖讓。遠希廬陵。其與駢文之濫濁庸庸者。何異。是則楚齊得失。未有定評。董墨是非。無庸深辨。正不必愛礪硤而輕隨卞。嗜蒲歎而賤牲牢也。已惟是僞體繁興。其弊有二。往往詞傷連狝。語雜浮夸。假烟楮以事應酬。挾縑裘以爲干謁。驚魏侍中之蛺蝶。騎宋游道之獼猴。取給一時。忘其百拙。譬之丁覘十紙。便云筆過千裏。齡石百函。乃詡才逾劉穆。是曰應俗。其弊一也。亦有鈎棘其詞。清羸其貌。創爲澀體。別啟歧趨。鵠不鵠而烏不烏。驢非驢而馬非馬。譬之賦多奇字。遽欲抉班馬之藩。詩喜拗聲。卽云仿曹劉之作。是曰贗古。其弊二也。此猶舐煉丹之鼎。思獵天門。浮濟水之匏。冀窮地軸。何足語於作者之林哉。國朝文教大興。英俊雲集。稚威以橫翔捷出之才。兼淵奧湛深之學。振奇吐逸。夔絕一時。若

龔軒之贍采陸離。甘亭之古音瓌亮。抑其次也。至曾賓谷詞氣舒雅。而字句時近率易。洪稚存筆致高古。而篇幅略少變化。昔賢絕技未易效顰。又如陳其年袁簡齋吳穀人諸君子。才力未嘗不豐偉。然近已戶誦枚皋之集。家傳劉峻之文。異軌斯歧。末流頗濫。時賢所尙。慎勿趨驚焉。竊謂近來文體。日就庸猥。將必有揭千年之燭。扶九服之輪。獨闢町畦。自新壁壘者。亦猶字母傳於西域。擴周沈之舊規。畫法盛於南宗。變張吳之拙派。窮妙極精。後來居上。吾弟以爲然乎。否乎。又大作體高格遠。無可摘疵。惟喜用宋以後事。似宜選擇。昔飛卿文章。或近徵郭令公故實。疊山賤啟。并旁及辛稼軒小詞。前哲所譏不宜沿襲。匪特此也。古人篤志墳典。文字乃其緒餘。是故染翰操觚。率同機杼。取材運典。別具鑪錘。雖驅遣不外羣書。而領悟各有心得。是以任沈隸事。不襲左潘。王楊屬辭。匪沿庾鮑。卽至晚唐之溫李。北宋之歐蘇。亦莫不如此。否則搜狐穴之奇。拾兔園之唾。擗撻故典。抄撮類書。棄藥之渣。重調乎雉鼎。缺銚之劍。再拭乎鵝膏。鮮有不令人憎厭者矣。

與曾滌生侍郎書

劉蓉

士之進說於門下者多矣。亦曾有建宏圖規遠略陳天下之大計者乎。翁嫗之智不出豆籩之間。吾固知其無有也。亦曾有獻忠言陳讜論攻執事之短而摘其瑕者乎。投策而干進獻諛言以取容悅。吾尤知其無有也。然則執事所飽聞而鑒聽者。淺夫小儒道聽塗說之流。街談巷議之倫耳。惟善人能受盡言。而君子樂成人之美。執事今世所謂賢者。有忠言至計而不以告。非所以待大賢。而抑非有道君子之所以自處。故輒貢其瞽言。大且深者不欲遽及。而淺薄者有不足陳。則請蠱發其端。執事試平心察焉。擴其量以受之。以爲可采。將繼此而有進。若罪其冒昧斥而不錄。則執事之過咎。非吾黨之責矣。稱執事之能者曰文祖韓愈也。詩法黃庭堅也。奏疏所陳歐陽修蘇軾之倫。志量所蓄陸贄范仲淹之亞也。數者誠足以暴於天下矣。道喪而文敝。得一二賢者起而振之。豈曰小補。然此特士君子不得志於時。而有待於後者之所爲耳。旣已達而在上矣。則當行道於天下。以宏濟艱。

難爲心而尙思以區區之詞翰自見不亦左歟託文采以庇身而政綱不問藉詩酒以娛日而吏事不修陋習相承已非一日君子推原禍殃所自始將唾棄之不敢忍復蹈覆軌而躬爲之駕哉大疏所陳動關至計是固有言人所不能言不敢言者然言之而未見其效遂足以塞大臣之責乎國是未見其益而聞望因以日隆度賢者之心不能不以是歎然於懷也若夫陸范之志量則遠矣二子者遇已隆而志則未伸學已正而道或未盡然匡主濟時之略先憂後樂之懷實足以信當時名後世執事雅量及此庶能任天下之重者亦望陳古訓以自鑒而不矜於氣規大道以自廣而務宏其度集思廣益庶幾近之若規永叔子瞻之節概以自多采退之魯直之詞華以自豪此承平無事之世所爲優游以養大臣之望者而非今時之所急需以無救於治亂之數也頌執事之賢者曰其廉可師明執事之志者曰以身殉國雖執事之自許也亦然曰不愛錢不惜死壯哉言乎雖然以此二者明執事自待之志爲戡亂濟時之本焉可矣若以慰天下賢豪之望盡大臣

報國之忠。則豈但已哉。貪夫之徇利也。如蟻蚋之競逐於糞壤。埋首殞身。而自以爲得。於此有人焉。志節皎然。大利當前而不動。可不謂賢乎。然自君子觀之。特亦士行之一節耳。貞女之自號於衆曰。吾能不淫。不淫。遂足以該淑媛之賢德乎。不規其大。而遽以自旌。則何其見之陋也。今天下禍亂方興。士氣彌懦。欲驅天下智勇材辯之士。棄墳墓。捐親戚。出沒鋒鏑之餘。與死寇相角逐。非賞不勸。漢高捐四。千戶封趙壯士。而陳豨授首。項羽印剗。不忍予。而韓信陳平。閒行以急去。故濫賞。則志士恥與庸豎爲儕。而吝賞。則抑無以繫豪傑之心。以廉自獎。則亦將以廉繩人。而功名之士。乃掉臂而思去之矣。故曰。廉介之操。以語執事。自待之志。可也。大臣之道。蓋不止此。而抑非可以泛責之人人者也。

己未上曾侍郎書

吳敏樹

頃者恭聞先生大軍已克景鎮。定江西。將移師防川。還駐楚境。敏樹於湖上瞻望。前旌有日矣。而楚南之賊。先以聞風敗遁。各路諸軍。皆將隨先生以共清皖省圖。

復金陵。聞此尤爲喜躍。計先生大功之遂成。而果爲古今所未有。如敏樹所日夜禱祝於山中者也。自湖上先後兩次奉謁以來。雖以駑怯未獲受事於左右。其心蓋無日不若隨侍於舟中之坐。每聞傳有捷報。及憂危未免之事。無不竊竊同之。而未敢輒從人一通賀慰。蓋功名形勢之會。一世之所趨。求宜有所避。以謝於不知而妄意相與之。徒謂其獲交寵於大君子之門。而能爲之馳走者。此固先生之所不罪也。而舍甥王慶奎前歲嘗蒙恥一求供役。竟蒙在驅使之末。銘感在心。豈勝言謝。茲有友人學博楊君鴻烈。乃前數歲所欲爲。今世人才起見。欲一通之。麾下者。此君往與芸臺篠岑皆爲密遊。兵事初起。嘗從江忠烈戰長沙湖北間。其人名字。或亦先生之所宿聞。所以遲回而不敢遽言之者。有故。篠岑已有書道之無用申說。要之其人。自是負氣性男子。自其早歲讀書。卽喜談兵習武事。欲以雄奇功迹顯於時。而遭時多事。諸庸懦書生皆奮興。此君獨困厄。至無聊賴。以自存。豈不可歎也哉。今使前詣軍門。儻許加察而一試之。幸甚幸甚。

答吳費君書

姚 誥

大抵古文多段借。今文多本字。文異而義則同。西漢經師各爲專門。不相通曉。東京諸儒始會通其說。剋讀爲讀。曰之例以正其譌。剋讀若之例以通其段。借而後諸經同異。渙然以釋。然其中亦有絕不可通者。音義乖殊。師說互異。宜並存之。以俟治經者之擇善而從。而非可以臆見定之。如易費氏爲古文。而施孟梁邱亦遠有授受。書則太史公馬鄭所傳古文。有不如夏侯歐陽經本之善者。詩毛氏傳古文多段借。而三家多用本字。夫古時字少。故段借以代之。其後孳乳益多。似可從其本字矣。周官經之有故書。儀禮之有古文。鄭君所定。卽中文也。然如周官之祧。當依故書。今禮作濯爵。禮經之銘餞。當從今文作名饗。斯又當以許書正之者。論語之古魯齊。鄭君所考定者。卽中文矣。春秋三傳。其經文師承各異。宜悉仍舊。孝經才一篇。定之猶易。孟子爾雅無今古文之別。獨宜考正其俗書而已。鄙意欲用漢石渠講經例。條列諸儒考辯。斷以己意爲中文。經議其諸經卷第篇目。以至

漢儒家法異同源流分合。下逮梅賾衛包所妄改者。別爲考若干卷。又以諸經多段借字。一字至十數義者。學者苟執本義推之。尠有可通。蓋六書段借之例。有二。其一。言君云本無其字。依聲託事。若說文所記鹵朋韋來州革諸字是也。其一。則鄭君所云倉卒無其字。而以聲近字代之者。其用尤廣。承襲既久。不復知其本義。云何。謹欲悉求其本字。爲羣經段借考。俟成書後。然後乃寫定經文耳。方今考爾雅之俗字。多有不可知者。此陸氏所云飛禽安鳥水族著魚之類。可盡去其偏旁。然非有證據。未敢遽定也。

與陳碩父先生書

姚 詵

竊惟先生以鉅人長德。昌明絕學。負儒林重望。四十有餘年。謚童子時。幸嘗得共里閭。承高風舊矣。顧以幼劣。未敢求通。而鄙野之姿。不足以望門牆。侍几席。攬君子之光輝。年既益長。涉歷世途。與都人士游處。因得備聞先生行誼之純。一學術之淵深。最後得所爲毛詩傳疏而讀之。私益向慕。願得執經受業於門。而時已去。

蘇而返湖州之居。道遠區區之私。益無緣得達左右。謹之蹇拙固陋。獨行而無徒。發言而罕助。每竊自惟。學之無成。則亦已矣。束髮受經。治之十餘年。而不得其津。要中間又嘗習爲制舉之業。幾至沈沒。而幸得自振刷。以自力於古。志不爲不堅矣。學不爲不勤矣。道長力短。茫然失所倚恃。無師資之益。以道其先。有大儒並世。生如先生者。而又不。得。一。受。教。於。左。右。謹。之。微。末。固。無。足。比。數。士。之。有。志。而。失。於。無。助。者。豈。勝。道。哉。此。謹。之。所。爲。恨。而。爲。凡。爲。士。者。悲。也。謹。平。時。持。論。嘗。謂。學。以。通。經。爲。本。通。經。以。致。用。爲。大。爲。學。不。本。諸。經。猶。杭。斷。港。絕。流。而。求。至。於。海。也。通。經。不。能。致。用。猶。濟。海。者。舟。楫。具。而。不。能。駕。以。行。也。竊。不。自。揆。欲。盡。推。考。諸。經。取。其。大。經。大法。與。夫。典。章。制。度。儀。文。節。目。疏。通。而。證。明。之。究。極。其。異。同。分。合。之。故。推。治。亂。之。原。參。予。今。之。變。而。斷。以。今。世。所。可。行。都。爲。一。書。用。待。來。者。然。其。爲。體。至。鉅。而。用。力。至。難。謹。之。愚。陋。蓋。不。任。此。竊。有。其。志。而。未。逮。也。獨。所。爲。本。政。書。十。篇。推。論。此。意。盡。其。大。略。願。猶。未。知。其。是。否。既。以。質。之。於。廷。述。之。諸。老。而。尤。願。得。聞。教。於。先。生。如。先。

生不鄙夷而錫之一言。指其違失。則是謾之蹇拙。固陋。而或幸得與於斯也。先生之並世而得不虛所敬望也。豈勝其幸與慰哉。伏惟先生矜而許之。

與夏薪卿書

譚獻

僕聞之。詩者持也。持之有故。言之成理。先民有言。厚積薄發。足下冠年踰五命筆。斐然四卷之書。已踰百什。僕始以爲足下十年侍宦。燕秦滇蜀。征衣飄搖。何止萬里。又有其間骨肉多故。出入烽火。創夷在目。齒位雖未也。要當哀樂過人。深湛之思。不廢述作。語言繁多。都關情性。綉簡既竟。蕪詞累氣。卽又不逮。夫干霄之木。根入九泉。盈尺之綺。不以麻纈。昔吾有先正。其言明且清。六義遐矣。漢氏以來。樂府古詩。不盡可通言外之旨。恍忽有物。六朝三唐。凡其嬾媿。皆非苟作。且文章小道。人自小之。著作之林。請循其本。忠孝廉節之士。夙無文譽。偶一發唱。足動鬼神。陳編具在。曷一致思。若夫讀書。匪惟剗藻。天地民物。視乎推燭。百家諸子。各有專門。性之所近。善建不拔。稽古說詩。曰不得已。豈必雅頌。皆由窮愁。不得已者。學問既

成。身。世。所。值。洞。見。本。末。觸。緒。起。輿。稱。心。而。言。傳。之。其。人。乃。爲。不。得。已。也。茲。事。體。大。擄。引。其。端。所。望。足。下。杜。門。發。篋。植。心。經。史。之。區。託。體。比。輿。之。域。至。應。世。科。舉。互。得。證。明。殊。不。相。妨。無。待。擯。絕。張。融。有。言。不。阡。不。陌。不。文。不。句。又。曰。丈。夫。當。刪。詩。書。定。禮。樂。何。至。寄。人。籬。下。狂。狷。之。言。亦。云。縣。解。明。月。之。珠。干。將。之。劍。要。不。能。多。多。亦。不。貴。又。士。生。今。日。文。事。難。倍。古。人。古。者。塗。徑。未。闢。清。新。俊。逸。殊。轍。同。歸。鍾。生。品。詞。源。流。各。異。唐。朝。名。家。各。立。門。戶。雖。脈。絡。可。通。而。枝。葉。歧。出。元。白。李。溫。盧。仝。馬。異。成。名。而。去。任。人。褒。彈。今。則。不。然。每。樹。一。義。皆。非。獨。創。若。論。深。造。後。不。如。前。百。川。學。海。或。者。潢。潦。自。非。特。立。以。問。學。爲。之。根。以。變。化。爲。其。用。殊。呻。窈。吟。百。響。一。寂。夫。何。爲。哉。

謝李少荃中丞書

錢振倫

金。臺。濡。迹。忝。陳。羣。再。世。之。交。玉。署。隨。班。託。荀。伯。嘗。寮。之。分。一。自。分。飛。勞。燕。迴。隔。雲。泥。書。問。曠。疏。禮。儀。闕。略。豈。意。閒。鳧。野。鶴。關。仁。抱。之。痼。瘵。棄。席。遺。簪。荷。高。懷。之。顧。念。者。乎。中。丞。勤。宣。令。德。康。濟。時。艱。扼。襟。帶。於。長。江。靜。烽。煙。於。半。壁。昔。者。涇。原。裘。帽。天。

生爲社稷萬人朔方韉刀史推爲中興第一洵足嗣輝家牒光贊宸謨伏惟餐衛
適宜起居多福爲頌振倫一辭京輩十易寒暄誓慕自堅終制不出將謂蚓眞比
操食槁壤以猶歡蠹不求仙抱殘書以終老矣不意兵氛市地浩劫吹塵婦孺累
於提攜關山困於跋涉飄萍已久絕粒爲虞補吏非遙辦嚴莫遂旣不能大言挾
策效雕龍炙轂之流復不能劇務從戎厠短簿髻參之列計惟乞祠宮之香火謀
粗糲之儒餐是區區者或且陰謀以攘之游詞以拒之覲唐星使述及乃知仁施
風暖厚誼雲垂不俟修函先謀庇廈崇川一席猥蒙一再札商力圖位置趙尊遁
跡皇甫規特與追蹤宗測幽棲王秀之早爲寫像古人可作斯風尙存適漕帥吳
仲宣同年新修崇實書院枉札見邀書到在先業允就彼然而飲士謙耳鳴之德
自有神知感延陵心許之情不殊身受也

賀左相封侯啟

吳可讀

茲當華夏肅清戎羌底定烽銷故國二百年紫塞重光凱唱新疆八百里紅旗報

捷侯封晉爵。旬宇臚歡。敬維中堂。江湘世族。典索名門。乙榜聯輝。兩仲冠賢。書之籍。丁年佐幕。三才壓公府之班。謝家則江左宰相。風流孫氏。則吳下孝廉。富壽范希文。以天下爲任。憂樂先做。秀才時歐陽公。從何處得來。簡畀始居。卿寺日天生。碩輔帝倚長城。憶昔年望重。甫申百戰。經大江而南。而北。迨今日勳兼。周召一身。任全陝以東。以西。邁韓范於西夏。二人不愧軍中。有一拔劉張於中興。四將果稱天下無雙。初開府於涇原。繼勤王於幾輔。入覲而珥貂玉。陞秋水翦翠羽之雙瞳。祝釐而錫馬金門。晝日識龍顏於三接。旋旌靈武。偏師擣元昊之巢。轉旆熙河。次第平枹罕之壘。臬鄣善鯨鯢於青海。乃掃穴以擒渠。撤漢家亭障於酒泉。遂居中而扼要。狄武襄元夜張宴。上級不敢欺朝廷。李常侍雪夜傳籌。成功在能殲黨。與故雖崑崙奪後。智高倖免於天戈。然而淮蔡平來。元濟終歸於法網。恩威並用。剿撫兼施。頻年議餉。籌兵壹意。修文偃武。念一十八省。無不開科之處。於湘鄂滇黔。而外合天心者。乞恩無待乎再三。思三十六國有未盡屯之田。自流沙瀚海而遙。

廣地利者進策倍詳。夫二十載勤勞卓著。陋充國頗憐老子之言。九邊吏士歸懷。笑班超本非順孫之語。蔚矣邊陲之化。單于解乞詩書。覲若中國之規。甌脫悉成郡縣。受降城外。戶誦家絃。都護壘邊。男耕婦饁。繼漢武鄉七縱七擒而起。丞相天威與曾文正同時同里而生。封侯聖代在朝廷。德懋官而功懋。賞九重極。頒爵之榮。在中堂功彌盛者。德彌謙。一再陳讓。封之表贊兩宮。於堯舜遭逢慶漢朝明德。宋室宣仁覽三策於周秦。功業鄙出塞衛青和戎魏絳。從此分茅胙土。搢桓圭而一等榮加。白馬丹書載盟府而萬年罔替。光增旄鉞。頌切軒鑿。

上吳子苾閣學論國朝古文書

陸心源

今衆所推古文作者。前則勺庭壯悔堯峰。後則望溪惜抱。求其可與八家抗衡者。勺庭氏而止爾。然猶不免於體下。其餘或失不勝得。或得失半。或得不勝失。綜而計之。約有三等。崑繩之文厲。從老泉入其失也。肆竹垞之文古。從曾王入其失也。局望溪之文厚。從歐曾入其失也。窳惜抱之文潔。從歐柳入其失也。柔子居之文

堅。從。秦。漢。入。其。失。也。矜。茗。柯。之。文。醕。從。曾。王。入。其。失。也。薄。海。峰。之。文。峻。從。韓。蘇。入。其。失。也。兒。此。皆。失。不。勝。得。者。也。南。雷。之。文。從。剡。源。入。其。出。也。似。廬。陵。其。失。也。率。湛。園。之。文。從。潛。溪。入。其。出。也。似。歐。似。曾。其。失。也。支。堯。峯。之。失。毗。於。惜。抱。而。加。狹。雪。苑。之。失。毗。於。崑。繩。而。加。浮。穆。堂。之。失。毗。於。望。溪。而。加。宄。梅。崖。之。失。毗。於。海。峰。而。加。俗。亭。林。之。樸。勁。躬。菴。之。雄。壯。其。美。不。同。而。怒。幾。於。罵。則。同。也。異。之。之。學。賈。大。紳。之。學。荀。其。美。不。同。而。學。而。未。至。則。同。也。牧。齋。之。俊。逸。謝。山。之。宏。肆。其。美。不。同。而。時。涉。粗。雜。則。同。也。二。林。之。明。暢。臺。山。之。古。勁。其。美。不。同。而。好。屢。禪。語。則。同。也。此。皆。得。失。半。者。也。至。若。生。甫。左。海。之。於。昌。黎。愚。山。青。門。之。於。柳。州。少。渠。軫。石。石。莊。邦。士。午。亭。椒。園。之。於。廬。陵。鶴。舫。潛。菴。在。陸。春。融。貫。一。之。於。南。豐。六。雅。遞。菴。三。魚。改。亭。之。於。東。坡。小。硯。碩。士。鱸。江。淵。甫。之。於。震。川。或。不。專。力。於。文。或。專。力。於。文。力。不。逮。故。所。得。不。如。所。失。也。隨。園。之。文。其。破。律。敗。度。夫。人。而。知。之。矣。然。於。南。豐。所。謂。智。足。以。達。難。知。之。意。文。足。以。通。難。顯。之。情。蓋。無。愧。焉。蓋。古。文。有。理。有。法。理。明。而。法。不。足。以。文。之。則。弇。

鄙而不辭。語錄之文是也。法立而不積理以出之。則放誕而無止策士之文是也。是數十家者。於古文之理法講之熟矣。特所造有至有不至耳。

與柯山親友書

李慈銘

入春十七日。得去秋七月所寄書。亂後三年。始獲此尺素。回環細讀。無間晤言。兄之一生。輕信易惑。又本無才能而思用世。以此蹉跌。遂致魅乘其暗。蟻射其明。破家棄親。幾負世之大誥。甚可痛也。少緣綺語。頓錮豔情。閨房之好。稍異於大馮媵侍之選。懸擬乎小杜春黯黯。其花寂秋。蕩蕩而月孤。歲時不留。倏過年少。桑榆之蔭。漸斜。蘭芷之芳。無歇。足下招我歸。欲兄急了。此願意良厚也。而兄白首郎署。出則裘敝。歸則壁立。問亂後之桃源。尋劫餘之柳絮。豈易言乎。今年上春。本擬南返。牽於世事。遂違曩心。自屆春分。以及上巳。每念吾越。常禧迎恩之郊。東郭南門之外。景物豐麗。殆絕人寰。山浮翠。鮮水拭綠。淨港町林。抱村墅。花接暝鳥。引響浴鵝。成羣。畫船碧篷。出明妝。以宛宛酒樓。青幟招游。屐而傲傲。路沿紙鳶之風。渠放秧。

馬之水柳岸吹碧時露半帆菜畦疊黃晴欹萬笠簫鼓達乎月出城郭迥其烟浮蓋離家以來思之輒病及病之際又思之輒瘳雖滄桑頓移而夢寐不改都中二月草無一青所不異者煖風遲日耳比已定計俟八月下旬束裝泛海直下申江重陽前後必可抵里當與足下泛小艇束短筇載柯谿之紫菱訪蘿菴之黃葉射雉七巖釣魚五橋沽曇釀新酒采湖洋老尊問菊州山臥楓丁港清旭而出落日而歸鐙火出籬鷄豚在柵奉兩家之高堂聚中外之弟妹別後面目各言瘦肥劫餘蒼黃互相慰幸數戚屬之多故則涕淚間作喜骨肉之重聚則婢僕皆歡鄰里賀歸或度牆以供饌兒童解事亦扶床而不眠話京國之見聞朝事歷歷譚陵谷之變怪鬼燐幽幽茗薜一甌芋栗數器直至打稻聲歇然松燄殘月苦霜濃各散就寢縱閒居之福勢難久長而省侍之娛時爲極樂已知足下遲我甚殷故先書此以報惟努力彊飯蓄暇相待不宣

與潘伯寅副都書

李慈銘

弟自去臘中旬。德夫奄化。精意衰隕。殆不如前。動靜旁皇。時若有失。平生朋友之痛。莫過於斯。執事昔爲平交。今爲曹屬。雅懷軫悼。諒逾等情。德夫嫉俗憤時。罵坐多忤。祝詛鬱拂。竟至酷亡。然其至性沈潛。節亮慷慨。求之同輩。實維寡儔。又志於用世。遇事奮發。近會多故。益自濯磨。而生命蹇屯。卒不得效。遂欲窮經讀史。返爲樸學。近已定計投劾南歸。事親著書。泯泯以老。虛已服善。謬欲相師。盡出所藏。委以審定。弟亦貧悴冗散。坐廢明時。方欲結伴青春。自淮旋越。與之買山築室。商榷古今。作太平之逸民。奉膝下之愛日。不圖瘡札暴集。斯人病榻。纏綿天涯。訣別一斗。散稍未拜公朝。三寸梓棺歸覲。老父孝標絕胤。并乏左芬。令嫻善文。空誅徐悱。官不挂於朝籍。名不列於鄉書。青山白雲。未定埋骨之地。素書丹粉。猶沾過手之痕。此則石闕之啼。過時不減。黃蘗之苦。入地愈深者也。伏念執事愛材嘯植。微末不遺。況於德夫。素託投分。任昉龍門之游。曾預昔坐。山公黃壚之飲。亦結曩歡。故略其生平。稍敘哀誼。塵於左右。定爲泫然增欷耳。所惜德夫近日不甚作文。舊存

詩篇。又魁足錄。今其弟邁夫欲鈔其詩并時藝雜文共爲數卷。屬弟甄次。將付棗梨。嗚呼。天下士夫皆不說學。有志此者。又擢抑之。惟恐不早。使其志業一無見於後世。此尤可痛者矣。

復張孝達書

李慈銘

自使車西邁。日月駢征。歷歲改元。已逾二稔。唯使節所至。搜巖采榦。東西兩川。揚馬蔚興。勤宣令聞。膺受多福。國朝經儒。寔瀛繼踵。蜀之一隅。闐乎無述。豈非閩治多士。待常相而始生。牂柯學徒。得許君而遂盛乎。去年之冬。奉到雅州所發手書。並拜廉泉之惠。循誦再四。以當良覲。人事鞫錄。郵驛阻長。侵尋未報。良用愧赧。然每讀一書。紬繹考索。闇笏疑羈。未嘗一日不思執事也。弟窮居輦下。本爲僇民。招侮集尤。舉世怪棄。自執事奉使。肯夫憂歸。麇伯清卿。一時俱出。庭芷逸山。又以去年相繼南返。都門還往。遂無一人。若師乞養。鄭盦左官。苻丈驟陟六卿。由是文讌從容。亦皆絕軫。弟之於世。本無異趣。文章學問。俱揣時好。未嘗炫芾冕於僦國。陳

鐘鼓於海瀕。家世恭敬。以忤人爲戒。偶出應接。傴僂揖讓。惟恐後人而珪飾倚門。見者以爲蒙蜩蕭鬱。在御聞者疑其載鮑。故應舉之技十試而不收納粟之官五考而不調。此由命之舛。馳非行之職咎。然其致此者亦有由焉。校格論資。晚世尤甚。一升禮部。卽嗤孝廉爲濁泥。倖立秘書。便笑郎署爲俗物。而同歲之中。復分寒燠。一廷之上。又判涓涇。况非給廩之龜。有異附羶之蝥。豈得追隨纓組。參預華流。此其一也。舐痔嘗穢。官方以爲常。柔面脅肩。妻子所不恥。朋曹共進。相夸以附鑽。死友密親。不諱其傾軋。而弟則裹足於華屋。埽顏於廣筵。是猶卻行而登山。重裘以止。喝此其二也。折楊之歌。市里皆悅。回波之曲。廟堂所珍。字百十而足供。言千萬而如一。以腐穢爲合格。以鄙俗爲盡情。而欲於鸞贖之前。辨其同律。盲瞽之肆。分其丹青。是何異樹荷芰於崇岡。續雲霞以糞壤。此其三也。斲趾適屨。士之見幾。臨穴制淚。事之應會。故游東坡之門。卽詆理學。入荆公之室。爭毀春秋。以況今茲。亦有兩道。侈陳商周之器。可束注疏而不觀。高談程朱之書。可薄馬班而不用。求

雁鼎於錢賈。訪學究於三家。亦足以竦譽公卿。附勢貴要。弟則貿貿於古文。斷斷於語錄。是猶黃老方。盛轅生。詆爲家人圖讖。大滋尹敏。以爲鄙別。此其四也。而時之論者。多謂宜稍矧屈。以就通方。是則盜跖膾肝。將屈伯夷。以執爨鍾離。奔室必強。柳下爲淫。夫且稟性不馴。出辭易犯。畜噬狗以沽酒。取敗葉以掩金。反道而行。適形其拙。是以逃俗若狂。守靜若寐。樊駟大賈。不接於門。令史功曹。未知其面。遂使羣吠蔽日。衆响漂山。或忌其獨醒。以爲眠挺。或訾其輕怒。以爲哢喋。揚堞塞塗。樹荆滿術。賈逵婁空。將從於首陽。照鄰固疾。欲湛於潁水。然勞魚尾。赤尙在方羊。窮鳥口瘡。猶知鼓臭。昔者桑屨裹飯。惟待子輿。范宣裁禪。實資韓伯。計在執事。能爲緩急。耳儻乘便羽。潤以餘波。庶蕘突生煙。常帶錦江之色。商歌出戶。遠揚益州之風。生不千人。亮惟垂察。去冬聞大令兄滇中之耗。地遠言歧。不敢致詢。今年蓉江觀察入都。始知其審麗。江鳴琴中道。輟響執事。令原之痛。定過恒人。修短有期。所宜益損。又聞魚軒百兩。裴回未迎。豈過慎於蹇修。何久虛其中饋。畫眉幾廢。垢

背誰搔。想乘使槎之回。當夢新銚之喜。浣花溪上。桂子香時。定有文君載後車矣。聊資一笑。不盡欲言。

與李恣伯同年書

趙銘

自古外敵相迫。雖橫暴母禮之國。淫凶不道之主。以兵陵人。必有所執。煙臺之議。英以滇人生釁也。臺灣之役。倭以後山肆殺也。流求之廢。倭又以自明中葉內屬也。中國應之。貴有道焉。智者辨之。仁者容之。勇者爭之。求事息。不求氣勝。求勢定。不求名高。履霜。堅冰。見虹。止雨。如斯而已。法人之於越南。其始破西貢。割南圻也。我久不問。敵乃生心。以修彼舊怨。爲言以非我屬。邦爲解。而我內顧和約。外憂弱藩。左右枝梧。情勢絀見。果使罄兵赴難。仗義執言。非不足協天人之謀。吐華夏之憤。然而長慮。卻顧。欲前且止者。渤碣天險。神州星拱。籌防重矣。而環海數千里。城壘未盡堅也。樓艦未盡修也。握兵之困。能海戰者。幾人。饋軍之需。堪歲計者。幾道。司農仰屋。朝不謀夕。行省告糴。寅食卯糧。重以天災流行。南北殆徧。殉赤子於龍。

蛇。隨。波。臣。爲。魚。鼈。時。艱。若。彼。民。困。若。此。而。或。欲。空。券。佐。鬪。枵。腹。議。征。救。隣。而。以。自。焚。拯。井。而。與。俱。溺。吁。甚。惑。已。古。之。用。兵。勝。者。割。地。今。之。用。兵。負。者。償。款。我。勝。敵。於。邊。隅。未。能。扼。其。吭。制。其。命。則。責。償。無。期。也。敵。勝。我。於。門。戶。卽。已。據。吾。城。封。吾。港。則。索。償。可。券。也。校。其。勝。負。數。不。相。當。然。則。立。少。主。之。朝。任。天。下。之。重。當。強。悍。之。虜。興。躁。忿。之。師。以。孤。注。擲。以。少。算。爭。爲。身。謀。者。且。不。可。況。爲。國。謀。乎。哉。儒。者。讀。書。折。衷。往。代。吾。人。衡。事。取。鑑。陳。編。漢。高。不。報。平。城。之。辱。宋。祖。不。急。幽。州。之。取。隴。蜀。旣。定。光。武。乃。謝。西。域。襄。樊。見。伐。阿。瞞。至。憂。許。都。安。市。回。蹕。太。宗。悔。行。日。本。覆。師。世。祖。輟。役。此。皆。命。世。英。主。開。創。雄。才。迨。其。暮。年。猶。誠。客。氣。若。夫。人。臣。處。世。抑。有。難。焉。夷。吾。九。合。勢。屈。於。江。黃。諸。葛。七。擒。兵。回。於。子。午。深。源。北。伐。臨。川。苦。爭。裴。度。晚。出。習。之。力。諫。李。沆。名。臣。也。決。靈。州。之。不。守。三。楊。賢。相。也。謂。交。阯。之。當。棄。時。勢。所。阻。事。力。又。窮。我。思。古。人。猶。不。免。責。而。於。北。洋。乎。集。矢。哉。頃。者。某。制。軍。過。鄂。語。黃。子。壽。廉。訪。曰。北。洋。擁。重。兵。專。鉅。餉。論。戰。則。無。具。言。和。則。不。恥。經。營。汲。汲。將。以。何。爲。黃。笑。而。未。之。應。也。

僕請有以對之。北洋水師甫成一旅。所倚惟淮淝舊部。以分江南。以實淮右。以駐山左。以防楚北。兵非北洋獨擁也。集餉十年。僂指千萬。購船市械。製器養兵。綜其大端。不出數事。天下之間軍火而來者。內自京營。外達奉吉。以訖於新疆萬里。其十八行省。則雲貴取之。兩粵取之。兩湖取之。兩江取之。浙閩取之。山左右河南取之。獨川陝甘未耳。餘皆挹注。因時貸求。相繼餉亦非北洋得專也。昌黎有云。及之而後知履之。而後難同舟。擊彈猶病隔膜。局外譏議。果爲公是。與難者曰。養威蓄力。遵晦俟時。不藥中醫。火攻下策。是或然已。吾聞漢擊匈奴。不師其長技。唐借回紇。不仿其用兵。守我土疆。修我矛戟。而必顛顛焉效西法。慕西俗。惟日不足者。何與。則對曰。時爲之也。天算用彼術矣。礮火用彼法矣。吉貝出於異域。衣被寰中。巴菰植自南洋。咀含海表。苟求利吉。豈限方隅。今器與器校。彼精而我。窳船與船校。彼堅而我。脆。悉邊備。蒐軍實者。欲不集思廣益。舍短取長也。得乎。鄉者中外情形。恆苦隔闕。近則奉使之軺。渡遼之將。交聘之客。互市之商。搜奇挾秘者。踵接於門。

庭獻藝呈能者。輻輳於左右。於以考衆論。資博採。無罅無函。通其俗。得寸得尺。程其功。刀號定秦。弓銘克敵。雖謂張吾三軍。學在四夷。夫奚不可者。中士凡事皆蹈舊。而文章日新。西人凡事皆爭新。而製作尤勝。以是發揚耳目。震耀威靈。本無嫌用。楚之材。且有時。盡翠之道也。難者又曰。非此之謂也。夫自敵勢既張。我權已詘。宇內虛耗。生靈彫敝。今不惟根本是圖。而第聞勸開礦。建鐵路。行電報者。何也。則對曰。此訾其迹。未察其意。惡其流。未睹其源也。西洋諸島。僅若彈丸。小者吾數郡。大者吾數省耳。彼橫行我境。而有餘。我坐守吾疆。而不足。其故何哉。彼之用。在兵。其權。在商。商之力。行遠隨集。而成我之用。在兵。其本。在國。國之力。有常。經久而匱。故既效。彼兵之長。亦當裕我商之利。開礦以道之。鐵路以通之。電報以聯之。原其始。謀務在遠略。奉行不善。流弊乃滋。鐵轍未成。阻者萬喙。其事既寢。姑弗具論。礦務煩興。人私利藪。抱忠憤者百一。媒富貴者十九。一錘甫劬。衆貲奔湊。乃以回皇市聽。顛倒物情。末流至斯。殊可駭嘆。電報初設。厥有成效。斯舉也不糜國儲。不浚

農力。萬里之遙。俄頃而通呼吸。百程之隔。奔走而效指揮。邊隙偶生。咄嗟立辦。敵情苟得。瞬息可聞。若其便音書。利商賈。乃小小者耳。曾襲侯之使俄也。出疆之旨。仰稟廟堂。絕域之書。迅傳樞密。遂得發縱指示。尅日奏功。不然。客有而主無人。捷而我鈍。欲與相當也。難矣。凡此數端。勢非獲已。雖然。抑有說焉。當世所行者。實事。實事以救一時。君子所持者。正論。正論以俟百世。昔武帝攘狄漠北。開郡河西。厥功偉矣。孟堅著史而譏之。貞觀賓服番戎。列侍階闕。厥德懋矣。南豐著論而非之。斯固秉筆之鴻裁。高世之遠鑑也。先生抗古義以繩今。瀝忠肝而砭俗。桓沖左袵。慨然隱憂。季野陽秋。邈爾獨見。豈與夫脂韋賤士。翕訛庸流。插齒牙。競唇舌哉。

上薛慰農夫子書

趙銘

七月之望。朱仙鎮營次。得子琴書。敬悉夫子言辭珂里。安抵武林。露冕而來。還吾父母。星軺再出。望若神仙。父老既願。借寇君童子。亦爭迎郭伋。而談者謂引疾未起。乞退猶堅。遠道聞之。私心異甚。竊以出處之際。道有權衡。推挽之功。責歸賢達。

然古人辭三旌之召。謝列郡之榮。輒有故吏上牋。門生奏記。蓋謂勤身以濟物。猶愈養德以待時。銘雖不才。敢附斯義。夫使仕途。柄鑿賢路。崎嶇而欲令俯仰。若桔槔嬉戲。隨竿木識者。惡焉。側聞伏波老成。茂宏名士。有側席相延之雅。有同舟共濟之情。似可虛與委蛇。不隨軒輊。承天心之優眷。卜吾道之大光。魏闕子牟。終拂衣而未忍。西湖白傅。雖去郡以難忘。此其可酌者一也。夫佩玉者以心愛而倍切摩挲。蒔花者以手栽而尤勤愛護。況士經敦琢。毗被沾溉者乎。今者之江上下。浙水東西。一聞夫子之來。而庇廬者雲趨。攀轅者霧集。靡不謂照臨白璧。秋月長輝。問訊甘棠。東風又到。文翁留蜀。年年貢士。西京汲黯。過齊處處活人。東海我夫子樹人。歲積穀我恩多。得勿戀此蒼生。起紓赤芾乎。此其可酌者二也。時事孔棘。謀夫不臧。而賢者忽臨宦海。而抽帆回天衢。而戢軌。遂有深林招隱。異地借才者。假使鄰疆一疏。特起東山。明詔十行。重頒北闕。斯時欲去而湖山難別。欲留而車乘方招。豈如便著羊裘。興耽江上。卽穿布襪。情在雲門。非徒香火之緣。深實係生靈。

之望久。此其可酌者三也。昔石湖以病起句祠。坡老以晚年乞郡。非關戀祿少緩歸田。誠以月廩歲餼有所不獲已也。我夫子在官無五十畝之秫。還家乏八百株之桑。塵釜常懸。山資莫辦。未免對芟衣而鶩笑。披蕙帳而猿愁。然則無慕鶴軒有情。驚粒調停。五馬慰賓客之飄零。鄭重六條。誠公侯之逸豫。夫亦何損高致乎。此其可酌者四也。大抵往來者運也。隱見者遇也。油雲作霖。可與絳霄爲舒。卷明月出海。或遇清風而徘徊。以證詩懷。見瀟灑焉。以徵宦隱。見從容焉。況我夫子循吏之聲。縈回宸聽。儒林之業。黼黻皇猷。一旦聖天子寵之藩翰。申以封圻。不待再計而起矣。豈必煙霞永契。松菊堅盟。薄壯歲之功名。樂古賢之嘯傲。與銘東游。旣倦南歸。未能方春從曹濟之征。冒暑有歸陳之役。草行水涉。歷千里以云勞。車殆馬煩。閱三時而未已。短衣自笑。秃筆難豪。旣鬢髮之早衰。復音書之多滯。十口家累。西風漸寒。一笏墓田。終夜欲涕。擬俟梅花開日。春水生時。乞假治裝。還鄉釋服。晉謁夫子於西洽。定知絳帳元亭。三生有幸耳。芻蕘可獻。請攄弟子之誠。葑菲不遺。

謹俟先生之教。敬頌起居。伏希鑒察。

復陳子餘論韓文書

施補華

惠書述曾文正語。謂善學退之者。莫如王介甫。名論不磨。十分佩服。退之自云。非三代兩漢之書。不敢觀。故其於古人之文。無所不學。而融洽變化。自成一家。書之誥誓。詩之雅頌。周官之考工。爾雅之訓詁。春秋三傳之屬辭比事。孟軻荀卿氏之議論。屈原氏之哀憤。莊周之荒唐。司馬遷班固氏之史才。董仲舒氏劉向氏之學術。揚雄氏之文章。讀退之諸文。往往遇之。而要非古人之文。退之之文也。所謂攬羣言之總。起八代之衰。此歟。退之傳。李習之。張文昌。皇甫持正。持正傳來。無擇。無擇。傳孫可之。習之。無退之之奇傑。而蒼渾類之。如梁父之於岱也。持正專學奇傑。巉削而無厚氣。可之專學巉削狹小。而無高識。其在退之家。不爲嫡子。冢孫。宋初學退之者。爲穆伯長。而歐陽永叔。書舊本韓文後。自謂得退之真傳。然觀參軍文集。無五代習氣。已耳。豈能高步退之。永叔俯仰揖讓。有李習之之態。蘇明允常。

稱之。以視退之。筆有剛柔。氣有陰陽。詞有繁簡。神與貌均。不能合介甫健勁。故於退之。獨近退之學。古人盡得古人筆法。介甫學退之。半得退之筆法。退之健勁。而骨肉適均。介甫則骨多而肉少。其轉折頓挫。雖似退之。往往筋橫氣促。無舒卷自然之樂。然其造詣所至。已足以敵習之。可謂韓門兩大宗矣。明人羅圭峯。今人張皋文。皆力學退之者。其病在痕跡未化。桐城自方靈皋以下。皆知推重退之。然桐城一派。實導源於歐。曾託之退之。以取重耳。其筆其氣。其詞固不類也。魏冰叔有言。韓公是山。分文字峰巒。峻削。歐公是水。分文字波瀾。動宕。爲持論最平。附去別弟文一篇。近時所作。亦學退之者也。乞爲審定。

與陶之方書

施補華

王君之才之識之氣之言論之文學。補華目中未見有過之者。十數年來足跡徧於秦隴滇蜀之郊。西出嘉峪關七千里。南出鎮南關二千里。所至名公鉅帥。皆待以奇士。所任皆軍旅之事。凡與王君同時者。人材之視王君。十駕而不能至。名公

鉅帥之待其人亦皆不如王君。然比比得官以去。小大不同。各如其量。王君今年四十又八。獨無成就。又無所賴。以老於家。夏間求食至山東。張公待之甚厚。補華與深交。所以爲謀亦至。迄無成就如故。補華自論生平。可謂困矣。詎意猶有如王君者。今由齊之燕來謁。左右其意亦無幾求。欲就本班引見到省。以閒曹終老。左右能助其成否。耶。王君奇士也。思以閒曹終老。而猶待左右之助。吁。可悲矣。然誠得所助而棄。奇士於閒曹中。此不獨爲王君悲也。惟左右所以處之。

致沈幼丹制軍書

郭嵩燾

嵩燾此行有類懸的。以資彈射於心。亦無咎悔。獨於辦理洋務機宜。頗謂粗有所見。而終一不能自達。且至援引無賴。偏處憑陵。挾戈矛求逞。非獨薄德。無能以自貶。戚人心之變幻。不足生其廉恥。而發其蒙塞。然且曰。是固可以邀一時之名。以希無窮之獲也。然則人世尙可與共居。而艱難尙可與求共濟。耶。用是毅然求退。謹引避之而已。至於嵩燾之遭詬謗。尤以兩湖爲甚。惟其所見愈狹。而所持之論。

乃愈堅。曾文正在天津。誠有過者。乃在不明立科條。分別從教者之良莠。以使百姓與教民兩無猜嫌。至其辦理教案。則亦天理人情之至矣。而津人毀之。湖南人尤相與毀之。詢以津事始末。無能知者。道之不明而意氣之激。以不得其平。則亦何詞不可逞。何罪不可誣哉。如曾文正功德在天下。立身制行。卓卓如是。而猶爲議論所集。於嵩燾。何有。雖然。文正公爲天下了事。聲名之美惡。不當復顧嵩燾。並無了事之權。徒欲發明其義爲天下任。謗以使在事者有所藉手。以行其意。而終以不相諒。悠悠終古。誰與明之。文正公處於不能退之勢。則以進爲義。嵩燾處於不能進之處。則以退爲義。各行其心之所安而已。病體益衰。精力短乏。尤不堪任事。外度之世。內度之身。自計已審。若徒以人言而已。生世不過百年。百年以後。此身與言者之口俱盡。功名無顯於時。道德無聞於身。誰復能舉其名姓者。區區一時之毀譽。其猶飄風。須臾變滅。良亦無足計耳。

復吳又桓刺史書

郭嵩燾

前歲自山東旋都。始知福星臨沚。吾湘爲快慰者久之。比歸。數聞意城稱述盛業。謂楚以南治行卓卓。未有及者。自古詩人爲政。風流從容。設施立聲名者有矣。盤根錯節。通明彊固。若老兄詩人之政。尤古今人所難也。伏處深山。不敢僭通書問。乃荷賜書。注問勤勤。意隆語摯。伏讀增感。又知受代有期。而殷殷然以一日在事。不敢弛勞爲念。賢哉。文與意之交美也。欽服。欽服。僕疾病蹉跎。凡百荒廢。生平非盡無志者。一再試之。而知天下事之難與吾道之不易求。合徒坐視其敗壞。無益於人世。而增此心之隱痛。則何如引身以退。使天下之是非得失。不復留於吾心。吾之所養不較多哉。所以自守迂拙。固如是也。來書獎藉。所不敢承。要之君子之進退。審時量己。求當於義。古今人所處。當亦不甚相遠耳。

再與笏山書

郭嵩燾

昨復一書。頗有陳說。蓋足下所患信心太過。視事太易。任人太輕。而新進喜事之言。太易入也。僕心實隱慮之。近得玉班書。言與足下形迹甚疏。而其遇事自用。人

皆用以爲疑。壬秋蓋嘗主是說矣。意者有中於壬秋之言而思一試之戰陣耶。往在京師。嘗以壬秋學識過人語之。足下意不謂然也。以壬秋之才之學。與之往返談論。爲益甚多。其有偏頗處。擇而從焉。非爲害也。至於軍旅大事。當擇老成諳練。深悉機宜者。就而求益。而足下之於壬秋論學。則遠之。論事。則反親而信之。稱此而求。則吾弟所以取法於人。與其所以用人者。吾慮其背道而馳也。君子之學。必遠乎流俗。而必不可遠道。壬秋力求絕俗。而無一不與道忤。往往有甘同流俗之見。以畔道者是足下。但論文章友之可也。師之可也。至於辨人才之優絀。語事理之是非。其言一入如飲狂藥。將使東西迷方。玄黃異色。顛沛蹉跌。而不可追悔。獨奈何。反用其言。以自求迷亂哉。吾之望於足下大矣。恐一任事而先失衆人之望。故剴切言之。嚴陵之告君房。猶有懷仁輔義。阿諛取容之戒。僕局外人。於足下。諛不倦如此。亦竊比古人之義實恃足下好善取友。樂聞盡言。一肆其狂瞽之論。不罪不罪。

與郭意城書

彭玉璽

弟於去秋九月歸里。只以清靜福薄。養疴未能。俗務紛投。愈多煩惱。入冬發血一次。豚兒扶疾出京。誤於醫藥。到家已成瘵。歲又云暮。百感交集。入春以來。賤恙心忡氣逆。舊創咯血。次第舉發。而兒病危矣。醫筌藥竈。是我生涯。悶獄愁城。從此鑽入。祇以命蹇德薄。遂使遭家不造。豚兒不孝。於二月廿七長辭膝下而去。弱媳幾以身殉。小孫尙在孩提。內無成童。外無次丁。死者已矣。生者何堪。明知數定。何必喪明。伯道之悲。亦屬無濟。惟舍弟亦無嗣年。亦六十拙性。素不耐瑣碎。白米紅鹽。於寒士時。卽未經理。今不獨男婚女嫁。累及老朽。而日用細故。亦須安頓。清釐回首。六十餘年。困苦艱難。一旦付之流水。人非太上。安得無情。茫茫心緒。如野蠶布。絲不能不惡劣也。其奈之。何以一乞退告。病殘軀。奉命巡江。實以受恩深重。不敢辜負。勉盡臣職。圖報萬一。際此南蝗北旱。伏莽思逞。粵之全州。湘之平江。業經蠢動。時世維艱。長江防務。尤爲緊要。詎敢以私廢公。自深罪咎。只好將私家事置之。

草草料理亡兒喪葬畢。於前月二十八束裝出巡東下。老病頽唐精神疲憊不堪言狀。湘中冬春連雨數月。陰霾不開。秧種盡爛。惟期五六月不逢魃災。歲熟爲幸。否則人心不古。其如多事何。恕翁侍郎。想已視學出棚。甄老觀察。意趣想如舊。累欲修候兩公起居。無如鄙衷多茅塞。興味蕭索。與其通問。擗管發牢騷。勞故人裁答慰勞。究不若望風懷想。寤寐思之。亦不失古人神交遺意爲佳耳。黼翁到浙。興會亦復不淺。我兄多一山水游友。翦燭西窗。錦囊佳句。想兩家皆壓折驢背。載滿烏篷矣。諸公皆天上人。謫作陸地仙。使我沈淪幻海者。梗斷蓬飄於驚濤駭浪中。搔首不能登公彼岸。憂心惕我懷如何。

與胡潤之書

左宗棠

數年已來。所辦皆公家之務。所言皆公家之言。蓋幕之職。原以助官爲理。旣爲人役。自不得不殫精竭慮爲之。唐之馬周。以徒步而致卿相。本朝之王文端。陳文恭。林文忠。皆以幕客起家。就中端人正士。本極不乏。無如利其食者多。其途近雜。則

亦有指爲口實者。僕當咸豐二年。賊逼長沙之時。從前並未一聞時議。中秋後方擊幼累入山避寇。親知多從之游。甫十餘日。忽枉張石卿中丞之招。欲不出應。而江岷樵自長沙以書來。勸其速行。郭筠仙昆仲及吾仲氏同住山中。亦謂公卿不下士久矣。張公此舉。宜有以成其美。而僕於林文忠公處。聞公言滇之張石卿。黔之胡潤之。黃惺齋。乃吾左右手。因詢石公所長。則固開爽敏幹。不易得見者。遂欲一往參焉。比見石公於圍城中。握手如舊。予以數策。立見施行。自此留置幕中。長沙解圍兩月餘。石公奉權督湖廣之命。強僕赴鄂。是爲三年正月十二日。逮九月十三日。石公赴山左任。僕乃辭歸。自是匿居深山。誓不與聞時事。而簾門中丞三遣使幣入山。敦促再出。時逆賊披猖。已陷岳州。而南距長沙七十里耳。不得已勉爲一行。四年三月初八日入署。至九年臘月二十日出署。中間事變多端。皆公與滌公所聞見者。亦張駱二公疏稿中所備具者。前後八年。猶堪覆按。此後世能忘我。固爲意外之幸。倘復強納諸世網之中。真不知稅駕何所無已。則舍帷幄而事戎。

軒少伸草莽報國之誼。蓋數年襄畫軍事。卒未一履行間。上年寶慶之役。以將領進止未能畫一。亟請於駱籥公。願疾馳軍前。一爲籌度。希庵回湘視師。亦力勸其行。中丞堅以左右無人。不令遠去。致使微願不遂。每以爲歉。今後如不能卑棲巖壑。卒爲外人物色及之。則請以數百人營官自處。披堅執銳以從事焉。幸而濟則殺賊之素志可償。不幸而敗。則免胄陷陳。就吾死。所其不敢妄希統領者。以軍旅之事非可以未親閱歷之人嘗試之。營官隨大隊接仗數十戰之後。歷練必多。部下人才優劣亦審。方期漸有把握。否則貿然任重。顛蹶堪虞。不但誤國。兼以自誤。殊非所取。必不得已而出。則學戰爲宜。若從容坐嘯。乖其素願矣。

與吳子儁太史書

左宗棠

前得手書。細字長篇。知目力猶能及百里。至以爲慰。蜀中之行。往返均與陶文毅舊游相合。月日亦符。甚爲快事。所論陶文毅與林文忠品概。均尙平允。兩公當日亦各相傾倒。一雄偉。一精密。非近人所可及。設使兩公遲死十年。則髮逆洋寇有

人。了。結。不。至。流。毒。天。下。如。此。之。久。也。弟。嘗。以。爲。言。而。人。莫。信。之。一。二。豎。子。至。昌。言。掙。擊。吁。其。甚。矣。世。生。一。變。天。輒。以。一。人。擬。之。朝。廷。得。其。人。專。委。任。而。不。令。旁。有。牽。掣。則。亦。無。不。了。之。事。惟。人。才。接。續。之。故。亦。有。天。焉。陶。桓。公。之。後。僅。一。王。愆。期。武。鄉。侯。之。後。僅。一。姜。伯。約。此。固。非。其。意。中。之。選。而。究。止。如。此。是。人。才。之。盛。衰。在。當。時。之。用。舍。亦。關。世。運。之。隆。替。也。故。曰。天。也。京。師。人。才。淵。藪。閣。下。有。所。聞。見。盍。舉。以。相。示。久。處。邊。塞。願。有。所。知。幸。勿。忘。之。

刺血求援書

沈文肅夫人

將。軍。漳。江。戰。績。嘖。嘖。人。口。里。曲。婦。孺。莫。不。知。海。內。有。饒。公。矣。此。將。軍。以。援。師。得。名。於。天。下。者。也。此。間。太。守。聞。吉。安。失。守。之。信。預。備。城。守。偕。廉。侍。郎。往。河。口。籌。餉。招。募。但。爲。勢。已。迫。招。募。恐。無。及。縱。倉。卒。得。募。而。返。驅。市。人。而。戰。之。尤。所。難。也。頃。來。探。報。知。昨。日。貴。溪。失。守。人。心。皇。皇。吏。民。鋪。戶。遷。徙。一。空。署。中。僮。僕。紛。紛。告。去。死。守。之。義。不。足。以。責。此。輩。只。得。聽。之。氏。則。倚。劍。與。井。而。已。太。守。明。早。歸。郡。夫。婦。二。人。荷。國。厚。

恩不得藉手以報。徒死。負咎將軍。聞之。能無心惻乎。將軍以浙軍駐玉山。固浙防也。廣信爲玉山屏蔽。賊得廣信。乘勝以抵玉山。孫吳不能爲謀。賁育不能爲守。衢嚴一帶。恐不可問。全廣信。卽以保玉山。不待智者辨之。浙大吏不能以越境咎將軍也。先宮保文忠公奉詔出師中道。齎志。至今以爲心痛。今得死此。爲厲殺賊。在天之靈。實式憑之。鄉間士民。不喻其心。以輿來迎。赴封禁山。避賊指劍與井示之。皆泣而去。太守明晨得餉歸後。當再專牘奉迓。得拔隊確信。當執爨以犒前部。敢對使幾拜。爲七邑生靈請命。昔睢陽嬰城許遠。亦以不朽。太守忠肝鐵石。固將軍所不吝。與同傳者也。否則賀蘭之師。千秋同恨。惟將軍擇利而行之。刺血陳書。願聞明命。

復王霞軒太守書

何 栻

開緘莊誦。松麝猶香。玉屑朝霏。珠光夕瑩。竿牘之妙。乃至於此。栻敝人耳。乃承傾蓋締歡。推襟結契。垂情存念。深似花潭。雖逾分之褒。彌滋顏赭。而倦懷之篤。益激

心丹。伏。譖。春。滿。棠。疆。暉。生。芝。壁。使。星。留。住。登。庾。亮。之。南。樓。今。雨。飛。來。坐。薛。宣。之。東。閣。蓬。萊。嘯。侶。並。關。壺。天。荆。棘。開。荒。頓。成。詩。國。自。非。掌。握。風。雷。胸。羅。日。月。者。何。能。辦。此。所。惜。身。無。羽。翼。流。滯。獅。山。不。能。驚。甫。白。之。筵。問。龔。黃。之。譜。因。風。想。玉。妬。羨。兼。深。棧。更。事。不。多。忤。時。尤。甚。世。法。未。嘗。不。熟。人。情。若。此。其。涼。誠。未。有。如。今。日。大。難。此。鄉。多。厲。者。言。之。聒。耳。默。則。傷。心。刮。目。誰。青。撫。髭。已。白。一。生。知。己。猶。有。低。頭。就。控。之。思。萬。事。輸。人。早。存。披。髮。入。山。之。想。特。不。意。盱。江。葛。水。一。葦。可。杭。乃。至。甘。苦。殊。情。燠。寒。易。候。豈。使。君。之。自。譽。耶。抑。鄙。人。之。昏。懣。耶。但。能。二。月。摒。擋。公。事。自。當。一。踐。椒。塗。再。攀。芝。宇。試。閣。下。之。言。驗。否。耳。

復查翼甫書

張裕釗

承示大著。春秋地理異同釋。粗讀一過。已覺甚精核。體例亦善。足徵好學深思。非世俗之所能及。頃以事當返里門。忽忽不得暇。俟明春來至金陵。容更細加細繹。惟鄙人於地理之學。鄉日不過略涉其藩。恐未能爲足下剖皙幽蹟。決定然疑。或

爲作一序。略道足下纂述之悒。儻尙能爲役乎。足下勤學不倦。爲今世所罕覩。惟學問之道。義理尙已。其次若考據詞章。皆學者所不可不究心。斯二者固相須。爲用。然必以其一者爲主。而專精焉。更取其一。以爲輔。斯乃爲善學者。不然。人生祇此精力。祇此歲年。行歧路者。不至懷二心者。無成。孫卿之言。不易之論也。欲爲古文。則程功致力之始。熟讀深思四字。足以盡之。其所資於考證者。莫要於典禮制。作之原。古今治亂之蹟。更求之蒼雅訓故之書。令文章爾雅。遠於鄙倍而已。其他偏指末學。可一舉而掃除之也。且卽專精考證。亦宜務其正大而深博者。本朝經學。號稱極盛。然其能闡述六經之宏旨。洞明古今之要最。勒成一書。卓然自存於天壤者。僅乃十餘家已耳。自乾嘉以來。家纂一編。人立一說。枝辭碎義。汗牛充棟者。不可勝數。迄今未幾時。其書已若存而若亡。更歷數百年。誠有如歐陽氏所云。散亡磨滅。百不一二存者。竭耳目心思之力。積數十年之勤。所爲者。乃終歸散亡磨滅之書。是亦不可以已乎。知道者。必無惑乎此。

答程曦之書

吳汝綸

承示內意。擬以傳相爲海務大臣。駐紮烟臺。此議未必果行。移節烟臺。不如在津拱衛京輦。果行此議。於聲勢殊無益處。至擬調不佞之說。不過一時戲言。足見相意期待良厚。惟自揣年衰智淺。不堪幕職。所以往歲曾蒙傳相面諭。仍令入幕。力辭不敢。今棲遲此州。意在吏隱。不復挂懷時政。亦無意於升遷。昔王宏中入掌制誥。不欲復治筆硯。願求一道自効。弟素乏吏才。竊得一官。了無自効之處。豈敢謬附昔賢。然其不樂筆硯。則古今適有闇合。凡隨相節者。約有二端。一則志在利達。以幕僚爲借徑。一則自負材智。將欲有爲於時。某自揣性迂才拙。不適世用。州縣之職。已非所堪。雖有志樹立。其所施措。乃無以過於庸人。若令徼倖榮顯。不過一身富厚。愈於今日耳。其聲名績效。無可表見。則寸衷懷辱。不可告人矣。向來不肯競進。尙屬自知之明。少時奮發有爲之妄見。消磨略盡。此其藏拙之意。一也。又久涉世途。知窮達之有命。富貴之不足爲榮。營營者未必得得矣。而所獲不如所亡。

甚。或。年。命。不。延。禍。福。并。域。久。遠。者。不。必。論。自。某。釋。褐。以。後。所。見。此。等。不。下。數。十。百。人。蘇。詩。有。云。深。恐。造。物。怪。多。取。有。味。乎。其。言。之。也。故。某。於。仕。途。不。求。善。地。不。羨。美。仕。等。貴。賤。於。一。量。委。升。沈。於。度。外。其。所。以。貪。戀。微。祿。者。徒。以。眷。累。衆。多。衣。食。無。以。自。給。耳。爲。貧。而。仕。分。應。辭。尊。居。卑。又。况。骨。相。屯。蹇。無。載。福。之。器。性。情。狷。介。無。逢。時。之。術。偷。仕。進。得。志。必。且。不。免。禍。殃。縱。無。遠。識。獨。奈。何。不。知。自。謀。此。其。止。足。之。分。二。也。又。有。大。不。可。者。生。長。山。野。不。喜。與。貴。人。往。來。平。生。游。好。官。至。道。員。以。上。便。絕。迹。不。通。問。訊。於。朝。貴。要。人。尤。多。所。不。可。與。叔。耘。相。處。最。久。叔。耘。則。執。政。公。卿。封。疆。大。吏。交。章。薦。列。僕。所。遇。者。前。惟。曾。文。正。後。惟。傅。相。而。已。假。令。僕。再。入。幕。不。惟。才。力。不。如。叔。耘。卽。後。來。名。位。亦。安。敢。望。叔。耘。哉。自。處。已。審。雖。有。傅。相。檄。召。亦。惟。有。自。守。所。見。自。行。所。志。不。敢。率。爾。奉。令。也。鈴。閣。之。下。英。儁。輻。湊。何。至。強。不。佞。以。所。不。能。傅。相。海。涵。地。負。雖。上。方。成。命。吾。料。其。必。蒙。容。宥。萬。一。談。論。之。餘。再。及。賤。子。務。求。執。事。與。翰。卿。琴。生。諸。公。婉。達。鄙。志。俾。自。遂。其。私。不。勝。屏。營。待。命。之。至。或。謂。海。上。有。警。遷。延。

不赴。是爲避危而就安。避勞而就佚。竊料時局要歸。仍在和議。附託後車。亦無奔命之苦。此固決無危機。亦無勞役。明者皆能知之。無俟僕覲縷也。

答章覲瀛書

吳汝綸

承示左文襄公李方伯元度二文。以二公皆親見靖港之事。所言必翔實。某讀之亦尙有未盡當者。文襄時時欲與文正爭名。李方伯之於文正。蓋不能無稍宿憾。文襄之言曰。靖港守虛寨之賊非多。此妄也。意殆謂文正短於將兵耳。當是時。賊大舉犯湖南。以靖港爲巢穴。支黨分竄寧鄉湘潭。謀夾攻長沙。使靖港爲虛寨。無多人。則賊爲無謀。主帥親率師出全力以爭賊。虛寨則文正爲無謀。此皆必不然之事也。且是役也。水軍敗於風。固不論賊衆寡也。文襄又曰。公卽死。謂盪平東南。無望於繼起乎。是則然矣。凡功名之成否存乎時。規摹之廣狹存乎量。流風漸被之遠近。則存乎學。天祚盛清。賊雖劇必滅。遇當其會。功固必成。乃若兼包羣才。遐邇慕賴。簡拔貽餉。逮及後世。量足容之。學足師之。寥乎邈乎。微文正吾誰適歸乎。

此殆難概望之。繼起矣。凡此皆文襄之言之未當者也。李方伯之言曰。文正既免。猶不食。移居妙高峯。再草遺令。將自裁。會湘潭告捷。乃笑曰。死生蓋有命哉。此決非事實。文正公生平趣舍。一不以利鈍順逆撓心。其治軍不以一勝負爲憂喜。靖港之役。至忿焉。取決於一瞑。固烈丈夫所爲。不欺其意者。業已遇救不死。又聞湘潭捷書。則固將審己度世。不欲爲匹夫之小諒矣。然亦安有方決志自裁。驟聞一捷。遽粲然發笑自慶更生者哉。吾決知是言妄也。文正草遺疏遺令。文襄謂是既敗後在舟時事。李方伯則謂出師瀕行以遺疏遺令相授。是未敗時作。二公皆言一事而杈牙不合如此。以理測之。似文襄是而方伯小失也。

答汪蓮府昆季書

俞樾

青衣鼓瑟之辰。黃海觀雲之地。諸君子擁商陸之火。張博塞之筵。柏葉酒。香梅花。帳煖。樂何如哉。僕自別後。金梯有路。玉札無名。秋駕三年。春婆一夢。蕤蕤病。翻不隨。黃鵠以飛。懵懂頑仙仍跨。赤牛而走。猶憶綠楊隄畔。青豆房中。雨訪蘇端。月尋

裴迪。清談既洽。情話益歡。飯顆山頭。深憐杜甫。桃華潭上。許伴汪倫。徑因求仲。而開醴爲穆生。而設果使秋風。此夕聽鮑龍。跪石以吟。春水明年看墨翟。吹笙而至。豈非緣從人定。願竟天從也哉。無如毀舟爲杙者。故人之情。買釵得楛者。鄙人之命。盼素書而不到。信斷飛奴。坐墨席而難溫。身同蘭子。遂乃擊汰過嚴陵之瀨。呼舟乘胥母之潮。雪影入船。每當月看灘聲。到枕常作風聽。拽筵眠遲。束囊起早。雖疲遠涉。頗愜幽尋。而落日荒荒。方補曆之故宅。寒風策策。謝晞髮之高臺。又何能無老大之悲。天涯之感也。今者勞人草草。彈鋏隨人。君子陽陽。執簞招我。方知諸君子因孟玉而懸榻。爲子義而立竿。置薪井上。以待夷吾。接草道旁。將迎伯玉。僕豈忘宜生之切肺。而爲伯牙之逃聲哉。饑雀逢倉。渴鳥遇水。良亦不能自主耳。浮雲南北。流水東西。團雪散雪之歌。今雨舊雨之感。所望香火之緣。未味烟波之夢。仍通他日。曹阮谿中。一篷撐月。浮邱峯頂。雙屐踏煙。再與諸君子訪翡翠之巖。探芙蓉之嶺。甚未晚也。仙難縮地。佛不唐捐。此日思想。聊劈芟皮而寫。異時話舊。再

揮松柄而談。

賀周仁甫新婚啓

俞樾

玉梅花下。三九之候。初交銀蒜簾前。百兩之迎。俱至聽佩聲而知吉。結鏡鈕以合歡。卽論壺內常情。已極人間豔福。況乃終賈年華。機雲詞藻。何晏神仙之度。翁歸文武之才。開十石弓。手中霹靂。揮五色筆。紙上雲煙。秀氣所鍾。盛名早擅。縱橫才調。呼青兕而無慙。灑落丰神。配彩鸞而不愧。其比肩人。則我同年生鄭吟梅大令之女也。茗水名門。榮陽舊族。詩工詠絮。字學簪花。管夫人雅善填詞。楊妹子兼工讀書。以茲穠豔。儷彼清才。足下赤繩良緣。久締眉間。黃色喜氣。新添從此。梁案雙齊。萊衣竝著。趨庭而受祖硯。命婦留題。隔戶而算姑棋。倩郎記譜。每當金駝酒煖。銅鴨香溫。同挑蠅鼻之燈。對坐蛾眉之月。聞雞起早。射雉歸遲。夫壻英雄。閨門靜好。赤鴛鴦之賦。共羨風華。碧鸛雀之姿。都無塵俗。轉覺獍兒鹵莽。不堪作壻喬家。犬子清狂。未足論婚卓氏矣。僕與聞盛事。忝附神交。借六六之魚。遠傳吉語。願雙

雙之鳥長聽和鳴。此時報我琳琅好。嬉子不妨倒用來。歲叨君湯餅寧馨兒。定是非凡。

與肅毅伯李少荃同年前輩書

俞樾

頃閱邱抄。知承恩命。攝篆兩江。朝廷以節鉞付重臣。東南顧而金湯萬里。幕府以詩書爲韜略。上下江之壁壘一新。不特鍾阜烟雲有資管鑰。抑且珂鄉父老都拜旌麾。逖聽之餘。坎坎起舞矣。樾僑寓津門。又將三戰。今年承崇地山同年。延修天津府志。而苦無經費。未能設局。不過從故書中鈔撮。終朝伏案。勞而無功。因思金陵爲名勝之區。又得閣下主持其間。未識有一席之地。可以位置散材否。近世以浙人而作白下寓公者。惟隨園老人。至今豔稱之。其人品其學術。均非樾所心折。然其數十年山林之福。實爲文人所罕有。而非尹文端爲制府。則亦安能有此耶。樾之薄福。固不敢希冀隨園而閣下勛名。則高出文端萬萬矣。企予之私。率爾布陳。伏惟惠察。

報孫蓮叔書

俞樾

中年多故。來日大難。生憎白眼之人。苦憶黃泉之弟。何言之悲也。君自分金人。猶下石。暮四朝三之術。翻雲覆雨之情。何言之激也。夫憤能忘食。憂可傷人。請獻愚公之一言。以當枚叟之七發。足下家藏陶白之書。世擅程羅之富。雖春光爛漫。已過牡丹而素魄盈虧。何傷明月。門前之客。少亦兩三。席上之錢。儉猶十萬。酌金鑿落。吹玉參差。有名士之風流。無詩人之寒瘦。可樂一也。堂前仙母。長奉桃枝。膝下嬌兒。盡如迦葉。而且劉綱佳偶。共作神仙。高柔賢妻。雅宜愛翫。曲歌子夜。詩仿丁娘。除封臂之紗。從郎學字。把畫眉之筆。代婦鈔詩。此一事之尋常。已三公之不易。可樂二也。竹馬鳩車之歲。便露聰明。肥肉大酒之場。別饒風味。年纔三十。詩已千。秋柳三變。尤善詞章。顧八分兼工篆隸。人推慧業。天付儁才。仙家之酒。逡巡菩薩之輪。如意可樂三也。若夫世態炎涼。人情輕薄。或拒狼而進虎。或養虺而成蛇。則亦學買子之養空。法莊生之齊物。樹上鞦韆之鳥。與之辨論。則已煩水中子。子之

蟲聽其浮沈而自去。何足介懷抱。辱齒牙哉。僕未消平子之四愁。虛擬啟期之三樂。輒奉和原韻六篇。既以廣君。亦藉自遣焉。

與劉二丈書

董兆熊

暮春三月。薜蔚吳門。聽鶯未闌。歌驪忽起。夜窗殘燭。照別袂而不明。細雨孤帆。載離愁而愈重。自丈人之去。吾情之不怡者。蓋數日也。熊與丈人別後。卽爲海上之行。羈遲冷署。暫息勞筋。局縮荒城。聊棲勸翼。長松一樹。借爲孫綽之庭。老柳五株。翻作陶潛之宅。擁書晝誦。葉落打頭。支枕宵眠。濤寒入夢。淒淒對影。蕭蕭守雌。岑寂之況。不待言矣。久蟄思啓。駕言出游。騁步海壖。縱觀埜趣。木棉覆隴。馴雉伏而不飛。香稻連畦。吠蛤鳴而自喜。甲開紅綠。園蔬爲旨。蓄之需子。摘青黃。埜果實。饌糧之代。舞鏡嬉碧。小鳥羣翔。濺雪歡珠。痠蛟獨舞。和農談者。蟲唱稼穡。常勤辨人舍者。鷄聲茅茨。不遠勞人。對此不覺其自笑。而行且自悲也。頻年以來。海長寇氛。軍習水戰。師行草次。邊笳夜奏。入秋風而更高。戍火夕然。帶寒星而競出。神祠肅

肅亦響弓刀。路埃敦敦。時傳燧燧。袁崧防海。草荒晉代之營。羊鷓勤王。潮落梁朝之艦。蒼茫弔古。濩落悲秋。思負羽以從軍。願舉氈而草檄。楊盈川謂百夫之長。勝作書生者不誠有慨乎其言之哉。而乃槃蔬孟飯。清坐瘦行。聽寒雨之宵鳴。看秋河之曙落。鷄生啾耳。酒一斗以自傾。猿哀刺心。淚三升而獨下。丈人謂熊其能堪此否也。所願塵鞅蚤歸。柴荆各返。三家村外。樹枳編籬。獨木橋邊。剪茅蓋屋。社前賽燕。常穿白布長衫。臺畔呼鷹。自縛黃皮短袴。設有以兩瞽相扶。三癡俱走。爲詭者。直等之呼牛應牛。以水投水而已。吾師丈人。其亦有意於此乎。

與諸暨義軍統領包君書

王詒壽

銀旂。鳧舉。捷先。乃決勝之師。牙帳。梟鳴。凶醜。無久。羈之勢。何則。理有順逆。杖順討逆者。功在必成。氣有盛衰。因盛乘衰者。時勿可失。故吳子深。猶豫之戒。太公貴速發之機。韜鈴所存。符節斯合。麾下擅丁甲之奇。抱龍螭之氣。元子紫眼。陳識蟠蛇。黃公赤刀。神能制虎。運雷霆於掌上。珠籙飛靈。藏甲兵於胷中。玉符蘊秘。輟耒乎。

中野倚劍乎。高峰固將以揚聲。洪戈表績。隆碣者也。自粵賊跳梁。三靈震蕩。虔劉徧東西之域。淪胥連吳越之區。彌天毒燄。甚大槍青犢之羣。卷地鮣鱗。盡嚼鐵銜。刀之類豕喙。噓而廬野。罄獠牙磨而血肉。飛鉞旄孺。作笑嬉。驅青影爲奴隸。人遺碎玉鬼妾。充狼頭之娛。尉等摸金。殘魂哭。鱗跳之冢。含齒共憤。踐土同悲。而乃黑山飛燕。偏多助逆之妖。白棒老羆。曾無當道之臥。青壘有壞雲之壓。銅城鮮鐵版之縣。麾下嚼齒雷鳴。投袂鷹獫。獨能以負山之尺土。當倒海之狂氛。練烏合之鄉兵。拒鷓張之劇燄。鼓以忠義。白徒盡是。追鋒運以靈韜。赤手亦能搏賊。賀拔勝臨陳而立色。不改常。畢再遇披髮而來。敵先破膽。縞羽揮而風雲起。朱鳥列而神鬼趨。憑厓立稍磊石。卽夫容之樓。築土爲城。畫地勝蒺藜之鐵。用能斬豪帥以金刀。揚威聲於銀鎧。進一步者死。么麼之血亂飛。在兩山之間。髑髏之臺高峙。此誠豪傑自天。雄略冠世。伊古以來。鮮見其匹者矣。然而隅限之地。可始據。不可終憑也。畝棲之糧。可暫資。不可長恃也。義合之衆。可銳進。不可老守也。及今颺發之氣方

舉電擊之威已行。鴟羣有唳鶴之驚。螳黨鮮困獸之志。加以靡衣媮食之衆。日盼旌旂巖棲海辟之家。爭儲牛酒伏草義士夜枕霜戈看劍才人潛書露布以人心若此以賊勢若彼。麾下誠能揮盾直出。振旅而前。將見天鵝一聲怒笳雷應黑騎始縱壯士雲趨。鏹盜壕於春城。解倒懸於黔庶。亦猶之奔牛觸縞。洪鼎炳蓬耳。越中既定。鼓行而西。連官軍於隔江。謁大帥於節下。蕩穢瑤寓策勛紫廷拜九花之賜。天馬如龍。錫萬戶之封。黃金似斗。豈不盛與。乃若守不動之戒。失可乘之機。賊雖屢衄。其衆尙盛。遲之又久。則秣陵之魁桀。蘇臺之勅渠。一旦呼風大集。合衆力於絳頭。積怒而來。築長圍於犄角。孤村子峙。外援莫來。沙籌空唱。運轉之道難通。銅鼓無聲。荷戈之氣漸餒。戰士有思家之淚。軍中多夜半之驚。人心解矣。強敵乘之。麾下雖勇。讎賁獲略。超孫吳亦何能爲哉。某等忝列衣冠。同懷義憤。陳雲滿眼。望虎步而不前。疾雷乘鋒。識豹韜之可據。敢以鄙誠。達之幕下。伏望慰來蘇之衆。慕卽衷甲以長驅。三軍大呼。一鼓作氣。庶幾黃狐殘火不污清淑之湖。山白馬將。

軍。永誦。焜煌。之。武。烈。臨穎。不勝。翹足。延盼。之。至。

報李恣伯書

王詒壽

春間得手書。風誦三四。如親語笑。伏承東方爲郎。索米不飽。李邕作碑。輦金可致。聚書萬卷。蒔花一廬。佳想安善。箸述鴻富。甚休甚休。足下高才碩學。鳳鳴神都。四方名勝。傾蓋金臺。莫不聞聲輸心。敏廬結好。頗聞談讌。時啟琴觚。斯友朋之樂。尤人生所難。翹望健羨。何能已已。詒壽無狀。久處書局。伏蠹不出。冷螢欲枯。往者書劍初安。良朋羣聚。戴園一樓之上。與譚仲脩。王松谿。施均父。陳藍洲。張子虞。潘儀父。諸君。坐則聯席。寢則對牀。朱墨之暇。相與張陰生之旅鼓。奮君卿之脣舌。聯吟石鼎之句。高歌寶劍之篇。自謂此樂足忘羈旅。不圖數年之中。或發迹青雲。或抗塵黃綬。或橐管莫府。或仗劍戎行。時會驅迫。渙散殆盡。顧景落落。悵然寡歡。會城人海。風尚百變。跳蕩纖子。輕薄少年。競妖服以爲奇。飾黿紫以相炫。離騷未讀。已名士之咸稱。詭癡成符。乃清華之自許。彼固聞道而大笑。我亦敬避之不皇。時或

理。櫟。言。歸。里。門。小。住。吟。社。諸。子。亦。如。星。散。而。生。平。服。膺。若。足。下。者。又。復。一。別。將。十。年。遠。隔。三。千。里。猶。憶。臥。龍。山。麓。錦。鱗。橋。西。與。子。九。文。孺。諸。君。夕。陽。打。槳。訪。君。寓。廬。出。新。詩。於。甕。中。酌。松。醪。於。琴。畔。吟。高。花。落。談。深。燭。寒。往。往。流。連。夜。分。蹋。月。相。送。念。此。情。事。有。同。昨。日。矚。靈。急。轡。感。成。曩。今。卜。鄰。之。約。更。復。何。時。能。遂。詒。壽。今。年。四。十。有。九。矣。出。則。託。命。乎。枯。管。居。則。抱。景。乎。青。氈。夙。願。全。非。清。寒。自。守。惟。此。友。朋。之。樂。爲。生。平。所。偏。嗜。亦。若。有。妒。之。者。使。之。杳。不。可。得。將。復。爲。之。奈。何。哉。年。來。家。況。之。窘。幾。於。錐。地。俱。無。兒。子。緯。歲。將。近。壯。尙。未。能。青。一。衿。所。幸。安。貧。志。潔。能。守。素。風。擁。淵。明。之。絮。我。本。無。慙。爲。孺。仲。之。兒。彼。亦。無。忝。長。女。綺。早。適。胡。氏。女。婿。梅。臣。食。餼。於。庠。頗。具。俊。才。科。名。蹭。蹬。乃。成。冰。玉。綺。女。向。嘗。以。詩。執。業。於。足。下。足。下。曾。以。三。絕。句。題。其。藁。所。謂。玉。臺。詩。格。傳。嬌。女。解。道。花。隨。燕。過。牆。及。桃。花。燕。子。年。年。事。長。記。題。詩。玉。帶。橋。至。今。錦。瑟。嬌。兒。角。丫。小。女。皆。呶。嚶。作。歌。曲。唱。也。足。下。聞。之。亦。爲。之。一。解。頤。否。今。冬。尙。須。遣。嫁。次。女。行。有。日。矣。蕭。然。無。辦。張。赤。手。擎。空。拳。正。不。知。計。將。安。出。耳。

答南社諸子書

王詒壽

竊嘗周數名勝。屈指近代。清容振麗於西江。質園騰藻於東浙。龔生虎嘯於吳越。郭子鸞翔於湖海。百年之中。代興作者。當世閎達。亦豈無人。然而弋浮譽。張詭詞。振翅竄雉之林。爭長夏蟲之族。其人有四。可得而言。挾卷朱門。投謁華屋。夸靡七字。諧律千篇。頻歲懷人。影纓金絨之姓。氏累牘公餞。河梁落日之藻。詞取資結納。無求精思。此一類也。妖態百端。意存駭俗。襍績怪險。則狐穴取材。文飾淺陋。則鳥篆盈簡。銑谿虬戶。易貌而逞奇。桂餌翠綸。強澤而無當。此又一類也。伏首程格之內。茹氣蠹腐之中。倖獵聲華。自恥謏陋。竊躡爪於芬苑。攫牛耳於騷壇。四聲僅解。乃效玉谿之獺。祭六合未賦。已同劉晝之駝。伏此又一類也。本無實詣。好爲大言。桂林湘水。笑平子爲無奇。箜篌白馬。以陳思爲可奪。塗澤古貌。詆媿作者。山膏善罵。麒麟成援。此又一類也。夫正始之義。匪可淺言。風雅所趨。奚云小道。僕嘗綜其源流。尋其窳宦。竊以爲華嚴之喻。難云妙悟。蜂鶴之禁。亦屬外篇。斲梓染絲。學在

始化宏誦載籍以充其氣審別俳僞以正其趨氣充斯厚趨正斯雅然後調飛沈之韻極情采之變用能流響中韶造端成化千狀萬態爐冶在我是故宵魚秋磬之奏豐黛盛鬢之容輟靈驅海之勢湍寒石瘦之致或擅專門自成孤詣以論大家終譏單步矧彼荒鄙尙復何語半生矻矻所見如是非好高論故肆譏評觸敏磬抱不容隱耳僕虞父憂多江淹才盡諸君子抱冰玉之質極討論之精所願衷雅厚以立詞協聲情以振采毋惑乎俗尙毋拘乎漢唐他日積元圃之夜光樹赤幟而成隊雄鳳吐晠鶉吭自暗燭龍攄輝螢熠俱熄甚盛事也

徵刻江蘇先哲遺書啓

黃體芳

江蘇行省西阻潁景東薄海隅北極徐方南駢於越語其廣莫則劣及千里遠謝西漢揚州一部之雄開其狃榛則肇自季商非有宗周豐鎬兩京之盛而大吳巨麗窮贊歎於太冲文辭並美極揄揚於班固是知端委揖讓俶始於文身胡輦菁華拓基於言氏矣國家道光六合祥被九野士握璣錦人擅鸞龍此邦人文尤最

魁異。崑山顧氏卓爾通儒。嘉定之錢大成遺集。南黃東惠。史學更昌。後段前張。並
通往故。最擅文筆。則汪暉洪孫。旁及算章。則王羅阮薛。儒林道學。陋宋氏之分途。
封禪辟雍。待儒人之翹首。夫其古訓。是式觴源於爾雅之篇。山川可圖。毫采於職
方之志。出高文之顰。悅壯海逢天。定日。至於句。弦。哨。壺。圍。逕。蓋。開。國。和。甘。之。氣。醞
釀。篤於中區。盛時禮樂之光。爛燭凝於斗次。粵寇之變。中原波蕩。棄先聖之籍。焚
百家之說。鄒魯之國。幾無大師。河洛之間。不聞謳誦。淮王枕中之秘。或闖委於泥
沙。杜林挾持之編。幾湮。蠹於瓴。甕。且夫前賢用力如彼。其勤勤者也。乃至飄零散
亡。不可言說。尊學方聞之士。何其望昔。悼痛者歟。天子中興。民物奠麗。靜川瀆於
既漏。補穹圖於方折。復置鈔書之吏。用廣獻書之路。於是書乃稍稍出焉。炳爾大
區。未聞。匆。輯。廢。而。不。舉。後。嗣。何。觀。遐。想。寂。寥。以。爲。太。息。庸。告。學。人。逮。茲。庶。士。其。有
遺經獨抱。盛業待傳。孔壁未毀之簡。禮堂寫定之本。濟南書傳。乏晁錯之授經。彭
城魯詩。鮮玄成之續緒。形法之略。獨造精微。諜歷之錄。世譏破碎。奏凌雲之賦。楊

意未逢。謳汝穎之歌。相如入室。或藏。或棄。殊於。瑀璧。或淪。隊幾。於邱墳。幸值。右文。之。年。無取。私家。之祕。使者。軒輶。載次。深懼。尠聞。甄錄。之暇。旁諏。故老。願求。墜藁。刊布。當時。至若。書罕。複藏。言資。丐後。河間。之得。善本。好寫。必還。其真。子駿。之移。太常。逸禮。當請。置立。匪惟。使者。之責。抑亦。都士。所欣。者乎。

上當道論時務書

王 韜

當今天下紛然。競尙洋務矣。豈不以洋務卽時務哉。言兵事者則曰鎗礮之精也。船艦之堅也。軍法之嚴肅也。營制之整齊也。邊備之周也。海防之固也。無一非推西人爲巨擘。一若自西人外。無可與談兵者矣。言藝術者則曰輿圖之精覈也。象緯之深明也。造器制物之奇巧也。機器之妙。以水火二氣之力。代人工也。一切織紵冶造。無不胥賴乎是。一若事半功倍。舍此無能駕乎其。上。而此外更不足與言制器者矣。其談富國之效者。則曰開鑛也。鑄幣也。因土之宜。盡地之利。一若裕民而足國。非此不可。至於學問一端。亦以西人爲尙。化學光學。重學醫學。植物之學。

皆有專門名家。辨析毫芒。幾若非此。不足以言學。而凡一切文字詞章。無不可悉廢者。夫自東西通商以來。留心時務者。固宜師其所長。而攻其所短。明其情。僞。覽其形勢。悉其民風俗。尙知其山川物產。而於其古今來之盛衰。強弱。沿革。升降。探其源而泝其流。然後我可以蹈瑕伺隙。以制之。此之謂長於時務者。駕馭之道。不外乎是。而修睦之要。亦在於斯。顧未有舍己以從人者也。今日時務之急。莫大乎收拾民心。蓋民可順而不可逆。民可足而不可匱。民可靜而不可動。其外靡然嚮。然而實則無所有者。能爲民禍而不能爲民福。能爲民害而不能爲民利。治民之本。當知盡其在我者而已。西學西法。非不可用。但當與我相輔而行之可已。書有之曰。民惟邦本。本固邦寧。故治民本也。倣西法其末也。西國之所以講強兵富國者。率以尙器爲先。惟是用器者。人也有器而無人。器亦虛設耳。孟子言以仁政治民之效。曰可使制梃。此非迂談也。蓋民忠義激發之氣。實有百折而不回者。人心之機器。速於影響。一國之鑢錘。捷於桴鼓。是在爲上者善用之耳。

答友人書

曾紀澤

承詢近日洋務雲南一案。漸有端倪。英國公使威妥瑪在京師。斷斷相爭。百方恫喝。固已變詐多端矣。然以中外全力。勉與枝梧。猶可以蔽厥事。不佞所總。總過慮者。滇事雖歲而四方之釁。正未艾也。方今俄人西踞伊犁。東割黑龍江以北。包絡外盟蒙古興安嶺。綿亘二萬里。周匝三垂。蓄銳觀釁。法人蠶食越南。取其東京。以爲外府。撤我滇粵之藩籬。英人由印度規緬甸。盡削其濱海膏腴地。以闕我雲南西鄙。日本雖自臺灣旋師。而睨隙思逞。今又有事朝鮮矣。朝鮮固中國之外蔽也。夫以我疆圉如是之廣。而四面與寇鄰。譬諸厝火積薪。凜然不可終日。烏虜中國不圖自強。何以善其後。夫今日中國之政事。非成例不能行也。人才非資格不能進也。士大夫方敝敝焉。爲無益之學。以耗其日力。所習非所用。所用非所習。一聞非常之議。則羣注賊以爲狂。拘攣粉飾。靡有所屈。而彼諸國則法簡令嚴。其決機趨事如鷺鳥之發。如是而外國日強。中國日弱。非偶然也。皆其所自爲也。今雖賢王

勛臣內外夾輔。僅能補苴。撐持。一二十年後。吾輩恐未得高枕而臥也。來書又謂。今之自強。不過摹仿他人之強。與自字義相反。允矣。然使因惡他人之強。而遂不願自強。此又因噎廢食。諱疾忌醫之見也。今有數人。並駕於通衢。一人行百里。未息。一人望塵。追逐。僅至乎中道。一人甚他之。我先不屑碌碌。隨人。後終不離故處。一步。夫其僅至乎中道者。誠宜以不能爭先爲恥。然猶愈於跬步未移。而自以爲高者也。開闢之初。人與萬物偕生。所需於世者蓋寡。其後不能無以自養。不能不相往來。卽不能無爭鬪。聖人者出。於是有耒耜之教。有舟楫之利。有弧矢之威。迄於今造化之機日洩。而泰西諸國之人。研之愈精。於是有農織之機器。有火輪之舟車。有銅鐵之槍礮。時勢之相推移。雖聖人莫之能違。夫今之不能不用機器。輪船。槍礮。猶神農氏之不能不制耒耜。黃帝氏之不能不作舟楫。弧矢也。謂神農黃帝於耒耜。舟楫。弧矢之外。無治天下之要道。則不可。必謂併耒耜。舟楫。弧矢而廢之。則惑矣。嘗謂中國人民物產風俗。甲於地球。諸國若能發憤自強。原可操鞭笞。

八荒之具。弊在不能刪成例。以修政。破資格。以求才士大夫。不肯捐除。故見務爲有用之學。其聰明才傑之士。又往往諱言洋務。僅使一二當事者。區區於輪船。槍礮。慕效西人。此猶見人之行百里而勞。神憊形以隨之。不能具輕車購駿馬。以騁長途。而遐矚千里也。大抵天道數百年小變。數千年大變。自堯舜至今。世益遠。變益甚。吾輩讀書致用。不可復爲一成說所拘。如能會通其理。則幾矣。足下開敏善悟。嚮不錮於俗學者。故略抒所懷。以相質證。如有所見。幸以教我。

在倫敦致丁雨生中丞書

曾紀澤

日本垂涎臺灣。果從琉球入手。公之言中。天下之不幸也。猶冀廊廟之上。及早籌之。無令彼族狡計。遂得盡逞。所謂亡羊補牢。尙不爲遲。吾華清流士大夫。高論唐虞。商周。糟粕之遺。而忽肘腋腹心之患。究其弊。不獨無益。實足貽誤。事機挫壯。健之軀。以成羸。冠之疾。此其咎不全在讀書。酸子亦當事者。憚於締構。怯於肩任。有以釀之。紀澤自履歐洲。目覩遠人政教之有緒。富強之有本。豔羨之極。憤懣隨之。

然引商刻羽。雜以流徵。屬而和者。幾人。祇能向深山窮谷中。一唱三歎焉耳。連旬心緒尤惡。緣正月二十三日。得譯署電報。謂崇地山所訂約章。中外臣工。並謂窒礙難行。派紀澤使俄。再行商議。夫全權大臣。與一國帝王面訂之件。忽欲翻異。施之至弱極小之邦。然且未肯帖然順從。況以俄之强大。理所不能折勢。所不能誦者乎。刻下函牘未至。不知其詳。不審所任之事。是否猶可措手。紀澤所懼者。入其境。而見輕直無術。以自列於公使之班。無論商議事件之齟齬也。總署有總署意見。京官有京官意見。左帥有左帥意見。俄人有俄人意見。紀澤縱有畫策於無可著棋之局。覓一切路。其奈意見紛歧。道旁築室。助我者鮮。而促毀者多。蓋不蹈地山覆轍不止也。地山因太怯弱。又牽於私家之事。回華太急。近於專擅。與言路以口實。然全權大臣處事。一有不當。卽重譴醜詆。無所不至。嗣後使臣在外者。更何能開口議事。此亦言事者祇觀一面。不顧後難之過也。紀澤有兩事。與時賢所論相反者。或論重懲使臣。所以明告俄人。以使者之所訂。非華人之本意。則改之較

易。愚。見。則。以。爲。懲。使。愈。重。則。辱。俄。愈。甚。改。約。愈。難。將。有。求。而。故。激。怒。之。所。求。其。能。獲。耶。或。論。俄。多。內。亂。其。君。臣。不。暇。與。我。爲。難。愚。見。則。以。爲。俄。之。內。亂。緣。地。瘠。民。貧。無。業。之。民。衆。多。也。俄。之。君。臣。常。喜。邊。陲。有。事。藉。征。戰。之。役。以。消。納。思。亂。之。民。左。相。以。前。事。得。手。遂。欲。輕。爲。戎。首。蓋。亦。一。隅。之。見。未。嘗。統。籌。全。局。耳。總。之。毀。約。亦。非。譯。署。本。意。特。爲。言。路。所。迫。而。紀。澤。適。承。其。累。耳。

代李伯相答彭孝廉書

曾紀澤

烟臺一役。議結滇案。暫以釋外憾而戢戎心。然此事錯誤在前。鄙人勉強了結。殊未慊心。過蒙揄獎。祇增慙慙。來書援引古今。推究形勢。謂中國之洪荒。以聖人制度文物闢之。外國之洪荒。以火輪舟車機器電報之類闢之。崇論宏議。於中外大局洞若觀火。足破拘墟之見。嘗謂自有天地以來。所以彌綸於不敝者。道與器二者而已。開闢之初。生民渾噩。所需於世者。蓋寡。其後不能無以自養。不能不相往來。卽不能無所爭鬪。聖人者起。於是有耒耜之教。有舟楫之利。有弧矢之威。其風

氣所趨。不能不然者。道也。而道之所寓者。器也。數千年來。土宇日闢。智巧日生。吳楚秦越。昔之所稱戎蠻者。今皆爲中原腹地。匈奴突厥。昔之常作邊患者。今卽是蒙古外藩。而天復使泰西諸國。研精器以通我中華。於是。有農織之機器。有火輪之舟車。有銅鐵之槍礮。蓋中國所尙者。道爲重。而西人所精者。器爲多。然道之中。未嘗無器。器之至者。亦通乎道。設令炎帝軒轅復生乎今世。其不能不從事於舟車槍礮機器者。亦自然之勢也。今之議者。動引古聖。啜糟粕而去精華。務空談而忘實踐。失之彌遠。欲求馭外之術。惟有力圖自治。修明前聖制度。不使有名無實。而於外人所長。亦勿設藩籬以自隘。斯乃道器兼備。不難合四海爲一家。蓋中國人民之衆。物產之豐。才力聰明。禮義綱常之盛。甲於地球。諸國旣爲天地精靈所聚。則諸國之絡繹而來合者。亦理之固然。來書謂世界日闢。其機自外國動之。其局當自中土結之。實爲遠識。至論其效。卽不在今日。亦當見諸千百年後也。

上李伯相論畿南水患書

王炳燮

永定河僅恃隄工。久失疏濬。以至受病日深。河身高仰。非得實心任事熟悉河務之人。精詳測視。澈底施工。誠不足爲一勞永逸之計。然畿南水患。不徒在永定一河也。蓋水之爲物。必有所蓄洩。斯不患其漲溢。假使各處淀澱。一一深通。各州縣多有溝渠。雖遇暴雨。下游不及宣洩。而水有所容。亦不至泛濫爲害。縱泛濫。亦不至害若今之甚也。昔陸清獻宰靈壽。多開溝渠。人非議之。後值水發。獨不爲災。是其已事。某向曾經過西淀。見淀水淤淺。多有占種芰蘆芋栗等物。居民無知貪利。致沙停水淺。灘漲日多。恐各淀亦皆不免。同此情形。似宜俟水勢退落。周視各淀。擇其淤淺尤關緊要處。所大加疏濬。以工代賑。目前救活饑民。無算。而日後庶免墊溢之災。當今要務。似無逾此。至各州縣離淀澱較遠之區。亦宜及時多開溝渠。設立涵洞。平時蓄水以資灌溉。水多開放。有所宣洩。民間耕種不至全恃天時。所謂收水之利。卽可以免水之害。亦在人實力以行之耳。

與袁爽秋書

王仁堪

兩載潤州。若歷危坂。怔營汗栗。僅免蹉跌。周稱逾量。益增愧悚。比年江海口岸。事多據疾。固由彼族侈誕。亦廉使之望不足。以鎮攝之繡衣蒞止。使鳥獸之氓一瞻。儒臣敷布。意必有斂襟起敬者。新猷允升。延跂无極。仁堪學治。未嫻移換。首郡罷一切齋薰。諷使充知客。和不識真際。益趨執惱。墮落可懼。惟是南遷以還。風物清美。老母迎養。慈體加飶。是可以持慰有道。舍弟有九月到蘇之說。尙未甚決。仲弢子培諸君。音問闊絕。比得雲門書。以詩屬和。仁堪才力竭蹶。頓乏清興。是可愧耳。節盒太史。近自鄂歸。意將結屋匡廬。無負郭之田。高隱亦正不易也。

復嶽麓書院主講王益吾祭酒書

陳寶箴

手示敬悉。論議往還。彼此皆持之有故。而言之成理。公之不袒書院諸生。弟所深悉。弟之不袒學堂。獨不蒙見諒。則弟平日素行不足見信於君子。非目前之咎也。雖然。國家事勢至此。我輩尙以口舌微嫌。斷斷不已耶。鹽道另函。想仍辭館。前說湘中物望在公。弟亦忝長羣僚。公如朝辭嶽麓。弟亦夕去湖湘矣。請釋戈解甲。容

再負荊何如

復南海康主政書

經元善

既望接奉賜函。敬悉。去冬兩次辱承顧談。始知強學會事。吾公孤立。岌岌可危。弟又久病。如將熄殘燈。不克相助爲理。故函復台端。有宜速招汪穰卿來滬夾輔之語。弟一面據實稟辭南皮。冀或垂念。准待鶴卿諸君勸襄。不致功敗垂成。今聞爲言路所劾。此雖關乎氣數。然細思之。亦由吾公未能應天以實。感召麻祥所致。弟初讀長興學記及僞經考諸書。深佩足下之學。去冬忽承南皮先生作介。幸接光儀。良用欣慕。惟採諸輿論。清濁兩途。皆有大不滿意於吾公之處。靜觀默察。方知吾公尙少閱歷。且於謙恕愼三字。未能真切體驗。躬行又不免偏重好名。夫名乃造物最忌。鬼神害盈。宜乎觸處皆生荆棘也。亟須內省。自訟不必尤人文。中子曰。止謗莫如自修。尙希闡然日彰。卒光吾道。敷天事業。定於此日矣。弟本寡學。近且病廢。百事不能與聞。撥款一節。已由敝局同人代擬電稟。旋奉南皮復電。均錄呈

鑒。

與譚仲修書

張蔭桓

蔭桓負乘叢咎。忽焉遠役。浮槎一星。拭玉三國。昏旦殊暑。曙鷄宛如山川。繇邈候雁。蓋寡繁卉。晡媚祇益離緒。金奏地懸。雅乏闈解。盤敦磬折。有垂繒之客。樓閣高疊。縋飛梯以升初筵。冰酪四序。一致祆祠。鐘磬七日。輒喧田居。樸茂猗歟。創國之彥。水木明瑟。惠沾傷病之卒。冬春而後。茶話紛。還晝夜兼。卜車轄爲茶。戶外積雪。重裘不溫。入室燥蒸。單衣猶汗。援琴跳歌。尙著疾徐之節。憑几飲餞。無辟授受之禮。彼都勳閥。咸樂車公。絕域侏儻。亦有師曠。張廬之職。義惟輯睦。納履引避。轉形闊疏。役形酬酢。幸釋賓帶。孤撐拮据。竟類鹽坂。重以僑氓垂卅萬。傭食徧八城。執業皆賤。困於禪蝨。思痛無志。漑甚釜魚。風楫始泊。烟炤方息。撫焦頭爛額之衆。當文身白趾之俗。征車信宿。幾罹費禱之刺。王屋覃邃。無礙陸生之談。文檄紛投。辨析交瘁。償我繒幣。了茲膠葛。重修邦交。聊慰羈旅。節旄初霜。患蠲慮表。載書別署。

理與勢均。花旗事定。乘風西笑。空波萬里。壯海逢天。水程七日。卽達所屆。攬倫敦
巴黎之墟。稅日斯巴彌之駕。游傳所經。窮極侈靡。耳目能及。時或記載。英以蠶食
爲雄。法有彼黍之跡。千變萬態。固非尺牘所能盡也。逾夏徂秋。瞬三萬里。塵鞅薄
解。愉恍無俚。七月七日。得四月朔日書。兼贖大集。不圖異域。光墜瓌寶。譬之行啜
倏。憇嘉蔭。沈博絕麗。緯於嫋嫋之都。纏綿悱惻。如覲皖公之座。復紉布諾。克鐫謝
箋。等大鈞之鑄物。推雅惠於亡友。高詣古懽。世難其兩。思葛樅陽。已傷寡和。無情
江水。橫被牽綴。鍛翮重創。望莫愁而理棹。敝筓奚發。勞葭蕩之鳴桴。腐鼠鷓雛。豈
然。曰。嚇螳螂。黃雀曾不一悟。旣落井而投石。猥浮湘而射影。憬然前塵。甚難索解。
竊謂鹹酸殊耆。無逾呂蒙之城。涼薄可哀。共慨謝公之宅。先生當羣疑衆謗之會。
堅久要不忘之志。極諸海外。毅然石交。空山之鐘。異地能應。德水爲鏡。屢照不疲。
懿維根核。道義夫豈勳績。翰墨已乎。蔭桓叨筮。皇華漸迫。年矢實尠。寸效猥蒙。三
遷。再聞禮樂。式增掌故。方懼選玷壬人。乃復箴告執皂。劣被殊擢。輒深悚惕。定遠

往矣。甘陳寂然將軍三組之華典屬一氈之守揆之時地未可強同卽尋源泛斗求藥挈家亦祇虛語神仙近循河朔方今版圖大拓舟車遐通一介載馳皆似功所未闢萬流仰鏡展王會之新圖邊防固亙古所無單使亦昔人所罕越國勤遠張弛且難受任既專奔走匪報思竭駑鈍考其本末不憚蕪雜期備芻蕘此中措置睽睽一新要其旨歸胎息算術極之水陸飄輪耕稼織紵本周髀宣夜之說創陰天紂絕之奇徵以故籍略近墨子至於五兵巧酷火器猛迅此則蚩尤之所卻步祝融之所駭視也習霸鬪力盛衰以時若夫彝憲之昭垂政教之齊一倫序之有秩什一之薄征固非他族所能夢見若但震懾豪華不復默衡得失幾何不虛談色變削趾就屨哉然使等之自鄙否或相忍爲魯抑又非也勝國以前海道仍窒禦侮於陸隱恃長城故晉宋偏安懸命天塹南北分鼎旋瀉河洛今則巨浸重險計日可達陽侯讓武支祈戢怪機械所兆易緯闢如備禦之策前史不著璞箋象注荒遠何指島夷索虜輿趾並異媢書足帛和親帝姪求之於古儀豪失牆矧

復海門無阻。匪重閉之能勇。郊壘遙峙。每望若而興歎。前代羈縻。或傷豢獸。孟氏制梃。徒存厥旨。誠既往之難逮。猶將來之可追。承聞海軍建纛。控制南北。顧眇生風。暗鳴激電。嘉吳漢爲敵國。敕楊僕於蘭池。戎容肅於浴鍊。樓櫓足以射蛟。智囊宏遠。將徵奇肱之衣。鳴磬屏營。或見藻兼之叟。然望氣者知聲明。文物之區。振干羽。兩階之緒。未嘗不收視。返聽臨流。卻步也。特是強與富期。義不兩析。曩者絲枲之美。茗薺之微。獨擅中土。旁及五洲。互市取盈。瀕海藏富。近則日本。印度。佛蘭西。竝有所產。起而方駕。龍團之種。已分鸞粟之漿。靡竭桑孔。復生亦難操贏者也。奉使以來。音問闊絕。間從邸抄。薄觀厓略。探丸禁暴。芟孽旋萌。散卒惰民。隨地密結。宿莽未盡。銀刀失馭。左眇輿區。繹騷可虞。語曰。六經之治。貴於未然。兵家之勝。貴於未戰。惟先生可共語耳。蔭桓憂患餘生。凡百無補。塊然異國。坐虛漢臘。狎乎非類。且乏談客。略可怡悅。惟有蠹紙。山海跋涉。三篋安擁。齒髮搖落。雙瞳已昏。望蒲柳於將秋。撫桑蓬而增慨。結璘穆穆。依稀庾樓。墜羽跼跼。踟躕一室。發言無所與。

陳聞義無所與闡。屈竿之境。殆復過之。遠辱明教。聊摠積愆。受代尙餘兩年。後會期諸江上。艤舟亭壖。勞遲久矣。間有雜著。行當就正。其他瑣屑。別紙具啓。

寄陳鏡蓉書

吳存義

執別雉皋。倏更涼燠。折疏麻而念遠。蹋落葉而驚寒。飢渴之思。不知一寸。輓轡六時。幾轉也。存義自迴驥渚。息影湫隘。藤蘿帶月。望美人兮。未來。瓴甌橫琴。叩宮絃而不暖。懷人感事。悵也何如。暮春三月。言念如昨。當夫推襟送抱。狎鷺尋鷗。掉一葉之舫。就五花之館。門前楊柳。溝水東西。座上蒲萄。酒軍南北。坐文若於吟膝。拉士龍於西頭。銅斗拍而歌聲凝。玉繩低而醉影亂。乃復下君家之故榻。呼客周璆。出匣底之零縑。屬詞季子。詩人苔碣。泣卷裏之銅駝。活水春波。想愁邊之歌扇。旅懷已暢。吟緒不生。曠賞未畢。歸棹易舉。才幾羅預。又條辭春冶。草換秋萋矣。黃花笑晚。白雲來遲。昔一日而幾煩。今三秋兮不見。薜蘿在眼。鴻雁關心。先生亦曾於酒壘。詩城之際。眼花耳熱之時。念及秋士胸中。故人江上乎。臨風翹佇。不盡所云。

致陸存齋書

張度

相別二十餘年。亟思把晤。今春歸里。得挹芝芬。知先生之清矯猶昔。悠悠之口。詎足信哉。登清閼之閣。遊鷗波之園。商周彝鼎。唐宋圖書。得使故人盤桓。其間而先生復虛懷採納。不以度之品評爲狂妄。處今之世。獲古之交。碌碌風塵。海內得有幾人。送別登舟。不辭厚驢。度頗以修絜自守。亦以先生之知己。不敢爲矯情之過舉也。扁舟月夜。一往深情。桃潭千尺。正不足譽此思懷矣。二月初海輪北上。十日。至都。半歲之遊。時局頓異。所謂金鏡雲蒙。妍媸莫辨。士多儉薄之風。民無蓋藏之蓄。羽林之弱。帑項之窮。計臣之欺。錢法之壞。有一於此。正氣不充。况外侮之日深乎。今而知先生之高蹈。見解爲不可及。度非不欲席卷歸鄉。薄資所累。銷售無人。斷不能學雲林生之子。身短棹。寄食江湖也。奈何奈何。

答康長素第三書

朱一新

貴門人復洪給事說一通。讀訖敬繳。秦政焚書。千載唾罵。賢師弟獨力爲昭雪。何

幸得此知己耶。雖然足下不鄙僕之庸愚。虛懷下逮。僕敢不以正對。自頃道術衰息。邪說朋興。聖學既微。異教遂乘閒而入。氣機之感召。固有由來。憂世者亟當明理義以正人心。豈可倡爲奇邪。啟後生以毀經之漸。樂經先亡。已無如何。幸而存者。僅有此數。自僞古文之說興。其毒中於人心。人心。中。有。一。六。經。不。可。盡。信。之。意。好奇而寡識者。遂欲黜古文而專立今文。夫人心何厭之有。六經更二千年。忽以古文爲不可信。更歷千百年。又能必今文之可信耶。欲加之罪。何患無辭。秦政卽未焚書。能焚書者。豈獨秦政。此勢所必至之事。他日自有仇視聖教者。爲之吾輩讀聖賢書。何忍甘爲戎首。東坡謂其父殺人。其子行劫。不可不加之意也。近世言尙書者。坐梅賾以僞造古文之罪。既知其不足以與此。乃進而坐諸皇甫謐。既又知其不足與此。乃進而坐諸王肅。肅遂足以與此。哉。治經所以明理。莫須有三字。固不可以定爰書。卽使爰書確鑿。亦不過爭今古文之眞僞已耳。曾何益於義理。近儒謂古文雖僞。而作僞者皆有來歷。其書仍不可廢。然則枉費筆墨。何爲乎此。

事本兩言可決。而諸老先生曉曉不已。僕方怪許子之不憚煩。乃足下知僞尙書之說。數見不鮮。無以鼓動一世。遂推而遍及於六經。嘻。其甚已。足下謂今文之與今文。古文之與古文。同條共貫。因疑古文爲劉歆所僞造。夫古文東漢始行。本皆孔氏一家之說。豈有不同條共貫之理。若今文固不盡同。西漢立十四博士。正以其說之有歧互也。立魯詩。復立齊韓。立歐陽尙書。復立大小夏侯。一師之所傳。且如此。況今古文之學。豈能盡同。今文家言。傳者無多。其僅存者。乃始覺其同條共貫耳。豈西漢諸儒之說。果如斯而已乎。西漢之有家法。以經始萌芽。師讀各異。至東漢而集長舍短。家法遂亡。由分而合。勢蓋不能不如此。儒者治經。但當問義理之孰優。何暇問今古文之殊別。近儒別今古文。特欲明漢人專家之學。非以古文爲不可從。必澌滅之。而後快也。古文果不可從。馬鄭曷爲從之。馬鄭而愚者則可。苟非甚愚。豈其一無所知。甘受愚而不悟。劉歆之才識。視馬鄭等耳。足下何視歆過重。至使與尼山抗席。視馬鄭過輕。乃村夫子之不若乎。且足下不用史記。則已。

用史記而忽引之爲證。忽斥之爲僞。意爲進退。初無確據。是則足下之史記。而非古來相傳之史記矣。凡古今學術。偏駁者。莫不持之。有故言之。成理。不然。聰明之士。安肯沈溺乎其中。愈聰明。則愈沈溺。差之毫釐。謬以千里。故君子慎微。夫學術在平淡。不在新奇。宋儒之所以不可及者。以其平淡也。世之才士。莫不喜新奇。而厭平淡。導之者。復不以平淡。而以新奇。學術一差。殺人如草。古來治日少。而亂日多。率由於此。世亟需才。才者有幾。幸而得之。乃不範諸準繩。規矩之中。以儲斯世之用。而徒導以浮夸。竊恐詆訐古人之不已。進而疑經。疑經之不已。進而疑聖。至於疑聖。則其效可睹矣。勢有相因。事有必至。明隆萬之已事。可爲寒心。夫今之學者。義利之不明。廉隅之不立。身心之不治。時務之不知。聰穎者。以放言高論爲事。謂宋明無讀書之人。卑陋者。以趨時速化爲工。謂富強有立致之術。人心日僞。士習日囂。是則可憂耳。不此之憂。而憂古今文之。不辨。吾未聞東漢興古文以來。世遂有亂而無治也。夫學以匡時爲急。以立志爲先。四郊多壘。而不思臥薪嘗膽。以

雪國恥者。卿大夫之辱也。邪說誣民而不思正誼。明道以挽頹俗者。士君子之辱也。古之儒者。非有意於著書。其或著書。則凡有關乎學術之邪正。人心之厚薄。世運之盛衰。乃不得不辨別之。以端後生之趨向。若二千年羣焉相安之事。忽欲紛更。明學術而學術轉歧。正人心而人心轉惑。無事自擾。誠何樂而取於斯。充足下之意。欲廢毛詩。然毛詩廢矣。魯韓之簡編殘佚。可使學者誦習乎。欲廢左傳。然左傳廢矣。公穀之事實不詳。可使學者懸揣乎。足下之說。果行其利。亦不過如斯。若不可行。又何爲俛焉。日有孳孳。費精神於無益之地乎。伊古以來。未有不範諸準繩。規矩之中。而能陶冶人才。振肅風氣者。足下之高明。其遂無意於斯乎。極知言之僭越。然過承知愛。不敢不貢其愚。若其言之有關考訂者。前書已略陳之。無煩贅及。信而好古。多聞闕疑。僕雖不敏。亦嘗受孔子戒矣。敬以持贈。何如。

復康太學書

簡朝亮

郵示新學僞經考。少閒閱之。既僕竊以爲足下過矣。足下言漢之古文皆僞也。僞

之者。劉歆也。歆承父校書。得新莽而其僞行也。二千年來莫察之矣。烏乎。何其言之過也。夫詩序有傳者之失。書序不可信。禮記雜出漢人。明堂位尤妄。月令呂氏所脩。易說卦雜卦序卦。後出可疑。左傳惑於邪說。昔人察之至詳也。特不皆以罪賊歆耳。乾隆之初。館臣之辨周官曰。周官有歆僞竄者。故史稱歆頌莽之功曰。發得周禮以明因監。公孫祿數歆之罪曰。顛倒五經。使學士疑惑。辨而察之。若此。賊歆之罪。既已白於天下矣。秦燔天下之書。其職於博士者不焚。足下言博士之書。蕭何所收者是也。六經無亡闕也。烏乎。何其言之過也。史記曰。沛公至咸陽。諸將皆爭走金帛財物之府分之。何獨先入收秦丞相御史律令圖書藏之。項王與諸侯屠燒咸陽而去。漢王所以具知天下阨險。戶口多少。疆弱之處。民所疾苦者。以何具得秦圖書也。然則何所收者。版圖之書也。故史遷序於律令之下也。當此之時。丞相府中必有博士之書。何實刀筆吏。不知收之。昔人所以痛恨於咸陽一炬也。禮十七篇。亡者不知凡幾。公食大夫禮曰。設洗如饗。若其不亡。饗禮今安在也。

足下言伏生無藏書。以伏生爲博士。所不禁也。然伏生知秦亂。將棄官流亡。欲挾書而走。不猶恐干禁乎。史記曰。秦時燔書。伏生壁藏之。其後大兵起。流亡。漢定。伏生求其書。亡數十篇。此其信也。史記曰。孔子有古文尙書。而安國以今文讀之。因以起其家。逸書得十餘篇。蓋尙書茲多於是矣。此史遷之言古文也。足下則以爲歆僞竄之。又恐人謂史遷不言古文。以古文未立故也。則又以此爲史遷亦已言古文。然則不相矛盾乎。史記曰。諸儒講鄉飲大射禮於孔子冢。後世因藏孔子衣冠琴瑟車書。至漢二百餘年不絕。史遷蓋據所見而言之。足下以爲此孔子藏書也。然燔書之時。苟廟藏者。不壁藏之。能不干禁乎。况孔氏尤秦之惡乎。則孔壁古文。蓋有繇也。史記魯共王世家。不言得古文者。疏也。史遷之疏者。千百也。足下攻古文而決其罪於賊歆。尙今文而決其傳於孔子。僕以爲六經之遺傳者。皆失學者。不察則今文亦賊歆也。夫公羊。今文也。公羊曰。權者反於經。而後有善者也。此援嫂溺之義也。而公羊以祭仲廢君爲行權。則董卓。司馬師。孫琳。桓溫。皆權道也。

不亦賊歆之類乎。釋公羊者言王魯新周故宋。此明堂位王魯之謬也。而足下之攻毛詩也。言其不知三頌爲孔子寓王魯新周故宋之義。烏乎。何其言之過也。

謝左軍門寶貴贈羊裘啓

徐景濤

集翠雖麗。服之不衷。粹白足珍。取之非易。是故大夫以素絲示儉。聖人以緇衣裼裘。惟此柔毛。堪稱煥質。儻使大寒後索。已病失時。百結不完。何以卒歲。僕幼好奇服。長猶布衣。上書不行。而黑貂已敝。開篋以視。則青氈靡存。長鋏空彈。短後自哂。辱承綈贈。頓令肌暄。推白傅萬里蓋。裹之心憐。范叔一寒如此之況。被之和煖。足與陽春比溫。挹其光輝。可使霜雪失素。我衷匪熱。當五月而長披。受施不忘。豈千金之輕換。

將抵橫濱寄烏筠溪妹倩書

王詠霓

別逾三稔。塵致尺書。塗路修阻。得毋悵結。客冬遘閔。喪我賢耦。飛鳥折翼。倦而知還。入此歲來。歸計乃決。季春四日。爰發德都。輪車颺忽。日暮千里。宵渡北海。晨抵

英倫地瀕大河。商賈輻湊。比閭計口。逾四百萬。濕土常霧。鮮見旭日。燈市晝輝。雷軫夜聒。殷闐之象。過於巴黎。依島立國。水師是憑。拍司麥脫。船屯是營。告彼外部。駕言往觀。稽覽兵船。周歷廠塢。規制廣大。負乎絕倫。又跨海築堤。鑄鐵作壘。設防完固。巨鎮蔚然。泊返倫敦。旋馳利浦。停轡少憩。解纜卽行。曰大西洋風浪最險。今我來思。亦復不淺。簇如山聚。低若坎陷。一舟盪葉出沒。隱見奔騰。蜿蜒不舍。晝夜從人。堅臥不敢強起。我登柁樓。尙勉餐飯。波平風定。明月送行。同舟士女。徵歌雅集。顧我儔侶。倚笛和之。曲終拍手。促節相向。異鄉之樂。令人悲耳。旣達紐約。言游美都。諸事草創。未離儉樸。自此西行。屢易輪路。途次所見。有大瀑布。上受三湖。下注巨壑。高逾十丈。廣約里許。中分爲洲。左右倒瀉。因風飛雨。流沫凝雪。鐵橋跨澗。風洞縣厓。近而察之。惟見烟霧。宇內之水。斯號第一。茲游奇絕。可以豪矣。由切考哥。至極墨霍。繡壤交錯。牟麥茁壯。自是以西。惟有廣漠。車行千里。不見寸木。草乾若棘。高五六寸。微風偶起。塵沙撲人。就食道旁。畏彼因地。赤面被髮。如鬼如崇。學

克芒遁。譯言崇山積雪礙路。結棚是蔽。上沂沙門。疑近天際。高於海面八千餘尺。立木爲表。經記可識。將近凹墩。始覩稊柳溪桃。作花園。李吐豔。覽此景物。倍憶故土。柯林之外。是惟鹽湖腥風。熏灼卉乾。草枯行五百里。才遇泉井。百七十丈。深不見底。道經雲岫峰。石奇峭。層厓斲青。返照凝紫。不圖異域亦遘台蕩。山逾落機。下履平地。河流深廣。畜牧便蕃。泊抵金山。旅居七日。華民寄寓。逾六七萬。市肆熙攘。不改土風。酒寮沽春。劇館鳴樂。唐人街上。忘是殊邦。孟夏之朔。命侶涉園。金門樹林。有花似蘭。葉短而廣。榦柔而歧。靈根抱木。云出墨西。循彼厓麓。觀濤有樓。赤足踏波。繫誰爲戲。海狗百數。出沒吠狺。時而負暄。偃臥島石。曩見柏林。有人教之。鳴金伐鼓。遲速應節。豈茲蠢物。亦有靈性。自離美州。渡大東洋。向若而嗟。茫無畔岸。波平鏡清。是名太平。十有八日。才見乾土。舟人相告。已近江戶。遙望雪峯。聳立天表。萬年積沍。終古不化。北有火山。常出煙焰。相對屹然。理不能喻。由是入口。是爲橫濱。去彼東都。不及百里。計始發及茲。水陸四萬。僕夫況瘁。魂夢亦勞。將事休息。

并覘國俗。大阪西京。略得流覽。朱明節后。卽事言旋。東渡長崎。遄回故里。生還絕域。喜可知也。泚墨走報。用慰勤拳。慈母倚閭。希先縷告。兼訊弱妹。不盡欲云。

致吳子修太史書

袁 昶

弟久沈溺於苦縣漆園之書。以自放。渾身是病。不可救藥。思傍近服習六藝之儒。以自針石。蓄此懷久矣。果得先生降臨。方私幸天牖其衷也。尊論極持平而凜然。節制之師。曲學阿世者。曾不可毫髮犯干。使一曲之士。意消矣。他日願繼聆德論。一侍顏舍。一流人氣象。便覺易直之言。煖於布帛矣。方寸爲世故消蝕殆盡。惟喜聞正言。尙幸存此幾希之良心耳。

復督署某幕書

徐賡陞

賡陞半刺浮沈。十年潦倒。仰荷振帥特識風塵之外。拔置首善之區。知遇非常。捧檄兢惕。惟恐身名稍玷。上辱國士之知。當此勵精圖治之時。尤當以易俗移風爲酬知之地。不能以依草附木爲固寵之求也。明矣。乃奉檄之始。先生兩函推薦門

人昔之婉辭以謝者非畏先生也。蓋善全先生也。乃先生屢請不已。始則中以投鼠之忌。繼則臨以權使之尊。終且以順手二字爲虛聲之恫喝。先生亦知振帥爲何如人乎。如果坐嘯是閒。甘受先生之蔽。則某亦何敢不懼。若剛毅明決。自有權衡。則先生又安能使某必不順手耶。且先生爲振帥之友。更當以振帥之心爲心。振帥下車之時。卽嚴檄有司。毋得濫收家人幕友。則居其幕下。尤當謹受約束。爲風氣先。乃振帥則禁之。而先生則違之。又何以使振帥昭大信。示同官乎。法行自近。卽振帥終不負先生。先生不得謂不負振帥也。況幕友之道。貴席珍以待聘。不自售以炫人。貴門人聲名如何。姑不具論。卽此百計營求。萬端要挾。其品何在。其學可知。不圖先生有此高足弟子也。某與先生一面之交。耳署中延友何煩代籌。卽事多而棘手。叢脞堪虞。大吏既能用之。大吏自能罷之。某尙不自慮。而先生轉爲慮耶。利祿足以動小人。而不能惑君子。無論失之不足憾。卽先生萋斐之使。不得安其位。吹求之使。不能免其罪。某固甘之。殞首殺身。亦惟命然。恐先生未必能。

操縱自如也。願先生熟思鄙人之言。善體振帥之意。毋恃勢以脅下吏。無樹黨以植私人。則先生之聞望。當與振帥之勳名。蔚然並美矣。

致吳執厂書

梁鼎芬

楊忠愍公忠言實政。平生所師。久思拜墓。未知途徑。來此頻頻探問。甲春以前。尙未奉安。乙春回里。上冢。此身未暇。不能訪謁。前月二十九日。始得往。定興城外東引村。尋之。土人引道。遂到墓前。係由容城移葬於此。墓前柏三十株。數百年物。勁翠凌漢。如見其人。鼎芬謹列祭品。龍伯鸞所刻集焦樂山所刻集家訓。江生逢辰。鈎刻公象。均焚之。沈乙庵所贈眞迹長卷。自藏公集舊本。二種均陳設。肅容齋心。再拜默告。此四十年心事也。祀後徘徊柏下。半時。萬感交集。土人說祠在北河鎮。去此四五里。屬引之門前。破壞已甚。登堂展拜。中懸左文襄師書陶文毅公詩聯。篆極好。非子異代筆。惜無一人來揚。堂左有諫草亭。亭圯。階下老槐一株。數百年物也。回念庚寅四月。到焦山。住海西庵。還石山房。在公祠下。二十餘年。鼎芬重修。

二。次。丁。未。十。一。月。來。京。住。松。筠。庵。半。月。與。公。有。緣。今。得。拜。墓。下。微。誠。始。達。私。淑。多。慚。聊。綴。往。蹤。奉。告。知。已。

致吳子修太史書

陸元鼎

鄉。關。伏。處。耳。季。子。賢。聲。久。矣。竭。來。把。晤。已。深。心。折。一。昨。暢。聚。覺。快。論。得。未。曾。有。益。歎。蘊。蓄。之。厚。抱。負。之。閎。實。足。仰。傳。祖。笏。不。負。科。名。太。邱。世。德。斷。非。他。人。所。及。昔。黃。澄。不。輕。服。人。見。衛。叔。寶。而。傾。倒。戴。良。少。所。推。許。晤。黃。叔。度。而。若。失。兄。敢。舉。以。相。況。亦。可。見。其。折。服。之。深。矣。至。兄。昨。夕。之。談。信。口。雌。黃。未。免。乖。守。口。如。瓶。之。戒。第。琴。遇。知。音。未。妨。激。烈。馬。逢。伯。樂。不。禁。長。鳴。惟。老。棣。愛。而。教。之。幸。甚。慎。勿。使。諛。言。日。至。以。益。吾。過。也。昨。賜。珠。玉。反。復。味。玩。覺。慰。勉。交。至。意。念。深。長。惜。塵。冗。萬。狀。未。及。奉。和。開。年。小。暇。當。有。以。報。瓊。瑤。也。

復吳子修學使書

楊文瑩

別。經。三。載。懷。哉。懷。哉。兩。辱。賜。書。備。承。一。切。所。以。厚。愛。我。者。不。啻。若。自。其。口。出。荒。忽。

送日積久未報。昔人詩云。慣遲作答愛書來。句佳矣。每譏其不情。不圖躬自蹈之。無他恃愛而嬾四字盡之矣。比聞公已按臨上游各郡。還開考首郡。湘中故文藪。自新學興。英特瑰奇之士。聞風輩作。損過就中導師。是賴有次帥以鼓舞之。有公以裁成之。彼都人士何其幸也。官紳齟齬一節。朝廷本倚公作調人。今次帥內召。春老繼之。春老同鄉舊好。時艱到此。所求助於左右者必多。仔肩學務。其一端矣。嘗謂今之督撫。倍難於往日。以堂堂兼圻之大帥。辦一臧私狼籍之州縣。一舉手事耳。乃至踰海大索。幾變成交涉巨案。費無數脣舌。無數筆墨。無數金錢。曠日持久。而猶待後命。陵夷至此。天下事尙可爲乎。然旣以身許國。其又奚言盡一分心。辦一分事。成敗利鈍。雖聖人不能以自必。則亦付諸命焉耳。賢郎綱齋。遽爾乞養。始聞甚詫。尋於綱齋書所不能明言者。約略得之。公父子家庭間。仁至義盡。可謂篤矣。卽前書覲縷示。及引爲心疚。皆儒者語。捧書三復。感歎無窮。綱齋如此。厝置甚善。況春秋正富。大鵬圖南。萬里及半。暫作六月之息。未爲不可。昔之人有行之。

者。此間高等學堂總理一席。陶拙兄頗有退志。羣議替人。非絅齋莫屬也。賤軀似較往年爲勝。有老醫爲瑩按脈。謂脾胃尙強。肝腎平平。心肺兩虧。而心爲尤甚。以故力戒用心。惡詩劣棋。概廢不作。失眠之夕。亦漸少。惟左股痛處已成痼疾。仍不得跪拜。而右臂一月來。不痛不痠。而苦無力。執筆搖搖如。竟不能懸腕作大字。本非真手。殆將壞矣。硯癖日深。年來又得三五方。皆可賞。尤著者則沈椒園先生之鵝子硯。其尊人得之曹秋岳侍郎家。侍郎所謂不信窮途知己在一雙鵝。鵝眼常青者也。以隱拙齋集所記考之。尺寸花紋。無一不合。且檀通剝蝕。有古色。國初名硯。忽落吾手。不禁狂喜。重念此爲曹沈二先生所遺。昔也喬木。今也幽谷。又甚慙於茲石也。湘去端溪不遠。老阮佳石。流布必多。公同此癖。頗有所獲否。乙老去歲中秋在杭。氣神並健。因戲語曰。吾兩人三年內必不死。彼此可具結畫諾。過此限再議。不圖遽爾永訣。老友日凋。可勝悼歎。碩兄管領宗文。開明懇篤。頗著驗效。去臘辭退教習二人。斥退學生二十四人。今年塾中氣象。祁祁如也。秩秩如也。辱賜

題短鏡槩圖。詩格書勢。並超上乘。此圖頓長光價。感何可言。特難乎其爲後題者。耳。懷人詩已一一傳到。拉雜書此。聊當面談。語多無謂。繁而不殺。亦欲奮勉飾衰。並贖此嬾愆也。笑笑。日俄戰事無可言。言愁欲愁。度與公同。遂不言也。敬問起居。千萬爲國爲時自重。

與裴樾岑年伯書

易順鼎

違侍以來。箋候希闊。每儀道訓。紆軫曷極。遙想巍槩。近寓名園。諺塘汎縹。芬樹摺紺。雖遘蕭序。競揜華色。而淒霜被檻。殘菊猶傲。烈飈凌壑。孤松自蒼。應官餘閒。理卷終日。奇香一室。中有古人。善本千函。外無長物。元髮未素。冬心亦春。隱几周孔。抽賤陶謝。咨世雖瘁。禔躬仍豫。所謂大隱朝市。乃超山林。閒身江湖。尙戀魏闕者。也。鼎夙禱味。恆蹈真誥。疎慢禮節。世所詆譏。顧承齒獎。兼荷拳注。榛芳蒙路。是賴導師。駑蹶坂。厥資良。御憶在潭郡。數趨籤閣。崇訓篤議。肺臆載銘。不圖飄風。忽遠南國。蓬心靡定。繭足彌疾。攬古筑徼。省親榕陬。倭鬻之裏。結而莫釋。漸悔輕俠。

欲。勵。頑。鈍。佻。行。纖。思。懺。除。深。矣。隊。影。浮。蹤。追。索。勸。矣。將。摩。忼。篇。籍。娛。弄。光。景。納。宅。性。府。探。源。賢。津。奉。吾。二。人。觀。彼。三。界。菽。水。晨。潔。甘。於。牲。醴。萊。衣。晚。媚。榮。於。絺。袞。詎。不。懿。哉。知。垂。詹。系。敢。一。貢。忱。更。有。請。者。熊。生。瑞。昌。鼎。與。同。舉。其。人。器。識。當。在。炯。勃。之。上。長。卿。還。鄉。徒。見。四。壁。仲。路。負。米。每。出。百。里。明。公。好。士。羣。倫。共。歸。孤。寒。八。百。筥。庫。七。十。莫。不。攀。懿。轍。仰。仁。幷。如。弟。子。之。侍。嚴。師。如。嬰。兒。之。投。慈。母。桃。李。盈。徑。卽。爲。甘。棠。葭。朮。儲。籠。不。遺。水。草。昔。杜。陵。寫。志。夏。屋。庇。寒。鄒。衍。吹。律。冬。谷。迴。矧。在。明。公。必。有。以。處。此。矣。伏。冀。熙。陽。回。照。窮。轍。駮。駟。伏。棧。鷓。鴒。借。柯。使。彼。衰。親。亦。拜。隆。惠。是。卽。文。王。治。岐。恩。及。八。口。伊。尹。伐。夏。恥。在。一。夫。之。意。也。曾。陰。襲。寒。宵。宇。凝。墨。枵。臆。紀。次。朔。歛。增。厲。乞。加。調。衛。爲。國。爲。道。自。珍。

與劉松生將軍書

易順鼎

家江擊汰。未訪鷗夸。秋浦迴潮。曾通鯉訊。波長夢短。室邇人遐。聞已作凌雲載酒之遊。悵難償話雨翦鐙之願。鴻乙儻飛而莫值。蟀庚佚嬪而堪驚。忽頒遠道之還。

雲稍慰空梁之落月。朱提百兩兼拜降施。青嶂千重難遮謝悃。復告以函谷騎牛之蹤跡。霸陵射虎之情懷。冠製遠遊衣。裁短後文翁郡舍。斜日秋紅。武侯祠堂。大星夜碧。江山憑弔。歎劉禪爲庸才。壁壘經過笑桓溫。非英物。細雨劍門想見騎驢之興。浮雲玉壘不靈拜。鷓鴣之涕時非天寶。詩何必少陵。今之益州相誰如。諸葛此人過廣武。問幾多豎子英雄。表上通天看一樣。帝王山鬼者矣。今夫魚鳧之阻天險所憑也。熊虎之姿人望所繫也。以北平之飛將爲西川之寓公。百戰威名。三巴要害。正宜虎飛食肉豹死留皮。降階忘使相之尊。前席請將軍之教。錦城絲管不妨留住。花卿石棧風雲正可徐防。李特而乃繞朝贈策。頗慨謀秦。廉頗挽弧。徒思用趙。匪兕匪虎。偏滋曠野之嗟。維龍維豳。尙阻深宮之夢。此又羞與絳灌等伍。乞食亦甘。願從赤松子遊。拂衣竟去者矣。夜郎山國無用武之地。司馬兵法當尙文之時。人賤馬援之據鞍。而貴羊祜之緩帶。恐窘施於驥足。轉叢忌於蛾眉。方今備宗狙伺。妖徒蠶起。綠林橫行於郡邑。白棒竊伏乎里閭。困已鶉蘇。憂方未艾。且

西郊螻蟻。雖受王鈇。東海鯨鯢。久闖國鼎。海外神州。有九傳箭。堪虞軍中。國士無雙。登壇可待。一旦戈橫。下瀨矢及。中原蜃嘘。腥綠之煙。鷗嘯濃清之雨。則大丈夫建功立業。此其時矣。彼尺寸地。揚眉吐氣。何足道哉。伏望珍藏猿臂。秘守龍韜。磨三尺劍。以待時種。五色瓜。而避客沅水。秋碧湘山。月明俾望氣者。知其中有異人在也。

名家選定注音文讀本

本局取 唐宋明 清文集 根據前 賢選本 加以音 注極便 閱讀研 究文者 不可不 手一編 各種名 目列下

會滌生 選本	會滌生 選本	會滌生 選本	會滌生 選本	儲同人 選本	儲同人 選本	茅鹿門 選本	茅鹿門 選本	茅鹿門 選本	曾滌生 選本	沈歸愚 選本	味經堂 選本
註音	註音	註音	註音	註音	註音	註音	註音	註音	註音	註音	註音
韓昌黎文	柳子厚文	歐陽永叔文	蘇明允文	蘇東坡文	曾子固文	王介甫文	歸震川文	顧亭林文	侯朝宗文		
二册	一册	一册	一册	二册	一册	一册	一册	一册	一册	二册	
四角	一角五分	二角	二角五分	四角	一角五分	一角五分	一角	一角	二角		

王益吾 選本	王益吾 選本	王益吾 選本	王益吾 選本	王益吾 選本	江劍霞 選本	味經山 房選本	徽香館 選本
註音	註音	註音	註音	註音	註音	註音	註音
方望溪文	姚姬傳文	梅伯言文	曾滌生文	龔定盦文	張濂亭文	吳執甫文	
一册	一册	一册	二册	一册	一册	一册	
一角五分	二角	二角五分	四角五分	二角	一角五分	二角	

(尚有數十種在編輯印刷中)

上海文明書局發行

各省中華書局經售

上海文書局發行

名家選定注音詩讀本

本局取 唐宋明 清詩集 根據前 賢選本 加以音 注極便 閣讀研 究詩者 不可不 手一編 各種名 目列下

選蔣 本劍 人	選曾 本滌 生	選王 本漁 洋	選沈 本歸 愚	選王 本漁 洋	選沈 本歸 愚	選沈 本歸 愚	選沈 本歸 愚	選沈 本歸 愚	選王 本漁 洋
註香 吳 梅 村 詩	註香 黃 山 谷 詩	註香 蘇 東 坡 詩	註香 孟 東 野 詩	註香 岑 嘉 州 詩	註香 柳 蘇 州 詩	註香 白 樂 天 詩	註香 杜 少 陵 詩	註香 李 太 白 詩	註香 孟 浩 然 詩
二册	一册	一册	一册	一册	一册	一册	二册	一册	一册
二角五分	二角	一角	一角	一角	一角	一角	三角	一角五分	一角五分

(尚有數十種在編輯印刷中)

各省中華書局經售



A541 212 0014 93388

中華民國十六年九月出版
中華民國十六年九月發行



分售處

中

華

書

局

蘇州 杭州 福州 廈門 廣州 汕頭 潮州 雲南 奉天
吉林 煙台 鄭州 青島 東昌 徐州 蘭州 貴陽 長春 新加坡

北京 天津 張家口 保定 石家莊 濟南 太原 開封 西安 成都
重慶 長沙 常德 衡州 漢口 武昌 沙市 南昌 九江 安慶

編	發	印	發	發
輯	行	刷	行	行
者	所	者	所	所
吳興王文濡	上海棋盤街	上海南京路	上海南京路	上海棋盤街
	華書局	文明書局	文明書局	華書局

歷代名
家尺牘
清代尺牘 (全二册)

每部定價洋九角

6

837



~~I 48224~~